

1527

2(075)
2-85





ԱՄԵՆԱՊԱՏԻ
Տ. ՄԵՍՐՈՊ ԱՐԲԵՊՈՅ, ՆՇԱՆԵԱՆ
ՊԱՏՐԻԱՐԻ ՆՐՈՒՍԱՂԷՄԻ

համայնական
համայնական
1939
Կրտսէ

2-852 ով հաւելիք
Հարկաւ
Գ. ՔԻՄ. Կարգ ճիշտ
Կարգով

No. 8414-15

Երուսաղեմ, 24 Ապրիլ 1938

264038

Մեծայարգ Տիար Յովնան Յովհաննէսեան,
Բարեջան Ուսուցիչ Ազգ. Նուպարեան Վարժարանի,
ՀԵԼԻՈՊՈԼԻՍ

Մեծայարգ եւ Սիրելի Տիար Յ. Յովհաննէսեան,
Հաճութեամբ ընդունեցայ Ձեր ամսոյս 20 թուակիրը
եւ Ձեր պատրաստած ԿՐՕՆՔի դասագիրքին չորրորդ հա-
տորի տպագրեալ էջերը:

Շնորհակալ եմ Ձեր ազնիւ մտադրութեան համար, ո-
րով կը փափարիք իմ անուանս ձօնել Ձեր դասագիրքերը՝
յուշածուսովը այն անմոռանալի եւ քաղցր տարիներուն,
երբ կ'ուսանէիք Ս. Աթոռոյս Ժառանգաւորաց Վարժա-
րանին մէջ:

Ձերմապէս կը գնահատեմ իբրեւ իր ասպարէզին բո-
լորանուէր ուսուցիչ՝ Ձեր ունեցած գովելի ջանքն ու վաս-
տակը եւ կը մաղթեմ որ մանկավարժական պահանջնե-
րուն համապատասխան Ձեր ԿՐՕՆՔի դասագիրքերը սա-
տարեն մեր մատղաշ սերունդի նորածիլ հոգիներուն մէջ
արմատացնելու բարոյական մաքուր սկզբունքները Սուրբ
Աւետարանին, սէրը կրօնքին եւ սէրը Հայաստանեայց Ա-
ռաքելական Ս. Եկեղեցիին՝ պատրաստելով զանոնք ճշ-
մարտապէս հայ բրիտոնեայ անհատներ եւ մեր պաշտե-
լի Ս. Եկեղեցիին հարազատ եւ հաւատարիմ զաւակներ:

Հայրական սիրոյ ողջունիւ
եւ սրտարուխ օրհնութեամբ,
Աղօթարար
ՊԱՏՐԻԱՐԿ ԵՐՈՒՍՍԱԴԷՄԻ
ՄԵՍՐՈՊ ԱՐԲԵՊՍԿՊ.

Հրատարակած կրօնի Ա. Բ. Գ. Դասագրքերու գը-
սած ընդունելութեան քաջալերուած, ներկայիս ի լոյս
կ'ընծայեմ Դ. Գիրքը՝ որուն պիտի յաջորդէ Հինգերորդը:

Այս գրքին մէջ ջանքս եղաւ Հայ Եկեղեցին ներկա-
յացնել իր ամբողջութեանը մէջ, այն համոզումով թէ
եղան՝ երբ զայն մօտեն ճանչնայ, աւելի եւս պիտի սիրէ:

Հայ Եկեղեցին՝ Հայութիւնը կանգուն պահող հզօր
ազգայնեան մին եղած է անցեալին մէջ եւ է նաեւ
ներկայիս: Այս ըմբռնումով է որ լայն տարածութիւն
նորին, ծիսական, նուիրապետական, ասուածապաշ-
տութեան մէջ գործածական նուիրական անօրհնութիւն,
սպասնեւուն, մասակարարութեան եւ նուիրական ցե-
փին մասին:

Որպէսզի ցոյց տայ թէ մեր Եկեղեցին որչափ
սկզբնական Եկեղեցիին հաւատարիմ մնացած է՝ տուի
նաեւ Ընդհանուր Եկեղեցիին կեանքը մինչեւ Դ. դար:
Տուի նաեւ կարգ մը հայրապետներու եւ մարտիրոսներու
կեանքը՝ անով իր Տիեզերական Եկեղեցիին անբաժան
մաս կազմած ըլլալը շեշտելու համար:

12.06.2013

ԿՐՕՆՔ

Դ. Գ Ի Բ Ք

ՀԱՅ ԵԿԵՂԵՑԻՆ

ԱՌԱՋԻՆ ՄԱՍ

Ա.

Քրիստոնեական Եկեղեցին Բ. Դարուն մեջ

Ընդհանուր եկեղեցին ժամանակ մը խաղաղութիւն վայելելէ վերջ Տրայիանոս կայսեր օրով (52—117) դարձեալ սկսաւ հալածուիլ: Ինչպէս միշտ՝ այս անգամ ալ խռովութիւնը ամբոխին կողմէ յուզուեցաւ:

Բիւթոնացի կուսակալը՝ Պլինիոս Կրտսեր, իր կայսեր գրած նամակներէն մէկուն մէջ կը պատմէ թէ քրիստոնէութիւնը Փոքր Ասիոյ մէջ քաղաքներէն մինչեւ գիւղերը տարածուած ըլլալով՝ մեհեանները լըքուած, հանդէսները դադրած են: Եւ կ'աւելցնէ. «Ոչ մէկ ծանր ոճիւր կրնանք վերագրել անոնց՝ իրենց միակ յանցանքը քրիստոնեայ ըլլալին է» Տրայիանոս կը պատասխանէ. «Զգուշացէք խաղաղ քրիստոնեաները հալածելէ, բայց երբ անոնք դատաւորներու ներկայութեան մերժեն չաստուածներուն զո՞՞ մտտուցանել և կայսեր պատկերին առջեւ խուսկ ծխել, այն ատեն միայն մահուան դատապարտեցէք»:



768

Քրիստոնէութիւնը Փոքր Ասիայէն դուրս ուրիշ վայրերու մէջ ալ զերծ չէր հալածանքներէ:

Յակոբոս Տեառնեղբոր յաջորդը՝ Կղէսպոյսի որդին Սիմոն՝ որ 120 տարեկան էր, Ատտիկոս կուսակալին առջեւ ամբաստանուեցաւ իբր Յուդայի թագաւորութեան շառուիղներէն մին, հետեւաբար իբր խոտվարար մը: Ատտիկոս զայն քանի մը օրեր չարչարանքներու ենթարկելէ վերջ խաչել տուաւ:

Տրայիանոսի հալածանքներուն մէջ նահատակուողներէն ամենէն նշանաւորը եղաւ Անտիոքի եպիսկոպոսը՝ Իգնատիոս, որ իբրեւ աստուածախօս քարոզիչ՝ շատուածներուն տաճարները անապատներու վերածած էր: Անիկա մահուան դատապարտուելով՝ որոշուեցաւ չղթայակապ Հռովմ գրկել, որպէսզի կրկէսին մէջ գաղաններու կեր ըլլայ:

Իգնատիոս քանի մը եկեղեցիներու թուղթեր գըրած է որոնց մէջ այդ ժամանակի կրօնական կեանքն ու բարեպաշտութիւնը կը պարզուին:

Տրայիանոսի յաջորդ Ադրիանոս կայսրը թէպէտ մոսնաւոր հրովարտակ չհանեց քրիստոնեաները հալածելու համար, բայց իր նախորդին սկսածը շարունակեց:

Այս շրջանի քրիստոնեաները ոչ միայն իրենց ինչքը ծախելով աղքատներուն կը բաժնէին այլ և



Տրայիանոս կայսր

տարափոխիկ հիւանդութիւններու ատեն անձնուիրաբար կը խնամէին հեւանդները, գերիները կ'ազատէին և կամ Աւետարանը կը քարոզէին այնպիսի վայրերու մէջ ուր քրիստոնէութիւնը մուտք գործած չէր: ✓



Ս. Իգնատիոսի նաճաճակութիւնը

Այս օրերուն է որ կարգ մը մատենագիրներ ջըրիստոնէութեան մասին ջատագովականներ գրելով կայսեր վրայ մեծ ազդեցութիւն գործեցին:

Ադրիանոսի օրով քրիստոնեաները հրեաներէն ալ հալածանք կրեցին:

Երուսաղէմի մէջ հեթանոսներ հաստատուած ըլլալով՝ Սողոմոնի տաճարին տեղը Արամազդի մենեանը կանգնեցին: Հրեաները սակէ գայթակղած ապստամբեցան իրենց սրբավայրերը մաքրելու համար: Այս ապստամբութիւնը կը զեկալարէր սուտ մարգարէ մը որ ինքզինքը Բար-Քովրա՝ այսինքն որդի Աստեղ կը կոչէր, իբր թէ ինք եղած ըլլար այն աստղը որ Հին կտակարանին մէջ յիշուած է: Հրեաները որոնք ճշմարիտ լոյսը մերժած էին, գրկաբաց ընդունեցին այս խաբեբան: Բար-Քովրա կտաաղի հակառակորդ մը ըլլալով քրիստոնեաներուն՝ տնուի չարչարանքներու մասնեց զանոնք: Ասոր իշխանութիւնը երեք տարի տեւեց: Հռովմայեցիները զսպելով այս ապստամբութիւնը՝ 580,000 հրեաներ ջարդեցին: Մնացածներուն ոչ միայն արգելուեցաւ Երուսաղէմ չլիբրադառնալ, այլ և հեռուէն ալ դիտելը:

Անկէ յետոյ Երուսաղէմ դարձեալ վերաշինուելով անունը Ելիա-Կապիտոլին դրուեցաւ՝ Ելիոս-Ադրիանոս կայսեր ի պատիւ:

Այս անգամ Արամազդի արձանը Ս. Գերեզմանին, Աստղիկինը՝ Գողգոթայի վրայ դրուեցան. իսկ Բեթղեմէմի շուրջը ի պատիւ Ադոնիս չաստուածին անտառ մը տնկուեցաւ:

Այդ օրէն սկսեալ հրեաները մինչեւ այսօր ցրուած կը մնան աշխարհի ամէն անկիւնը:


ՀԱՐՑՈՒՄՆԵՐ.— Բ. դարուն ո՞վ հայածեց եկեղեցին: Պիսիոս Կրտսեր ի՞նչ կը գրէր կայսեր քրիստոնեաներու մասին: Կայսրը ի՞նչ պատասխանեց: Ո՞վ էր Կղէսպայի որդին, ինչո՞ւ եւ ի՞նչպէս նահատակուեցաւ:

Այս հայածանքներուն մէջ ո՞վ նշանաւոր եղաւ: Քրիստոնեաները ի՞նչպէս կը զիմագրաւէին հայածանքները: Ինչո՞ւ հրեաները ապստամբեցան. ո՞վ էր Բար-Քովրա. ի՞նչ եղաւ հրէից ապստամբութեան վախճանը:

Բ. Բ.

Վերջին Հարստակեր

Դիոկղետիանոս կայսրը տասն ութ տարի քրիստոնէից դէմ որեւէ հալածանք չյայտարարեց: Թագուհին և աղջիկը բացէ ի բաց քրիստոնէութեան յարած էին: Ասոնց օրինակին կը հետեւէին նաեւ բարձրաստիճան անձնաւորութիւններ և պաշտօնեաներ: Շատ մը տեղերու մէջ համարձակօրէն եկեղեցիներ կը շինուէին: Նիկոմիդիոյ մէջ կայսերական պալատին ճիշդ դիմացը գեղեցիկ տաճար մը կը բարձրանար:



Դիոկղետիանոս կայսր

Բայց այս ներողամիտ Դիոկղետիանոս կայսր թոյլտուութիւնը քրիստոնեաներու մէջ մարած էր առաջուան եռանդը, ատոր փոխարէն՝ շատ մը պատակտու մներ երեւան գալ սկսած էին: Աւետարանի ազդեցութիւնը կարծես հեազհեաէ կը տկարանար: Եկեղեցին իր այս թմրութենէն արթնցնելու համար կարծես նոր հալածանքներ պէտք էին: Դիոկղետիանոս 298ին հրամանագիրով մը պալատին մէջ ապրողներուն կը հրամայէր զոհել կուռքերուն: Այս հրամանը շատերուն նահատակութեան պատճառ եղաւ:

Ռոմուլա և իր որդին Գաղերիոս՝ որոնք իրենց անագորոյն բնաւորութեամբը ծանօթ էին, աւելի կը հրահրէին հալածանքը: Դիոկղետիանոս ուրիշ հրամա-

նագրով մը եկեղեցիները քանդել և գրքերը այրել կը հրամայէր: Բանդուժի այս գործը սկսաւ Նիկոմիդիոյ եկեղեցիէն: Բանի մը ժամուան մէջ երկու կայսրերու աչքերուն առջեւ՝ կայսերական պահակազունը հիմնովին կործանեց զայն:

Երկրորդ օրը՝ ուրիշ հրաման մըն ալ հանեց որով քրիստոնեաները իրենց սատիճաններէն և օրէնքի պաշտպանութենէն կը զրկէր:


Պալատին մէջ երկու անգամ հրդեհ ծագեցաւ: Գաղերիոս յանցանքը քրիստոնեաներուն վերագրեց որպէսզի կայսրը գրգռէ անոնց դէմ: Ասոր վրայ Դիոկղետիանոս կը հրամայէ որ կայսրութեան սահմաններուն մէջ զանուող բոլոր այն քրիստոնեաները՝ որոնք կուռքերուն չեն զոհեր, մահուամբ պատժուին: Դիոկղետիանոս նախ մայրն ու քոյրը ստիպեց որ կատարեն իր հրամանը, յետոյ՝ պալատին մէջ բնակողները: Իր թիկնապահներէն Պետրոս անուն երիտասարդ մը մաղմաղ կրակարանի մը վրայ այրել տուաւ կուռքերուն չզոհելուն համար: Յետոյ՝ առանց սրբելէ պատճառի, քահանաներն ու սարկաւազները ձերբակալել տալով մահուան դատապարտել տուաւ առանց դատաստանի: Բանտերը քրիստոնեաներով լեցուեցան:

Իր գործակիցը՝ Մաքսիմէն կայսրը, բարբարոսաբար կը կատարէր կայսեր հրամանները, իսկ Կոստանդիանոս Կեսար Գաղղիոյ եկեղեցիները միայն քանդեց առանց քրիստոնեաներուն ձեռք դպցնելու: Այս պատճառով շատեր Գաղղիա ապաստանեցան:

Յիշենք քրիստոնեաները տանջելու համար մտածուած և գործադրուած տանջանքներէն ոմանք. սնիւներու սակ ճմլել մարմինը, մաղմաղ կրակի վրայ այրել, երկաթէ կասկարաներու վրայ նստեցնել, մարմինին վրայ հալած կապար լեցնել, մէկ ձեռքէն կախել մարմինն ահագին ծանրութիւններ կապելով, եր-

կաթէ սանտրերով մարմինը քերել, ջրահեղձ ընել, եռացեալ կաթսաներու մէջ նետել ևւն. ևւն.:

Շատ անգամ մարտիւր դատարաններէն ներս խուժելով, դատապարտելը կը յափշտակէր ու ինքը կը գործադրէր պատիժը որպէսզի ժամանակ չկորսուի:



Հին Հռովմի բանտերէն մին, ուր կը բանտարկուէին ձերբակալուած Քրիստոնեաները

Փռիւգիայի մէջ մարդջ քաղաք մը՝ պաշարելով կրակի տուին: որեւէ մարդ չազատեցաւ: Կայսրերը տեսով ալ չրաւակոնանալով նոր հրամանագրով մը կը հրամայէին քրիստոնեաներուն մէկ աչքը հանելէ, ծունկին ջիղերը քաշելէ վերջ հանքերուն մէջ աշխատեցնել զանոնք:

Այս հալածանքները մինչեւ 305 թուականը տեւեցին:

Այս անուելի հալածանքները Գաղերիոսի և Կոս-

տանդիտսի օրով հետզհետէ մեղմացան: Այս վերջնոյս որդին՝ Կոստանդիանոս՝ որ Գաղղիոյ և Սպանիոյ քրիստոնեաներուն բացարձակ ազատութիւն շնորհած էր, երբ արեւմտեան կայսրութեան վրայ միանեծան տիրեց (312 ին), կրօնական ազատութիւն շնորհեց, զոր հաստատեց իր Միլանի հրովարտակով՝ 313 ին:

Եկեղեցիին սեպնականատէր ըլլալու և կիրակին հանդիսաւորապէս տօնելու արածութիւնն ալ շնորհեց Նոսե մեծամեծ գումարներ նուիրեց և մեհեաններուն կալուածները գրուելով եկեղեցիներուն պարգևեց:

Իր օրով ամէն տեղ եկեղեցիներ շինուեցան: Իր մայրը՝ Հեղինէ թագուհի, մեծ գումարներ նուիրեց որպէսզի անոնցմով Երուսաղէմի մէջ եկեղեցիներ շինուին:

Երբ արեւելքի մէջ Լիկիանոս կայսրը դարձեալ սկսաւ հալածել քրիստոնեաները, ինք պատերազմի ելլելով անոր դէմ գերի բռնեց զայն և սպաննեց:

Մեռաւ 337 ին:

ՀԱՐՅՈՒՄՆԵՐ.— Վերջին հալածանքին հեղինակը ո՞վ էր: Ի՞նչ էր քրիստոնէութեան վիճակը այդ օրերուն: Գիտի՞ղես Կիոստանոսի զրգռիչները որո՞նք էին: Արեւմուտքի մէջ ո՞վ էր որ քրիստոնեաները կը պաշտպանէր: Ի՞նչ միջոցներ կը գործածէին քրիստոնեաները տանջելու համար: Այս հալածանքները մինչեւ ե՞րբ տեւեցին: Հռովմէական պետութիւնը ե՞րբ եւ որո՞ւ օրով քրիստոնէութիւնը պաշտօնական կրօնք հռչակեց:


Նահապակբ կենդանիք, սիրող քրիստոսի, որք չարչարեցայք մարմնով վասն անուանն Տեառն:

Մարտիրոսք ցանկալիք, մարդկան ըղձալիք, հայեցեքք ի Սուրբ Հոգւոյն քալ մեր ըզբարիս:

Գ.

Եկեղեցիին Ներքին Կեսանքը Առաջին Երեք Դարերուն

Նախնական եկեղեցին կառավարելու համար հաւատացեալները երէցներ կ'ընտրէին: Ասոնք թէ՛ երէց և թէ՛ եպիսկոպոս կը կոչուէին: Վերջէն եպիսկոպոս



Նախնական եկեղեցւոյ հաւաքոյթներէն սեսարան մը

անունը կը տրուէր այն անձին որ հաւատացեալներու քուէովը ընտրուելով երէցներէն կը ձեռնադրուէր, երիցական ժողովին կը նախագահէր և եկեղեցին կը կառավարէր:

Կային նաեւ սարկուսագներ և սարկուսագուհիներ որոնք ժողովուրդէն կ'ընտրուէին: Ասոնց պաշտօնն էր

աղքատներն ու հիւանդները խնամել և երբեմն ալ քարոզել:

Նախնական քրիստոնեաներու եկեղեցական պաշտամունքը շատ պարզ էր. աղօթել, սաղմոսներ երգել, սուրբ գիրք կարդալ, քարոզ խօսիլ և հանդիսաւոր կերպով կատարել տէրութեան Ս. Ընթրիքը՝ որուն կրնային մասնակցել միմիայն մկրտուածները: Այս առթիւ աղքատներու և հիւանդներու համար նպաստներ կը ժողվէին:

Մկրտութիւնը կը կատարէին հաւատացեալը երեք անգամ ջուրին մէջ ընկղմելով. մեր եկեղեցին առաքելական դարու այս սովորութիւնը մինչեւ այսօր ալ կը կատարէ:

Ընթրիքի Ս. Խորհուրդը ընդհանրապէս կիրակի կամ տօնական օրերը կը կատարուէր որ պատարագ կամ զոհ ալ կը կոչուէր:

Մարտիրոսն ըստ յիշատակն ալ կը յարգուէր եկեղեցական պաշտամունքներուն մէջ: Անոնց մահուան տարեդարձին հաւատացեալները կը սիրէին լսել մարտիրոսներու չարչարանքներն ու նահատակութեան պատմութիւնները:



Նախնական Քրիստոնեաներու գեցնափոր հաւատեղիքներէն մեկուն մուսքը

կիրակի օրը ամէն աշխատանք կը դադրէր: Դչ. և Ուր. օրերը պահքի օրեր էին: Առաջինին մէջ Քրիստոսի չորչորանքը սկսելուն՝ իսկ երկրորդին մէջ Անոր մահը անդի ունեցած ըլլալուն ի պատիւ:

Պատէքը և կամ Զատիկը քրիստոնեաներուն ամենամեծ տօնն էր: Այդ օրերուն Պատէքէն առաջ 40 ժամ միայն պահք կը պահէին որ վերջէն քառասուն օրուայ բարձրացաւ:

Սկիզբները եկեղեցական արարողութիւնները ծածուկ տեղեր կամ անապատներու մէջ կը կատարէին: Դ. դարէն սկսեալ հրեաներու տաճարներու նմանութեամբ եկեղեցիներ շինել սկսան:

Բոլոր անոնք որոնք կը փախաքէին եկեղեցիին անդամագրուելի՛ պէտք է ապաշխարէին, որպէսզի մաքուր խղճով կարենային եկեղեցիէն ներս մտնել:

Հերետիկոսներու մոլորութիւնները հերքելու համար՝ Եկեղեցին Ս. Գրքի վկայութիւններուն կը դիմէր:

ՀԱՐՅՈՒՄՆԵՐ.— Որո՞նք երէց կ'ըսէին. ի՞նչ էր անոր պաշտօնը: Սարկաւագները ի՞նչ կ'ընէին: Նախկին քրիստոնեաներու պաշտամունքի մասին ի՞նչ գիտես: Կիրակի օրերը ի՞նչ կ'ընէին: Քրիստոնէից գլխաւոր տօնը ո՞ր մէկն էր: Եկեղեցական արարողութիւնները ինչո՞ւ ծածուկ կը կատարէին: Քրիստոնեայ ըլլալու համար ի՞նչ պէտք էր ընել:

Եկեղեցիի արդարոց, փարաբանիչ ամենասուրբ Սերորդութեանն, յառաւօսքս լուսոյ զառաւօս խաղաղութեան Քրիստոսոս գովեցիք ընդ Հօր եւ Հոգւոյն, որ ծագեաց ըզլոյս գիտութեանն իւրոյ ի մեզ:

2

9268
ՀԱՅԱՍՏԱՆԻ ՔՐԻՍՏՈՆԵԱՆԵՐԻ
ԳՐԱԴԱՐԱՆ
ՀԱՄԷ-ԱՐՄ.ՍՍՐ
Ս. Ա. ՄԱՅՐԱՅԻՄԻ
ԵՍՏ

Գ.

Քրիստոնեաներու Վարժը

Առաջին դարերուն մէջ քրիստոնեաները հեթանոսներէն կը զանազանուէին իրարու հանդէպ ունեցած իրենց սիրովը: Անոնք եղբայր կը կոչէին մէկզմէկ և եղբայրութեան բոլոր պայմանները կը յարգէին: Անոնց թէ՛ ուրախութիւնը և թէ՛ տրամութիւնը հասարակաց էր: Եթէ մէկը շնորհքի մը (նիւթական վարձատրութիւն) արժանանար ամէնքն ալ կը վայելէին զայն: Իսկ եթէ մէկը փորձութեան մը կամ դժբախտութեան մը հանդիպէր՝ դարձեալ ամէնքն ալ օգնութեան կը փութային:

Անոնք ոչ միայն կը ճանչնային զիրար այլ նաեւ կը փնտռէին: Անոնց համար ցովորական բան մըն էր Ագապը՝ նուիրական հոցը, միասին ուտելը: Սեղանին շուրջ՝ ոչ մեծի և ոչ փոքրի, ոչ հարուստի և ոչ աղքատի, ոչ տիրոջ և ոչ ծառայի կամ գերիի խտրութիւն կար: Քրիստոսի անուշով հոցը կը բեկանէին, բաժակը կ'ըմպէին. Անոր շարչարանքի և մահուան յիշատակը վերջիչելու համար:

Քրիստոնէից այս եղբայրական միութիւնը թշնամիներու ամբաստանութեան պատրուակ կ'ըլլար: Անոնք քրիստոնեաները կ'ամբաստանէին ըսելով. «Անոնք գաղտնի տեղեր կը հաւաքուին կայսրութեան դէմ դաւադրութիւն սարքելու համար»:

Հեթանոսներու համար քրիստոնէից իրարու հանդէպ տածած սէրը անհասկնալի էր:

Կիրակի օրերը նուէրներ կը ժողվէին աղքատներու և կարօտ եկեղեցիներու, մահաւանդ մարտիրոսներու որբերուն և այրիներուն համար: Քանի

տանց թիւը շատնար հաւատացեալներու առատածնունդութիւնն ալ կ'աւելնար: Անոնք ինքնակամ դրամ, հագուստ և կորասիներ կը նուիրէին:



Նախկին Քրիստոնեաներու գիտեային հաւաքոյթ մը

Քրիստոնեաները նշանաւոր էին նաեւ իրենց հիւրասիրութեամբ: Անոնց համար ցնծութեան օր մը կ'ըլլար երբ հեռու տեղէ եղբայր մը այցելութեան կուգար իրենց: Հերիք է որ անձանօթը երէցէ մը կամ եպիսկոպոսէ մը յանձնարարական մը ունենար: Այդ գրութիւնները իրենց խորհրդապատկան որոշ նշանները ունէին, որպէսզի անոնց գործածութիւնը զգոծումներու տեղի չտար:

Հիւրասիրութեան պայմաններէն մէկն էր նախ հիւրին սաքերը լուսլ, անկէ յետոյ անիկա ընտանիքին անդամներէն մէկը կը համարուէր, ամէն յարգանք և վստահութիւն կը վայելէր:

Երբ հայրամանքները սկսէին՝ քրիստոնեաներու զը-
րացիները, նոյնիսկ ազգականները, զանոնք հեթանոս-
ներուն ձեռքը կը յանձնէին և կամ կը մասնէին որպէսզի
անոնց կալուածներուն և ինչքերուն ափրանան: Բայց
անոնք ամէն կարգի նեղութիւններու հանդէպ ուրիշ
ընթացք չէին բռնել եթէ ոչ հետեւիլ երկնաւոր վար-
դապետին օրինակին, որ էր ազօթել թշնամիներու հա-
մար, օրհնել զիրենք հալածողները:

Քրիստոնեաները իբր քաղաքացիներ իրենց պարտա-
քը լիուլի կը կատարէին տուրք վճարելով և զօրք
տալով: Բայց եթէ իրենց խղճին և զգացումին հակա-
ռակ գործեր առաջարկուէին, այն ատեն կը նախընտ-
րէին Աստուծոյ հնազանդիլ: Անոնք հակառակ այնքան
հալածանքներուն երբեք չապստամբեցան պետութեան
դէմ թէպէտ՝ եթէ ուզէին, կրնային, որովհետեւ Ք.
դարու վերջը իրենց թիւը անհամեմատելի կերպով
շատցած էր:

Այս քաղցր վերաբերումն ու համբերութիւնը շատ
անգամներ պատճառ եղան որ զիրենք հալածողները,
ծաղրողները, չարչարողներն ու տանջողները իրենք
ալ թողուն իրենց անոտի պաշտամունքները և անոնց
հետեւին. մանաւանդ մոհուան հանդէպ անոնց զուար-
թութիւնը շատ կ'ազդէր հեթանոսներուն վրայ: Անոնք
սիրով կը դիմագրաւէին մահը այն յոյսով թէ իրենք
Քրիստոսի համար կը չարչարուէին, հետեւապէս նա-
խախնամութիւնը իրենց յոյսերը պիտի պսակէր: Այդ
յոյսով բոլոր զրկանքներն ու չարչարանքները սիրով
կը տանէին, մանաւանդ քաջ գիտնալով թէ եկեղեցին
իրենց որբերուն տէր պիտի ըլլար:

Քրիստոնեայ ստրուկներն ալ, հակառակ որ գի-
տէին թէ նոր վարդապետութեամբ իրենք ազատ են
այլեւս, բնաւ չէին ապստամբեր և կամ սպօրինի մի-

ջոցներու չէին դիմեր իրենց վիճակէն ազատելու հա-
մար:

Նորադարձները իրենց գործերով միայն կը զբա-
ղէին, կրկէաներ չէին յաճախեր և կուռքերուն չէին
զոհեր երբեք:

Ամուսնութիւնը իր խորհրդաւոր կնիքը ստացաւ
և տունը սիրոյ բոյն մը դարձաւ: Հաւատացեալ մը
անհաւատի մը հետ չէր կրնար ամուսնանալ, եթէ նա-
խապէս ամուսնացած չէր, այս պարագային չէր կրնար
բամուռիլ իր կնոջմէն:

ՀԱՐՑՈՒՄՆԵՐ.— Քրիստոնեաները հեթանոսներէն ի՞նչպէս կը
զանազանուէին: Քրիստոնեաները ի՞նչով կը մեղադրուէին: Կի-
րակի օրերը ի՞նչ կ'ընէին: Ի՞նչով նշանաւոր էին: Հայրամանքի
օրերուն քրիստոնեաներու դրացիները կամ ազգականները ի՞նչ
կ'ընէին: Քրիստոնեաներու համբերութիւնը ի՞նչ բանի պատճառ
կ'ըլլար: Նորադարձները ի՞նչ բաներէ պէտք է զգուշանային:

Յնձուրթամբ տեսցու՛մ զլիցասակս նո-
ցունց, զի եւ նոցին հաղորդեսցու՛մ փրկու-
թեան. խնդրելով յԱբարչէն զպարգեսս երկ-
նաւորս եւ զդասիլն ընդ նոսին ի յարկս
լուսեղէն:

Իիւծեալք մաւեցան յուսացեալք ի մե-
ծութիւն, եւ կանայք վեհագինք գերեզանց-
եալք յաղթեցին. բուրվառք ոսկեղէնք հրով
հոգւոյն վառեցան, զահազգեսեալք ի Քրիս-
տոս եւ դասեալք ընդ հեցեսակս:

Ե.

Տիեզերական Երեխ Ժողովներ

Առաքելներուն յաջորդող եկեղեցականներուն մէջ գտնուեցան այնպիսիներ որոնք Քրիստոսի և Հոգին Ս. Աստուծոյ մասին հակառակ կարծիքներ յայտնելով սկսան ժողովուրդը մոլորեցնել: Ասոնց սխալ վարդապետութիւնները հերքելու և ուղղափառ դաւանութիւնը հաստատելու համար երեք մեծ ժողովներ գումարուեցան:

Առաջին մոլորութեան հեղինակն էր Արիոս Աղեքսանդրացին որ 324ին սկսաւ սորվեցնել թէ Որդին Աստուած Հօր Աստուծոյ հաւասար չէ այլ արարած մը՝ ինչ ինչ կատարելութիւններով: Այս մոլորութիւնը նախապէս շատ մը հետեւողներ ալ ունեցաւ, մանաւանդ Աղեքսանդրիոյ կիներն ու աղջիկները:

Յետոյ այս մոլորութիւնը համարձակ կերպով սկսաւ քարոզուիլ Եգիպտոսի, Ասորիքի և Պաղեստինի մէջ:

Նախ քան Նիկիական ժողովը Աղեքսանդրիոյ մէջ երկու ժողովներով նշովուեցան անոր հեղինակն ու հետեւողները:

Եւսեբիոս Նիկոմիդիացի եպիսկոպոսը լսելով Արիոսի աքսորուիլը պաշտպան կանգնեցաւ անոր և վարդապետութեան:

ՆԻԿԻՈՅ ԺՈՂՈՎԸ

Մեծն Կոստանդիանոս այս հակաութիւններուն առաջքը առնելու համար շրջաբերական նամակով մը բոլոր եկեղեցիներու ներկայացուցիչները ընդհանրա-

կան ժողովի մը հրաւիրեց: Այս ժողովը զբաղեցաւ Արիոսի մոլորութիւնով որ կ'ուրանար Քրիստոսի Աստուածութիւնը: Ժողովը՝ յետ քննութեան, նշովեց Արիոսը և իրեն հետեւողները և հաստատեց Քրիստոսի Աստուածութիւնը՝ ընդունելով Աղեքսանդրիոյ եկեղեցիին աստուածաբան սարկաւազին՝ Աթանասի, բանաձեւած Հաւատոյ Հանգանակը:

Անկէ վերջ Արիոս և իր համախոհները աքսորուեցան: Ժողովը զբաղեցաւ նաեւ եկեղեցական բարեկարգութիւններով: Որոշեց թէ Չատիկը ե՞րբ պէտք է տօնել, հաստատեց կանոններ, որոշեց եպիսկոպոսական թեմերու սահմանները և անոնց իրաւասութիւնները, արգիլուեցաւ նաեւ եկեղեցականներուն իրենց հօտը լքել և ուրիշ տեղ երթալ:

Ժողովը տեղի ունեցաւ 325ին՝ Նիկիոյ մէջ՝ Կոստանդիանոս կայսեր նախաճահութեամբ: Հայ եկեղեցիին ներկայացուցիչն էր Ս. Գրիգոր Լուսաւորչի կրտսեր որդին՝ Արիստակէս, որ Հաւատոյ Հանգանակը միասին բերաւ Հայաստան և իր հօրը ներկայացուց զայն:

Ս. Գրիգոր ընդունելով Նիկիոյ ժողովին որոշումները, իր կողմէ Հանգանակին վրայ աւելցուց «Իսկ մեք փառաւորեսցուք»ը որ կը կրկնուի մինչեւ այսօր:

Հայ եկեղեցին այս ժողովը կը տօնէ Սաչվերացի բարեկենդանի Շք. օրը:

Կ. ՊՈՒՍՈՅ ԺՈՂՈՎԸ

Թէոդոս Բ. որ ուղղափառներուն պաշտպանն էր, հրամայեց որ եկեղեցիները հաստատուն պահեն Նիկիոյ դաւանութիւնը: Իր նախորդին՝ Վաղեսի աքսորած ուղղափառները ետ կանչելով 381 Մայիսին, Կ. Պու-

սոյ մէջ հրաւիրեց երկրորդ օրհնակական ժողովը: Այս ժողովին ներկայ էին 150 հայրապետներ:

Ժողովը զբաղեցաւ Մակեդոն եպիսկոպոսի մուրթութիւնով, որ Ս. Հոգին Երրորդութեան երեք անձերէն մէկը չէր ընդուներ:

Այս մուրթութիւնը հոգեմարտութիւն ալ ըսուեցաւ: Ժողովը նզովեց Մակեդոնը և հաստատեց Ս. Հոգին Աստուածութիւնը: Իսկ Հաւատոյ Հանգանակին վրայ աւելցուց «Հաւատամք և ի Ս. Հոգին յանդն և ի կատարեալն...»

Ժողովը Երուսաղէմի աթոռը պատրիարքութեան աստիճանին բարձրացուց:

Հայ եկեղեցին այս ժողովը կը տօնէ մեծ բարեշանի վերջին Ծբ. օրը:

ԵՓԵՍՈՍԻ ԺՈՂՈՎԸ

430ին Կ. Պոլսոյ մէջ խնդիր եղաւ թէ Ս. Կոյսը Աստուծոյ մայր պէտք է կոչել թէ ոչ՝ պարզապէս մայր Քրիստոսի:

Այդ օրերուն Կ. Պոլսոյ պատրիարքն էր Նեստոր, որ Անտիօքի դպրոցին աշակերտներէն էր:

Նեստոր ինքն ալ Անտիօքի դպրոցին պէս Աղեքսանդրիացիներուն դէմ արտայայտուելու համար սկսաւ Ս. Կոյսը մայր Քրիստոսի կոչել և իրեն հետեւողներ ալ ունեցաւ:

Փոքր Թէոդոս 431 Յունիսին, Եփեսոսի մէջ երկու հարիւր վարդապետներով ժողով մը գումարեց, Նեստորի մուրթութիւնը քննելու համար: Ժողովը հաստատելով Նեստորի մուրթութիւնը, նզովեց զայն և հաստատեց ուղղափառ վարդապետութիւնը, որ է Քրիստոս Աստուած է և Ս. Կոյսն ալ Աստուածածին:

Այս ժողովին կը նախագահէր Ս. Կիւրեղ Աղեքսանդրիացի Հայրապետը:

Նեստոր ժողովին հրաւերին պատասխանած չէր, հետեւաբար ի բացակայութեան դատապարտուեցաւ: Թէոդոս պատրիարքական աթոռէն վար ասնելով զինքը աքսորեց:

Հայ եկեղեցին այս ժողովը կը տօնէ Աստուածածնայ Ծբ. օրը: Բոլոր այս տօներուն Մանկունքի ատեն վարագոյրով կը ծածկէ սեղանը:

ՀԱՐՑՈՒՄՆԵՐ.— Առաջին հերետիկոսը ո՞վ եղաւ: Ի՞նչ կը քարոզէր: Նախապէս ո՞ւր նզովուեցաւ այս մուրթութիւնը: Կոստանդիանոս պառակտումի մը առաջըր առնելու համար ի՞նչ խորհեցաւ: Ա. Բ. Գ. օրհնակական ժողովները ո՞ւր գումարուեցան: Նիկիոյ մէջ ի՞նչ որոշումներ առին: Մակեդոն ի՞նչ կը քարոզէր: Ասոր մուրթութիւնը ե՞րբ դատապարտուեցաւ: Ո՞վ էր Նեստոր: Ի՞նչ կը քարոզէր. ե՞րբ և ո՞ւր դատապարտուեցաւ:



Մեծն Կոստանդիանոս

2.

Վանական Կեանքի
Սկզբնաւորութիւնը — Ճգնարաններ



420 ին՝ Դեկոս կայսեր օրով, Եգիպտոսի քրիստոնեաներուն մէջ մեծ շարժում մը առաջ եկաւ Շատ մը հաւատացեալներ Թիբայիդի հեռաւոր վայրին մէջ առանձնանալով ինքզինքնին ազօթքի տուին: Քիչ ատենէն անոնց շուրջը շատ մը անապատականներ հաւաքուեցան որոնք իրր սուրբեր ժողովուրդէն կը յարգուէին:

Ամենէն շատ յարգանքի արժանացողները Սիւնակեացները եղան, որոնք սիւներու վրայ կ'ապրէին: Ասոնց մէջէն նշանաւոր եղան Սիմոն Անտիոքցին և Դանիէլ Կ. Պոլսեցին: Առաջինը 30 տարի՝ ամառ և ձմեռ, 36 ոտք բարձրութիւն ունեցող սիւնի մը վրայ անցուց իր կեանքը: Ասոնք ժողովուրդէն կը կերակրուէին:

Ժամանակ մը վերջ այս վայրերուն մէջ անապատականներու թիւը մինչեւ 76 հազարի հասաւ: Բայց շուտով անկարգութիւններ առաջ եկան: Ասոնցմէ ոմանք կամ բռնութեամբ և կամ զոնազան ծիծաղաչարժ ձեւերով ժողովուրդէն կերակուր ձեռք կը բերէին:

Անտոն անուհով Եգիպտացի մը իր բոլոր հարստութիւնը աղքատներուն բաժնելով Գերեզմաննոց ըսուած վայրը առանձնացաւ: Ասոր առաջին գործը եղաւ անապատականները ժողովել և զոնոնք իրիստ աշխատութեան և աղօթքի ստիպել: Ասոր աշակերտը Պա-

քոմիոս Նեղոսի մէկ կղզիին մէջ 3000 վանականներ ժողովելով հիմը դրաւ վանական կեանքին:

Պաքոմիոս կիներու համար ալ վանք մը հիմնեց, որ Նոն կը կոչուէր և որ Եգիպտացիներու լեզուով մաքուր կը նշանակէր:

Ասոր օրինակին հետեւեցաւ Հելարիոն՝ Գաղայի անապատին մէջ, Ս. Բարսեղ Մեծ՝ Նէոյի մէջ (Կեսարիա):

Ս. Բարսեղ վանական կեանքին կազմակերպիչը կը նկատուի: Ասոր վանականները պարտաւոր էին պահք պահել, աղօթել ու աշխատիլ մերթ արուեստով և մերթ երկրագործութեամբ:

Վանականութիւնը արեւմուտքի մէջ ալ շատ շուտով տարածուեցաւ: Ան կազմակերպուեցաւ Բենեդիկտոսի ձեռքով որ իր ուսումը Հռովմ առած էր: Վանական ըլլալու համար պայման էր տարի մը փորձութեան ենթարկուել:

Թէպէտ վանականութիւնը իր ինչ ինչ թերութիւնները ունեցաւ, բայց վանքերը պատերազմներու և հալածանքներու ժամանակ աղէտեալները սփոփելու վայրեր դարձան:

Այդ մենաստաններուն մէջ երիտասարդները ուսում, աղքատները խնամք, հարստահարեալները ապաստանարան, յուսահատները մխիթարութիւն կը գտնէին:

Ընդհանուր աղէտքներու ժամանակ ասոնք քաղաքները կ'իջնէին ժողովուրդը սփոփելու և կամ Աստուծոյ դատաստանը յիշեցնելու համար մեղաւորներուն:

Իսկ մեր մէջ վանքերու հիմնադիրը եղած է Մեծն Ներսէս:

Արեւմուտքի մէջ՝ Թ. դարուն, վանականները մեծամեծ ծառայութիւններ կը մատուցանէին մարդկու-

Թեան՝ կրթութիւնը տարածելով, որբերն ու այրիները հոգալով: Այս պատճառով նուիրատուները կը շատնային, վանքերը կը բազմապատկուէին:

Այդ օրերուն Քրիստոսի 1000 թուականը մօտեցած ըլլալով, լուր մը տարածուեցաւ թէ աշխարհս պիտի կործանի: Այս լուրին վրայ վանականներու թիւը հարիւր հազարի բարձրացաւ և զոհողութիւններն ու նուիրատուութիւնները առատացան:

Վանականները իրենց յատուկ եկեղեցիներն ու վանահայրերը ունէին որոնք եպիսկոպոսական իրաւասութիւններ կը վայելէին և նոյնիսկ անոնցմէ ալ անկախ էին, բայց հարստութիւնն ու պատիւը ազակոտեցին զիրենք: Վանքերու ճոխութիւնը այնպիսի մարդիկ հրապուրեց որոնք տարբեր հոգևով վառուած էին: Ասոնք պատճառ եղան որ վանական կեանքը խանդարուի: Այս անկարգութիւններուն առաջքը առնելու համար խիստ միջոցներու դիմելու պէտք եղաւ:

Արեւմուտքի մէջ գտնուող գլխաւոր միաբանութիւնները հետեւեալներն են.

Ասպնջականաց Կարգ. կամ Ս. Յովհաննու Ասպետութիւն. — Որոնք պարտք կը համարէին աղքատներուն և ուխտաւորներուն վրայ հսկել, և որբերն ու այրիները պաշտպանել:

Տաճարականաց Կարգ. — Այս կարգը հաստատուած էր Ս. Գերեզմանը պաշտպանելու համար: Բայց վերջէն շատ հարստացած ըլլալուն՝ Փիլիպպոս Գեղեցիկ թագաւորը Կղեմէս Է. պապին մեղսակցութեամբ ջնջեց զայն և անոր հարստութիւնը իւրացուց:

Տեւտոնեանց Կարգ. — Ասիկա իր ուղղութիւնը սկիզբէն փոխեց:

Փրանկիսկեանց Կարգ. — Ասոնք պապին պաշտպաններն էին:



Ճգնարան մը

Դոմինիկեան Կարգ. — Քարոզելու պաշտօնն ունէին: Ասոնց յղացումն եղաւ հաւատաքննութիւնը:

Ասոնցմէ զատ կային նաեւ Կարմեղեան և Օգոստինեան Կարգերը:

Այս միաբանութիւնները օգտակար եղած են ուսում տարածելով և քրիստոնէութիւնը քարոզելով:

ՀԱՐՑՈՒՄԵՆԻ.— Ճգնաւորական շարժումը առաջին անգամ ո՞ր սեղի ունեցաւ: Ամենէն շատ որոնք ժողովուրդէն կը յարգուէին: Վանական կեանքի հիմնադիրը ո՞վ եղաւ: Նոն ի՞նչ կը նշանակէ: Ո՞վ կազմակերպեց վանական կեանքը: Արեւմուտքի վանականութեան հիմնադիրը ո՞վ եղաւ: Վանական կեանքը ի՞նչ առաւելութիւններ ունեցաւ: Ան ո՞ր թուականին աւելի ծաւալ գտաւ: Արեւմուտքի մէջ գտնուող գլխաւոր միաբանութիւնները որոնք էին: Ի՞նչ դեր կատարեցին ասոնք:

Է.

Ընդհանուր Եկեղեցւոյ Յունասիոս Նշանաւոր Վարդապետները

Ս. ԱԹԱՆԱՍ

Ընդհանուր եկեղեցին տիեզերական ժողովներու առթիւ եղած վիճաբանութիւններու ընթացքին ունեցաւ իր հոյակապ մատենագիրները, որոնցմէ ոմանց կեանքը կուտանք ամփոփ կերպով:

Ս. Աթանաս ծնած է 296ին Աղեքսանդրիոյ մէջ: Ան նշանաւոր եղաւ իր քրիստոնէական եռանդով երբ դեռ սարկուսագ էր: Աղեքսանդրիոյ եպիսկոպոսին ընկերացաւ Նիկիոյ Տիեզերական ժողովին մասնակցելու համար:

Նիկիոյ մէջ մեծ ճարտարութեամբ պաշտպանեց Փրկչի Աստուածութիւնը: Վերադարձին Աղեքսանդրիոյ եպիսկոպոսը իր մտնուան անկողնոյն մօտ կանչելով զինքը իրեն յաջորդ նշանակեց: Հակառակ Աթանասի ընդդիմութեանը ժողովուրդը միաձայնութեամբ ստիպեց զինքը որպէսզի ընդունի այդ բարձր պաշտօնը:

Նախախնամութիւնը զինքը Աղեքսանդրիոյ եպիսկոպոսական գահը բարձրացնելով ժամանակ մը քրիստոնէութեան գլուխ կարգած եղաւ, որովհետեւ այդ դարերուն Ասիոյ և Եւրոպայի եկեղեցիները անկէ է որ իրենց ուղղութիւնն ու հրահանգները կ'ստանային:

Նիկիոյ ժողովէն վերջ իրեն դէմ թշնամացան Նիկոմիդացի և Կեսարացի Նեստորական եպիսկոպոսները: Ասոնք ամէն տեսակ մեքենայութիւններու դիմեցին. այնպիսի ամբաստանութիւններ յերիւրեցին որ

Կոստանդիանոս կայսրը՝ մասամբ համոզուելով՝ հրամայեց Աթանասին որ Տիւրոս գոյ ինքզինքը թշնամիներուն առջեւ պաշտպանելու համար:



Ս. Աթանաս

Թշնամիները կը զրպարտէին Աթանասը Արսէն առնուով եպիսկոպոս մը մեռցուցած ըլլալու ոճրագոր-

ճուրթիւնով: Եւ իբր փաստ քոստցած բազուկ մը մէջ-
տեղ հանեցին, իբր թէ Արսէն եպիսկոպոսինը եղած ըլ-
լարս Աթանաս առանց շփոթելու հարցուց թէ ներկա-
ներէն որեւէ մէկը կը ճանչնա՞յ յիշեալ եպիսկոպոսը:
Երբ հաստատական պատասխան տուաւ, գնաց դահլիճին
դուռը բացաւ և վերարկուին մէջ փաթթուած մէկը
ներս կանչեց: Անձանօթին վրայի վերարկուն վար առ-
նելով հարցուց. արդեօք ա՞յս մարդն է որուն համար
կ'ամբաստանէք զիս:

Արսէն եպիսկոպոսը մեծ ճարտարութեամբ փա-
խած էր Արիոսականներու թաքստոցէն՝ ուր զինքը
պահած էին սրպէսզի Աթանասը հարուածեն: Բայց
անկէ փախչելով եկած էր Աթանասի օգնելու որպէսզի
իր դատը պաշտպանէ:

Հակառակ այս յայտնի զրպարտութեան Աթանաս
դարձեալ աքսորուեցաւ, և Կոստանդիանոսի մահէն
վերջը միայն կրցաւ Աղեքսանդրիա վերադառնալ:

Արիոսականները Կոստանդիանոսի յաջորդ Կոս-
տանսի պաշտպանութենէն օգտուելով՝ 341ին դարձեալ
պաշտօնէ զրկեցին զինքը և իր տեղը բռնաւոր եպիս-
կոպոս մը նշանակեցին:

Այս անգամ Հռովմ աքսորուեցաւ: Բայց քիչ ետ-
քը Կոստանդիանոս իր Կոստանս եղբորմէն խնդրեց որ
Աթանասը իր պաշտօնին մէջ վերահաստատէ. բայց երբ
Կոստանս՝ որ թունդ Արիոսական մըն էր, միանձեան
գահ բարձրացաւ, Արիոսականներու դրդումով Աթա-
նասը ուզեց դարձեալ աքսորել: Այս անգամ սակայն
հաւատացեալները զայն Թերապիդ փախցուցին, ուր վեց
տարի մենաստանէ մենաստան զինքը պահեցին մինչև
կայսեր մահը:

Յուլիանոս Ուերացող երբ գահ բարձրացաւ, բոլոր
աքսորուած եպիսկոպոսները իրենց տեղը վերադար-
ցուց այն յոյսով թէ երկու հակառակորդ կողմերը ի-

րար հալածելով քրիստոնէութեան վերջ մը պիտի
տային. բայց իր յոյսը ի դերեւ ելաւ որովհետեւ Ա-
թանաս երբ իր աթոռը վերադարձաւ, քաղցրութեամբ
և անյիշաչարութեամբ վարուեցաւ իր հակառակորդ-
ներուն հետ: Յուլիանոս յուսախարհ հրամայեց Աթա-
նասը դարձեալ աքսորել:

Իր յաջորդ Վաղէնիոս կայսրն ալ ուզեց աքսո-
րել զայն բայց Աղեքսանդրիացիներէն վախնալով ետ
կեցաւ իր մտադրութենէն:

Աթանաս մեռաւ 373ին:

Քրիստոնէայ եկեղեցին իրեն պէս հոյակապ դէմք
մը ունեցած չէ: Ան իր դարուն ամենէն պերճախօս և
անպարտելի ախոյեանն եղաւ եկեղեցիին: Ան ոչ միայն
մեծ մատենագիր մը եղաւ, այլ և համոզուած ջատա-
գովը Աստուծոյ Որդւոյն յաւիտենական Աստուածու-
թեան:

Արիոսականներու մշտաները պարզելով, աշխար-
հային և հոգեւոր իշխանութիւնները իրարու հետ շը-
փոթող կայսրին դէմ պաշտպանելով եկեղեցին, մեծ
ճառայութիւն մատոյց քրիստոնէութեան:

Գրած է ջատագովական մը Կոստանս կայսեր,
Մեկնութիւններ, Անտոնի կեանքը, եւն:

Ս. ԳՐԻԳՈՐ ՆԱԶԻԱՆԶԱՅԻ

Գրիգոր Նազիանզացի՝ որ աստուածաբան ալ կը
կոչուի, ծնած է Կապադովկիոյ Նազիանց քաղաքի մէջ
330ին: Անիկա իր ուսումը կատարելագործած է Պա-
ղեստինի Կեսարիա քաղաքին մէջ, ապա անցած է Ա-
ղեքսանդրիա և Աթէնք: Հոս կը հանդիպի իր հայրե-
նակցին՝ Ս. Բարսեղին, որուն հետ բարեկամութեան
անխզելի կապերով կը կապուի: Ս. Բարսեղին հետ

քանի մը տարի ճգնաւորական կեանք մը վարելէ վերջ հայրենիք կը վերադառնայ ուր իր եպիսկոպոս հօրմէն քահանայ կը ձեռնադրուի:

Եպիսկոպոսանալէ վերջ Պոլիս կը հրաւիրուի ուղղադաւան հօտը հովուելու համար: Այս նոր միջավայրին մէջ շուտով իր դէմ հակառակութիւնները կը շատնան: Բայց երբ Թէոդոս կայսրը գահ բարձրացաւ և Արիոսականները հալածեց՝ Գրիգոր Պոլսոյ Ս. Սօֆիոս մայր եկեղեցիին եպիսկոպոսը եղաւ:

Իր դէմ հանուած հակառակութիւնները շատնալով նոյնիսկ կայսրէն լքուեցաւ: Գրիգոր ստիպուած հրաժարեցաւ իր պաշտօնէն և իր հայրենիքը վերադարձաւ:

Հոն ճգնողական կեանք մը վարելով ինքզինքը գրական աշխատութեան նուիրեց:

Իր գործերը մինչև այսօր իր գեղեցիկ հանձարին վկաներն են: Ան գրած է յիսուսէ աւելի քարոզներ և զանազան քերթուածներ:

ՀԱՐՑՈՒՄՆԵՐ.— Ո՞վ էր Աթանաս: Ո՞ր ժողովին մասնակցեցաւ: Իր հակառակորդները ի՞նչ վերագրեցին իրեն: Քանի՞ անգամ արտորուեցաւ: Ե՞րբ մեռաւ: Աթանաս իբր ի՞նչ նշանաւոր եղած է:

Ո՞վ էր Գրիգոր Նազիանզացի: Ո՞ւր առաւ իր ուսումը: Ի՞նչ պաշտօններ վարեց: Իր վերջին օրերը ո՞ւր առանձնացաւ: Ինչե՞ր գրած է:



Ս. ՅՈՎՀԱՆՆԷՍ ՈՍԿԵԲԵՐԱՆ

Յովհաննէս Ոսկեբերան ծնաւ 347ին Անտիօքի մէջ՝ քրիստոնէայ ընտանիքէ մը: Հայրը որ զօրապետ էր՝ քիչ ետքը մեռաւ: Մայրը քստն տարեկանին այրի մնալով իր կեանքը զաւկին դաստիարակութեան նուիրեց: Իր զաւկին քրիստոնէական ուսում տալէ վերջ հեթանոս Լիբիանոսին քովը զրկեց որպէսզի անոր աշ-

անդամ դասերուն հետեւի Լիբիանոս այնչափ կը գը-
նահատէր Ոսկեբերանի տողանդը որ ցաւելով կ'ըսէր.
«Դպրոցս իրեն պիտի յանձնէի եթէ քրիստոնեաները
մեզմէ յափշտակած չըլլային զինքը»:

Յովհաննէս քանի մը տարի փաստաբանութեամբ
զբաղելէ վերջ ինքզինքը Ս. Գրքի ուսումնասիրու-
թեան տուաւ:

Ան նախապէս դպիր եղաւ, բայց աւելի կը նա-
խընտրէր ճգնաւորական կեանքը: Այս փափաքը իրա-
կանացաւ իր մօրը մահէն վերջ, որովհետեւ մայրը իր
արցունքներով միշտ արգելք եղած էր: Վեց տարի Ա-
սորեստանի լեռներուն վրայ առանձնութեան մէջ ապ-
րեցաւ, ինքզինքը պատրաստելով անձնուրացութեան:
Հոս է որ գրեց քահանայութեան վրայ իր հրաշալի
երկը:

Բայց չափազանց պահեցողութիւնը քայքայած ըլ-
լալով իր առողջութիւնը, օտիպուած դարձեալ Անտիօք
վերադարձաւ:

Փլաբիանոս եպիսկոպոսը զինքը քահանայ ձեռ-
նադրելով քարոզչութեան պաշտօնն ալ տուաւ: Ան այս
մարդին մէջ եւս մեծ համբաւ ստացաւ:

397ին Պոլսոյ արքեպիսկոպոսը մեռած ըլլալով
ժողովուրդը փափաքեցաւ զինքը այդ բարձր պաշտօ-
նին կոչել: Բայց վախնալով որ կը մերժէ իր հօտէն
բաժնուիլ խորամանկութեան գիմեցին: Խորհրդակ-
ցութեան մը համար Պոլիս հրաւիրելով հոն պահեցին
զինքը:

Բայց իր անաչառ վարմունքը մեծատուններու
նկատմամբ՝ և համակրանքը հալածուած ժողովուրդին
հանդէպ, մեծ փոթորիկ մը շղթաղերծեցին իր դէմ:
Յովհաննէս պալատականներու և ազնուականներու
տուած դրամները մերժելով սկսաւ իր պալատի և

նոյնիսկ եկեղեցիին զարդերը ծախել և դրամը աղ-
քատներուն բաժնել:

Իր յարաբերութիւնները խզած ըլլալով բարձր
դասակարգին հետ, սկսաւ համարձակօրէն քննադատել
արքունիքը և ազնուականութիւնը:

Ասկէ վերջ Ոսկեբերան հեղհեղէն ընկերութենէն
հեռանալով եպիսկոպոսատունը մենաստանի մը վերա-
ծեց, ուր ոչ ոքի հետ, կը տեսնուէր:


Այս բոլոր երեւոյթները զանազան մեկնութիւն-
ներու տեղի տալով գիշեր մը զինքը գաղտնի աքսո-
րեցին: Ժողովուրդը իմանալով՝ օտքի ելաւ և իր սի-
րելի եպիսկոպոսը պահանջեց: Թագուհին վախնալով
ժողովուրդի սպառնալիքէն ստիպուեցաւ ետ կանչել
զայն:

Ոսկեբերան Եւտոքսիա Թագուհիին առջեւ չնուա-
տացաւ: Վերջինս Քաղկեդոնի մօտ՝ կաղնիի մը տակը,
ժողով գումարել տալով Ոսկեբերանը կայսրութեան
հեռաւոր մէկ վայրը՝ Կոկիսոն, աքսորել տուաւ:

Ճամբան կրած զանազան տառապանքները քայ-
քայեցին իր առողջութիւնը: Վախճանեցաւ 407 Սեպ-
տեմբեր 17ին:

Քանի մը տարի վերջը իր նշխարները Պոլիս տա-
նելով սուրբերու կարգը դասեցին զինքը:

Չգած է չատ մը տանաբանութիւններ, բայց
իր գործերէն ամենէն չատ սիրուածներն են քահա-
նայութեան և նախախնամութեան վրայ գրուածները:



Ս. ԲԱՐՍԵՂ

Ծնած է Կեսարիոյ մէջ 299ին: Ան քրիստոնեայ ընտանիքի մը զաւակն ըլլալով աստուածապաշտութեան մէջ կրթուեցաւ:

Իր ուսումը Պոլիս առնելէ վերջ Աթէնք անցաւ: Այնտեղ Գրիգոր Նիւսացիին ծանօթացաւ: Իրենց դասընկերներէն էր Յուլիանոս Ուրացող կայսրը:

Երեսուն տարեկանին հայրենիք վերադառնալով սկսաւ ճարտասանութեան և իրաւագիտութեան դաս տալ:

357ին Պոնտոսի մէկ անապատը քաշուելով հոն

վանք մը հիմնեց և վանական կանոններ հաստատեց:

380ին Կեսարիոյ եպիսկոպոսութեան կանչուեցաւ: Ան մեծ եռանդով քրիստոնէութիւնը պաշտպանեց Վաղէսի և Սրիոսականներու դէմ:

Վախճանեցաւ 389ին: Գրած է ճառեր, նամակներ և մեկնութիւններ, որոնց մէջ նշանաւոր է մեկնութիւն վեցօրեայ արարչութեանը:

Ս. ԵՓՐԵՄ

Ծնած է Միջագետքի Մծբին քաղաքին մէջ 320ին: Կրօնական ըլլալէն վերջ Եղեսիոյ մօտերը անապատ մը կը քաշուի: Գրած է մեկնութիւններ և այլ երկեր: Խուրի ախպոսը արուեցաւ իրեն որ վերձանող կը նշանակէ:

Ս. ԵԻՍԵԲԻՈՍ ԿԵՍԱՐԱՑԻ


Եւսեբիոս Մեծն Կոստանդիանոսի բարեկամն էր որուն կենսագրութիւնն ալ գրած է: Իր նշանաւոր գործերէն մէկն է Քրիստոնէութեան պատմութիւնը մինչեւ 324 թուականը:

ՀԱՐՑՈՒՄՆԵՐ.— Ո՛ւր ծնաւ Ոսկեբերան: Իր ուսումը որո՞ւն քով աւարտեց: Լիբիանոս ի՞նչ կ'ըսէր իրեն համար: Յովհաննէս իր քրիստոնէական առաջին կեանքը ո՞ւր անցուց: Ի՞նչպէս զինքը Պոլսոյ պատրիարք ըրին: Յովհաննէս ինչո՞ւ չսիրուեցաւ: Ո՞վ էր որ զինքը արտօրեց: Ո՛ւր: Իր մահէն վերջ իր նշխարները ո՞ւր փոխադրեցին:

Ո՞վ էր Ս. Բարսեղ: Ո՛ւր առաւ իր ուսումը: Որո՞նք եղան իր դասընկերները: Ի՞նչ պաշտօններ վարեց: Ո՞վ էր Ս. Եփրեմ: Ի՞նչ գրած է: Ո՞վ է Եւսեբիոս: Ինչո՞ր գրած է:

Ը.

Ընդհ. Եկեղեցւոյ Լասինախօս Նշանաւոր Վարդապետներ



Ս. ՇԻԼԱՐԻՈՆ

Ս. Շիլարիոն Արիտասականներու դէմ աներկիւղ կերպով քրիստոնէութիւնը (ճշմարտութիւնը) պաշտպանած ըլլալուն համար՝ Սրբեմութեան Սթանասը կոչուեցաւ:

Ծնած է Փռաթէի մէջ: Հետեւած է փիլիսոփայութեան: Բայց իր ուսման ծարուր չկրնալով յաղեցնել, քրիստոնէութիւնը նշուեց և ինքզինքը առաւ Ս. Գրքի ուսումնասիրութեան:

Եպիսկոպոս ձեռնադրուելէ վերջ իր հայրենակիցներէն հովիւ ընտրուեցաւ: Բայց շուտով Կոստանսթանդուպոլի հակառակութիւնը հրաւիրեց իր վրայ: Կոստանս զինք Փռիզիա աքսորեց, ուր գրեց Ս. Երրորդութեան վրայ իր նշանաւոր երկը: Գրած է նաև Մատթէոսի Աւետարանին և Սաղմոսի մեկնութիւնները:

Յուլիանոսի օրով Հռովմ վերադառնալով իր կեանքը կնքեց 367 ին:

Ս. ԱՄԲՐՈՍԻՈՍ

Ս. Ամբրոսիոս ծնաւ Տրիէրի մէջ 340 ին: Հայրը Գաղղիոյ կուսակալն էր, իսկ ինք Միլանի մէջ՝ արքունի գործակալ:

Օր մը եպիսկոպոսական ընտրութեան մը առթիւ, ժողովուրդին մէջ մեծ յուզում մը առաջ եկաւ: Ամբրոսիոս բեմ ելլելով ժողովուրդը յորդորեց որ հանդարտի: Մէկէն ձայն մը լսուեցաւ ամբոսին մէջէն որ կ'ըսէր. Թո՛ղ Ամբրոսիոսը մեր եպիսկոպոսը ըլլայ: Իսկոյն բոլորը ձայնակցեցան: Ամբրոսիոս գիւղ մը փախաւ որպէսզի զինքը չընտրեն: Բայց եկեղեցին հաստատուն մնաց իր ընտրութեան վրայ և Վաղինաիոս վաւերացուց զայն:

Ամբրոսիոս ճարահատ՝ մկրտուելով Միլանի աթոռին վրայ եպիսկոպոս ձեռնադրուեցաւ:

Ս. Ամբրոսիոս իր ինչքերը աղքատներուն բաժ-



Ս. ԱՄԲՐՈՍԻՈՍ

նեց, իսկ իր կալուածներուն տեսչութիւնը իր եղբօրը յանձնեց: Ասկէ վերջ ինքզինքը Ս. Գրքի ուսումնասիրութեան տուաւ:

Ամբրոսիոս մէկ կողմէն նորահաւատներով՝ միւս կողմէն մարդասիրական գործերով կը զբաղէր: Իր անձը կարեւոր պիտոյքներէն կը զրկէր որպէսզի կարողանայ բարբարոսներու ձեռքը ինկած գերիները ազատել:

Գոթացիները երբ Թրակիա մասն շատ մը գերիներ տարին իրենց հետը: Ամբրոսիոս ոչ միայն փոխառութիւն ըրաւ այլ և եկեղեցիին անօթներն ալ ծախեց որպէսզի զանոնք ազատագրէ:

Անիկա Արիոսականներու դէմ ալ պայքարեցաւ, մասնաւորապէս Յուստինէ կայսրուհիին դէմ, որ զինքը աքսորել հրամայեց: Ամբրոսիոս ապաստանեցաւ եկեղեցին ուր ժողովուրդը զինքը շրջապատելով արգելք եղաւ զինուորներուն զինքը ձերբակալելու:

Ուրիշ անգամ մը՝ Թէոդոս կայսեր օրով, խռովութիւն մը ծագեցաւ Թեսալոնիկէի մէջ: Այդ առթիւ քանի մը սպաներ սպաննուած ըլլալով կայսրը ուզեց արիւնահեղութեամբ լուծել իր վրէժը: Ամբրոսիոս միջնորդեց կայսեր մօտ և աղէտքին առաջքը առաւ: Կայսրը սակայն, խոստումը չպահեց, 7000 հոգի իր զինուորներուն վրէժխնդրութեան յանձնեց: Ամբրոսիոս վշտացած նամակ մը գրեց Թէոդոսի ըսելով. Բանադրուած ես և ազատում չունիս, մինչև որ ոճիրը հրապարակաւ չխոստովանիս: Թէոդոս ութը ամիս հաղորդութենէ զրկուեցաւ: Վերջապէս իր յանցանքը խոստովանեցաւ և եկեղեցիին դրան առջև իր զգեստները հանելով ծոնկի եկաւ և սկսաւ Սաղմոսի հետեւեալ բառերը արտասանել. «Մերձեցաւ անձն իմ՝ ի հող, կեցո զիս ըստ բանի քում»: Բոլոր ժողովուրդը լալով կայսրին կը ձայնակցէր:

Ամբրոսիոս մեռաւ 397ին, 23 տարի եպիսկոպոսական պաշտօն վարելէ վերջը:

Իր երկասիրութիւններն են.

Յաղագս պարտուց պաշտօնէից, Կուսութեան, Հաւատոյ և Հոգւոյն Սրբոյ վրայ գրածները:

պո զոս



Ս. ՀԵՐՈՆԻՄՈՍ

Ս. Հերոնիմոս Լատին եկեղեցիին չորս մեծ վարդապետներէն է: Ծնած է Դաղմատիոյ Սարիտոն քաղաքին մէջ: Հռովմ երթալով հոն դպրութեան և գիտութեանց հետեւեցաւ:

Ճամբորդած է Գաղիա, Ասիա և այցելած է Ս. անդերը: Վերադարձի ճամբուն վրայ Անտիոքի եպիսկոպոսէն քահանայ ձեռնադրուեցաւ: Հռովմ վերադարձին Դամասոս եպիսկոպոսին քարտուղարը եղաւ: Այդ

աթիւ իրեն յանձնուեցաւ Ս. Գիրքը Լատիներէնի թարգմանելու պաշտօնը:

Անիկա դէմ էր աշխարհիկ ոգիին եկեղեցիէններս մտնելուն: Հերոնիմոս հաւատացեալներուն ճգնաւորական կեանք, հսկում, ծոմապահութիւն և տեսակ տեսակ խստութիւններ կը յանձնարարէր: Ասոր համար շատ մը թշնամիներ ունեցաւ:

Երբ Դամասոս մեռաւ Հերոնիմոս թողուց Հռովմը և դէպի արեւելք ճամբորդելով Բեթղեմէմի մէջ հաստատուեցաւ և հոն անցուց իր կեանքի մնացած մասը:

Հերոնիմոս մեծ ծառայութիւն մը ւրած եղաւ Լատին եկեղեցիին Ս. Գիրքը Լատիներէնի թարգմանելով, որ Վուլկաթա կը կոչուի:

Վախճանեցաւ 420 ին՝ 90 տարեկանին:

Ս. ՕԳՈՍՏԻՆՈՍ

Ծնած է Նումիդիոյ Տակաստ քաղաքին մէջ: Հայրը հեթանոս էր իսկ մայրը քրիստոնեայ բարեպաշտուհի մը, որ իր զաւկին բարեպաշտութեան ոգին ներշնչեց:

Օգոստինոս շատ ուշ կարգալ սորվեցաւ: Ան 16 տարեկան էր երբ կարթագինէ ղրկուեցաւ իր ուսումը շարունակելու համար: Բայց հոն՝ 14 տարի, շատ զեղխ կեանք մը ապրեցաւ: Ամուսնանալով զաւակ մըն ալ ունեցաւ որ վերջէն իր մխիթարութիւնը եղաւ:

Օգոստինոս բոլոր փիլիսոփայութիւնները կը կարգար ու կը քննէր, ճշմարտութիւնը և իմաստութիւնը գտնելու համար, բայց ոչ մէկ փիլիսոփայական զըրւածք զինքը կը գոհացնէր:


Օր մը Մանիքեցիներու հետ յարաբերութեան մտնելով սիրեց անոնց վարդապետութիւնը և այդ ազանդը ընդունեց. որովհետեւ անոնք կ'ըսէին թէ երբ մարդս կը մեղանչէ՝ իր մարմինն է որ մեղք կը գործէ որ մարդուս ամենէն վատ մասն է, իսկ միւս մասը՝ հոգին, ոչ մեղսակից և ոչ ալ գիտակից է մեղքին, ուրեմն մարդս ուզած ինչ չափ մեղք կրնայ գործել:

Օգոստինոս Հռովմ անցաւ հոն կանչուած ըլլալով որպէս հետաորութեան ուսուցիչ: Հոս Ամբրոսիոսի ծանօթանալով անոր բարութենէն և առաքինութենէն գրաւուեցաւ:

Սկսաւ Պօղոսի թուղթերը կարդալով շնորհաց վարդապետութեան իմաստը հասկնալ:

Մայրը որ մեծ ուշադրութեամբ կը հետեւէր զաւակին հոգեկան փոփոխութեանը, օր մը իր սիրտը բացաւ Ամբրոսիոսի վերջինս զինքը քաջալերեց ըսելով. «Մխիթարուէ, քանի որ զաւակդ այդքան աղօթքի ետեւէն է, մօտ է անոր փրկութիւնը» Իրաւ ալ քանի մը օր ետքը երբ Ափրիկեցի բարեկամ մը ճգնաւորական կեանքի առաւելութիւնները կը թուէր, Օգոստինոս աղաղակեց. «Մենք ի՞նչ կ'ընենք որ, տգէտները կը յափշտակեն Աստուծոյ արքայութիւնը և մենք մեր բոլոր գիտութիւններով մեր մեղքերուն մէջ կը մնանք»:

Այս խօսքերէն վերջ պարտէզի մէկ անկիւնը երեսի վրայ ինկած սկսաւ աղօթել: Այդ պահուն դրացի մանուկ մը հետեւեալ երգը կ'երգէր. «Ա՛ռ, կարդա՛, առ և կարդա» Այդ ձայնը նախախնամութեան մէկ ազդարարութիւնը կարծելով անմիջապէս Ս. Գիրքը բացաւ և հանդիպած առաջին գլուխը սկսաւ կարդալ: Այդ մասը կը յանձնարարէր հեռու կենալ անառակութիւններէ և Քրիստոսով ապրիլ: Այդ օրէն սկսեալ ինքզինքը կատարելապէս Աստուծոյ յանձնեց: Թողուց հետաորութիւնը և մօրը և քանի մը բարեկամներու



Ս. ՕԳՈՍՏԻՆՈՍ

հետ քանի մը ամիս առանձնութեան մէջ ապրեցաւ: Յաջորդ տարին՝ Զատիկի առթիւ, մկրտուեցաւ իր Աղէտատ որդւոյն հետ:

Օգոստինոս իր մօրը մահէն վերջ բոլոր ունեցածը ծախելով Ափրիկէ անցաւ և հոն ժամանակ մըն ալ առանձնութեան մէջ ապրեցաւ: Այս առանձնութեան մէջ գրեց իր երկասիրութիւններէն ոմանք:

Քանի մը տարի վերջ Հեպպոն դարձաւ որովհետեւ այն տեղի եկեղեցին զինքը Աւրելիոս եպիսկոպոսին

օգնական նշանակած էր: Եպիսկոպոսին մահէն վերջինք տեղը անցաւ: Անկէ վերջ ինքզինքը նուիրեց եկեղեցիին բարգաւաճման և միեւնոյն տանն այդ օրերուն քրիստոնէութեան մէջ առաջ եկած հերետիկոսներու դէմ պայքարեցաւ:

Օգոստինոս ականատես եղաւ բարբարոսներու արշաւանքներուն, որոնք քայքայուած կայսրութեան հիմերը կը սարսէին: Այդ առթիւ հաւատացեալները քաջախիղճութեամբ համար «Յաղագս քաղաքին Աստուծոյ» անունով նշանաւոր գիրքը գրեց:

Վասն ճանեցաւ 470 ինչ իր միւս երկասիրութիւններուն մէջ նշանաւոր է «Սոստովանութիւն» անունով գիրքը:

ՀԱՐՑՈՒՄՆԵՐ.— Ո՞վ էր Հիլարիոն, եկեղեցին որո՞նց դէմ պաշտպանած է, ինչն էր գրած է: Ո՞վ էր Ամբրոսիոս, ի՞նչ պարագաներու տակ եպիսկոպոս եղաւ: Ան ի՞նչ գործերով նշանաւոր եղաւ: Կայսեր քով որո՞նց համար միջնորդեց: Յաջողեցա՞ւ: Կայսրը պահե՞ց իր խոստումը: Ի՞նչ պատահեցաւ:

Հերոնիմոս ո՞ր առաւ էր իր ուսումը: Ո՞ր երկիրները պատած էր: Ի՞նչ գործերով նշանաւոր եղաւ: Իր կեանքին վերջին օրերը ո՞ր անցուց:

Ո՞վ էր Օգոստինոս: Ի՞նչ բանի հետամուտ էր: Նախ ո՞ր ազանդին հետեւեցաւ: Ի՞նչպէս տեղի ունեցաւ իր քրիստոնէութեան դարձը: Մօրը մահէն վերջ ո՞ր առանձնացաւ: Իր օրով որո՞նք յարձակեցան կայսրութեան վրայ: Իր երկասիրութիւններէն ո՞ր մէկը նշանաւոր է:

ԵՐԿՐՈՐԴ ՄԱՍ ՀԱՅ ԵԿԵՂԵՑԻՆ

Ա.

Նուիրապետութիւնը

Քրիստոս հաստատեց եկեղեցւոյ նուիրապետութիւնը՝ ընտրելով տասներկու առաքեալներ:

Առաքեալները նախապէս իրենք է որ կը կատարէին ամէն պաշտօն, բայց երբ հաւատացեալները շատցան անոնք ստիպուեցան օգնականներ առնել, որոնք ձեռնադրուելով տեսուչ կամ եպիսկոպոս կոչուեցան:


Մեր առաջին լուսաւորիչներն ալ նախապէս իրենք կը կատարէին ամէն պաշտօն, վերջէն է որ օգնականներ առին:

Հայոց եկեղեցիին ընդունած սկզբունքներուն համաձայն, եկեղեցական գերագոյն իշխանութիւնը կը պատկանի տիեզերական երեք ժողովներուն: Այդ իշխանութեան կամքը բացարձակ և պարտաւորիչ է դասական խնդիրներու մէջ, բոլոր եկեղեցիներու համար:

Նուիրապետութեան դասակարգութիւնը հետզհետէ կազմուեցաւ, քանի քրիստոնէութիւնը ընդարձակուեցաւ:

Նուիրապետութեան առաջին մասը կը կազմեն քահանայութեան աստիճանները, որոնք նախապէս չորս եղած են մինչեւ՝ Ռուբինեանց շրջանը: Ասկէ վերջ եօթնի կը բարձրանայ:

Հայ եկեղեցւոյ նուիրապետութեան աստիճաններն են. Հայրապետ կամ կաթողիկոս, Արք եպիսկոպոս, Եպիսկոպոս, Քոր եպիսկոպոս, Ծայրագոյն վարդապետ.




Մայր Տաճար Ս. Էջմիածնի

Վարդապետ, Արեղայ - քահանայ, Սարկաւազ, Կիսասարկաւազ, Դպիր, Զահրնկալ, Երզմնեցուցիչ, Դռնապան:

Կաթողիկոս կամ Հայրապետ. — Կաթողիկոսը կ'ընտրուի ամէն վիճակի առաջնորդներէն և աշխարհական պատգամաւորներէն: Անոր ընտրութեան կը մասնակցին նաեւ Էջմիածնայ միաբաններուն կողմէ եօթը սինոդականներ և եօթը երիցագոյն անդամներ: Ասկէ առաջ ընտրողական ժողովը երկու ընտրելի կը նշանակէր, անոնցմէ մէկուն ընտրութիւնը Ռուսիոյ Զարին վերապահուած էր: Այժմ այս ձեւակերպութիւնը դադարած է: Ժողովը մէկ հոգիի վրայ կը կեդրոնացընէ քուէն:

Կ. Պոլսոյ և Երուսաղէմի պատրիարքները Պոլսոց ընդհանուր ժողովէն կ'ընտրուէին: Այժմ Երուսաղէմի Պատրիարքը կ'ընտրուի իր միաբանութեան կողմէ: Իսկ Կիլիկիոյ և Աղթամարի կաթողիկոսները իրենց վիճակային ընդհանուր ժողովներէն՝ որոնց կէսը աշխարհական և կէսը եկեղեցական կ'ըլլայ:



Կաթողիկոսական Գահ Սուրբ Էջմիածնի

Եպիսկոպոս ձեռնադրելու և միւսոն օրհնելու իշխանութիւնը Աղթամարի և Սիսի կաթողիկոսներն ալ կը վայելեն, մի միայն իրենց թեմերու սահմաններուն մէջ: Երուսաղէմի և Կ. Պոլսոյ պատրիարքութիւնները այդ իրաւասութիւնը չունին. իրենց թեմերուն համար պէտք եղած եպիսկոպոսական ձեռնա-

դրուած իւրենքուն և միւսոնին համար էջմիածին կը դիմեն:

Կաթողիկոսը հայ եկեղեցւոյ կրօնական պետն է: Անոր անունը կը յիշուի բոլոր հայ եկեղեցիներուն մէջ: Իրեն կը հպատակին բոլոր հոգեւորականները:

Իր պաշտօնն է ձեռնադրել եպիսկոպոսը, օրհնել Ս. միւսոնը, գումարել ազգային եկեղեցական ընդհանուր փողովներ, վարձատրել արժանաւոր կրօնականները և պատժել անուղղանները:

Կաթողիկոսը ընտրուելէ վերջ կ'օժուի տասներկու եպիսկոպոսներու ձեռքով:

Արքը տիաղոս մըն է որ կաթողիկոսը կը շնորհէ բազմարդիւն եպիսկոպոսներուն: Արքը աւագ եպիսկոպոս ալ կը նշանակէ: Արքեպիսկոպոսներ են Երուսաղէմի և Պոլսոյ պատրիարքները:

Հայաստանեայց եկեղեցիին պետը էջմիածին կը նստի, որովհետեւ հոն նստաւ առաջին հայրապետը՝ Ս. Գրիգոր Լուսաւորիչ: Բայց վերջէն՝ 540 տարի հոս ու հոն թափառելէ վերջ, իր տեղը վերադարձաւ 1441ին: Այդ թուականէն սկսեալ Աթոռը միշտ էջմիածին կը մնայ:

Հայոց հայրապետութեան ենթակայ էին Վրաց և Աղուանից կաթողիկոսութիւնները: Առաջինը բաժնուեցաւ է. դարուն իսկ երկրորդը ԺԹ. դարուն ջնջուեցաւ:

Ժամանակի պատահարները սակայն երկրորդական թուաներ ալ ստեղծեցին հայ եկեղեցւոյ մէջ: Աթոռին վերջնականապէս էջմիածին վերադարձին՝ Աղթամարի



Ս. էջմիածնի Միւսոնի Կարսան

և Սիսի մէջ կաթողիկոսութիւններ հաստատուեցան որոնք ժամանակ մը վերջ ճանչցան Մայր Աթոռի գերագահութիւնը:

Աղթամարի կաթողիկոսութեան իրաւասութիւնը կը տարածուէր Կաւաչի, Շաախի, Վանի, Խիզանի և Բաղէշի վրայ: Այժմ այս կաթողիկոսութիւնը դադարած է գոյութիւն ունենալէ:

Սսոյ աթոռին իրաւասութիւնը կը տարածուէր Ատանայի, Հալէպի, Սեբաստիոյ, Անգարայի և Խարբերդի կուսակալութեանց վրայ: Այժմ այս աթոռը Լիբանան հաստատուած է և իր իրաւասութիւնը կը տարածուի Պէյրութի, Դամասկոսի, Հալէպի, Ալէքսանտրէթի և Կիպրոսի վրայ:

Եպիսկոպոս.— Իր թեմէն ընտրուելէ վերջ՝ եթէ վարդապետ է, էջմիածին կը զրկուի կաթողիկոսէն օժուելու համար:

Եպիսկոպոսը իր թեմին գլուխն է կատարեալ իրաւասութեամբ: Երբ վարդապետ է կրնայ ստորակարգ պաշտօնեաներու ձեռնադրութիւնը հրամայել բայց ինք չի կրնար ձեռնադրել: Ամուսնական դատեր ալ կը տեսնէ դատաստանական խորհուրդին հետ, վճիռը ենթարկելով կաթողիկոսին կամ եպիսկոպոսին դատաստանին:

Եպիսկոպոսին պաշտօնն է թեմին կրօնական բոլոր գործերուն հսկել, պէտք եղած եկեղեցական պաշտօնեաները ձեռնադրել, եկեղեցւոյ հիմը օրհնել, պատկերներ, սեղաններ և այլ սրբազան անօթներ օծել: Կաթողիկոսը իրեն հովուական գաւազան և մատանի մը կուտայ, որ իր ճկոյթ մատին վրայ կը կրէ:

Քոր եպիսկոպոսը եպիսկոպոսի իշխանութեան տակ գաւառակի մը տեսուչն է:

Ճայրագոյնը վարդապետութեան բարձր ատիճանն է: Ասիկա քարոզելու և օձագլուխ գաւազան կրելու

իրաւունք ունի վարդապետը կը քարոզէ միայն Աբեղան և Բահանան միեւնոյն ձեւով կ'օժուին: Ասոնց միջեւ եղած տարբերութիւնը հետեւեալն է. առաջինը կոչուած է, իսկ վերջինը՝ ամուսնացեալ. առաջինը վանքերու մէջ կը բնակի և գլուխը վեղարով կը ծածկէ, իսկ վերջինը ժողովուրդին հետ կ'ապրի:

Քահանան իր թաղի ժողովուրդէն ընտրուելէ և եպիսկոպոսէն օժուելէ վերջ քառասուն օր խուցի մը մէջ կը քաշուի:

Քահանայացուները այրիի հետ կամ կրկին ամուսնացածներ պէտք չէ ըլլան: Սովորութիւն է որ աշխարհական մը ամուսնանալէ մէկ տարի վերջը քահանայ ըլլայ, իսկ տարիքը յիսունը անցնելու չէ: Պաշտօնն է օրական ժամերգութիւնը կատարել, հիւանդներուն այցելել, աղքատները հոգալ, մեռնողները թաղել, պսակը օրհնել:



Քահանայական փակեղ

Քահանայ մը կրնայ ըլլալ աւագ երեց, առաջնորդական փոխանորդ, կրօնական և ուրիշ ժողովներու ու խորհուրդներու անդամ: Այլի մնալէ վերջ կրնայ կուսակրօն դառնալ:

Քահանաները գաւազան կրելու իրաւունք չունին: Աւագ երէցները եկեղեցիներու մէջ հոգեւորական կարգապահութեան կը հսկեն: Ասոնք կաթողիկոսէն լանջախաչ և ծաղիկալ փիլոն կրելու ալ կ'արտօնուին:


Քահանաները մարմնական թերութենէ զերծ և ուսեալ ըլլալու են:

Սարկաւագ. — Սարկաւագը ինչպէս նաեւ միւս ստորադաս պաշտօնեաները եպիսկոպոսէն կը ձեռնադրուին: Սարկաւագին պաշտօնն է այժմ պատարագին սպասարկել, Ս. Սորհորդը վերաբերել, Աւետարանը կարդալ և Հուստոյ Հանգանակը ըսել:

Իր ձախ ուսին վրայ ուրար մը կը կրէ, որ նշանակ է Քրիստոսի լուծը կիսով կրելուն:

Այժմ քաղաքներու մէջ ինչ ինչ դժուարութիւններու համար՝ սարկաւագ չեն պահեր: Ասոնք վանքերու մէջ կը մնան: Ասոնք երեք տարինոյն աստիճանին վրայ կը մնան քահանայ ըլլալէ առաջ: Սարկաւագ ըլլալու համար քսանը երկու տարիքը լրացուցած ըլլալու է:

Կիսասարկաւագին պաշտօնն է պատարագի միջոցին սարկաւագին օգնել: Եկեղեցիին մէջ հետեւեալ սպասներն ու սրբազան անօթները կրնայ վեր-



1.— Հովուական գաւազան
2.— Վարդապետական գաւազան
3.— Ասա

ցընել դատարկ սկիհը, մաղղման, պատարագիչին զգեստները և խորհրդատեարը:

Իր ձախ բաղուկին վրայ բաղկուրար մը կը կրէ: Ջանքեկալին պաշտօնն է ջահերը վառել, նշխարք թխել և բաժակը պատրաստել:

Երդմնեցուցիչը մկրտութեան ատեն հրաժարիմքը կը կարդայ: Այս պաշտօնը ներկայիս գոյութիւն չունի: Դպիրը եկեղեցիին մէջ շարականներ և սաղմոսներ կ'երգէ:

Ինճապանին՝ որուն ժամկոչ ալ կ'ըսեն, պաշտօնն է դուռը բանալ և գոցել և եկեղեցին մաքրել:

ՀԱՐՑՈՒՄՆԵՐ.— Ո՞վ հաստատեց եկեղեցւոյ նուիրապետութիւնը: Նուիրապետութեան առաջին մասը որո՞նք կը կազմեն: Ե՞րբ եօթնի բարձրացաւ: Որո՞նք են եօթը աստիճանները: Ո՞վ է կաթողիկոսը և ի՞նչ պաշտօն ունի: Ի՞նչ գիտես Արքեպիսկոպոսի եւ եպիսկոպոսի. Քոր եպիսկոպոսի, ճայրագոյն վարդապետի եւ վարդապետի մասին: Քանի՞ կաթողիկոսական աթոռ ունինք: Սիսի եւ Աղթամարի կաթողիկոսները ի՞նչպէս կազմուեցան: Ո՞ր աթոռը գերագահ է:

Ի՞նչ գիտես քահանային, սարկաւազին, կիսատարկաւազին, դպիրին, ջահընկալին, երդմնեցուցիչին եւ դռնապանին մասին:



Բ.

Հայ եկեղեցւոյ Ներողամտութեան Ոգին

Հատին եկեղեցին կը յայտարարէ թէ այն որ Հը-
ռոմէական եկեղեցիին անդամ չէ անոր համար յաւի-
տենական փրկութիւն չկայ: Իսկ Յոյն եկեղեցին թէ-
պէտ այս տեսակ յայտարարութիւն մը չընել, բայց կը
մերժէ իր ընդունած ձեւերէն դուրս՝ տարբեր կերպով
մատակարարուած խորհուրդները: Այս հիման վրայ
կրկին անգամ կը մկրտէ և կամ կը ձեռնադրէ իրեն
դիմող տարբեր եկեղեցիի անդամ մը:

Հայ եկեղեցին բնաւ այսպիսի աններող ոգի մը
չունի, չընդունիր որ որեւէ եկեղեցի՝ որչափ ալ ըն-
դարձակ ըլլայ ան, իրեն սեփականէ տիեզերական ե-
կեղեցիի նկարագիրը: Հայ եկեղեցին կը պնդէ սա տե-
սակէտին վրայ թէ բոլոր այն եկեղեցիները որոնք՝
«Միութիւն ի կարեւորս մեծ կանոնին» կը հետեւին,
այսինքն երեք տիեզերական ժողովներուն ընդունած
դաւանութիւնը ունին, անոնք հաւատարմապէս իրաւունք
ունին ընդհանուր եկեղեցիի մաս կազմելու:

Հատ այս յայտարարութեան, մեր եկեղեցին կ'ըն-
դունի թէ բոլոր այն եկեղեցիները որոնք Երրորդու-
թեան, Մարդեղութեան և Փրկագործութեան մասին
երեք տիեզերական ժողովներու դաւանութիւնը ունին,
անոնք ընդհանրական եկեղեցիին մաս կը կազմեն և
հետեւաբար կրնան իրենց հաւատացեալները յաւիտե-
նական փրկութեան առաջնորդել:

Կ'ընդունի նաեւ թէ՛ ասոնցմէ դուրս մնացած վար-
դապետական խնդիրներ կրնան ընդունուիլ կամ մեր-

ժուրի, առանց ընդհանուր միութեան վրաս պատճառե-
լու :

Մեր եկեղեցիին այս թոյլատու ոգին պատճառ ե-
ղած է որ շատ մը քարոզիչներ կարենան մեր ժողո-
վուրդին մէջ ազատօրէն քարոզել և նոյնիսկ մարդոր-
սութիւն ընել :

Հայ եկեղեցիին զաւակները իրենց մանկութենէն
սկսեալ չեն լսած երբեք թէ հայ եկեղեցիէն դուրս՝
ուրիշ եկեղեցիի մը պատկանող հաւատացեալ մը կը
զրկուի յաւիտենական կեանքէ, և կամ՝ եթէ իրմէ
բաժնուելու ըլլայ, պատիժներու կ'ենթարկուի : Իր զա-
ւակները կը սորվին թէ հերիք է որ մարդ եկեղեցիին
էական դաւանութիւնը պահէ, բարի գործեր ընէ, իր
գործերը Աւետարանի ոգիին համապատասխան ըլլան,
այնպիսիին փրկութիւնը ապահով է :

Բայց հակառակ բոլոր այն դժուարութեանց, որ
ունեցաւ օտար գործակալներու մեր մէջ ստեղծած կա-
ցութենէն մեր եկեղեցիին երբեք չհեռացաւ լայնախո-
հութեան և ազատամտութեան սկզբունքէն :

ՀԱՐՅՈՒՄՆԵՐ. — Հռովմէական եկեղեցին ի՞նչ կը յայտարա-
րէ: Յունական եկեղեցին նորագործի մը համար ի՞նչ կարգադ-
րութիւններ կ'ընէ: Մեր եկեղեցին ի՞նչ կը յայտարարէ: Մեր ե-
կեղեցիին թոյլատու ոգիէն որո՞նք օգտուած են: Ի՞նչ կը սոր-
վեցնէ:



Գ.

Հասոյթները

Եւ Անոնց Մասկարարուրիւնը.
Աշխարհակալաներու Գործակցուրիւնը

Հայ եկեղեցին հետեւեալ միջոյներով կ'ապահովէ
իր հասոյթները, ժամերգութեան ատեն պնակ պատցը-
նելով, դուռը գանձանակ դնելով, բանկալին մէջ մոմ
ծախելով, զանազան ծիսակատարութեանց սովիւ նը-
ւէրներ ստանալով ինչպէս կնուէքի, պսակի, յուզար-
կաւորութեան, հոգեհանգստի, յիշատակի պատարագի
եւն. եւն. ատեն :

Սովորութիւն է նաեւ դիւանական գործողու-
թիւններու համար ալ տուրք մը գանձել ինչպէս վը-
կայագիրեր, վաւերացումներ, ծանուցագրեր տրուած
ատենը : Բարեպաշտական ընծաներն ալ իր հասոյթին
մաս կը կազմեն : Ասոնց մանրամասնութեան մանել
դժուար է, ոմանք դրամական նուէրներ են, իսկ ո-
մանք՝ սպասներ, զարդեղէններ նոյնիսկ կալուածներ :

Ասոնց մտտակարարութեան հոգը թաղական խոր-
հուրդին յանձնուած է :

Վանքերու հասոյթներուն մաս կը կազմեն պսղին
որ իր շուրջը գտնուող գիւղերէն հողագործական և
և անասնաբուժական արգիւնքներու վրայ տարեկան
նուէր մըն է :

Այս դրամները կը գործածուին եկեղեցիին ծախ-
քերը գոցելու, անշարժ կալուածներու պահպանու-
թիւնը ապահովելու, թաղային վարժարանները մատա-
կարարելու, եկեղեցական պաշտօնեաներու ամսական-
ները վճարելու, թաղին աղքատներուն և անկարնե-
րուն խնամք տանելու :

Այս ձեւ մատակարարութիւնը յարմար տեսնուած է՝ եկեղեցականին և աշխարհականին միջեւ սերտ գործակցութիւն մը և համերաշխութիւն մը սպասովելու համար: Ասիկա պատճառ մը եղած է որ եկեղեցին, ազգ, կղեր և ժողովուրդ հայոց մէջ միշտ համերաշխ սպորին: Վերջապէս պատճառ եղած է որ եկեղեցականութիւնը մեր մէջ առանձին դասակարգ մը չկազմէ:

Հայերը իրենց կղերը եկեղեցւոյ տէրն ու տիրականը չեն նկատեր, ան հաւասարապէս ժողովուրդին ալ կը պատկանի: Բացի հաւատքի վերաբերեալ խնդիրներէն, խորհուրդներու մատակարարութենէն՝ որուն համար ձեռնադրութիւն և աստիճան պէտք է, եկեղեցիին վարչութեան և մատակարարութեան վերաբերեալ գործերը աշխարհականներու մասնակցութիւններով կը մատակարարուին: Ժողովուրդը ինքն է որ կ'ընտրէ քահանայն, կրօնական ժողովը անոր յարմարութիւնը կը քննէ միայն, իսկ եպիսկոպոսը կը ձեռնադրէ:

Թեմակալ առաջնորդները կ'ընտրուին դաւառական ժողովներու կողմէ: Այդ ժողովին մէկ եօթներորդը եկեղեցական է միւսները աշխարհականներ են:


Կաթողիկոսը կ'ընտրուի ամէն վիճակի առաջնորդներէն և աշխարհական պատգամաւորներէ: Անոր ընտրութեան կը մասնակցին նաեւ էջմիածնայ միաբանութեան կողմէ եօթը սինոդականներ և եօթը երիցագոյն անդամներ:

Կ. Պոլսոյ և Երուսաղէմի պատրիարքները կ'ընտրուէին Ազգ. Երեսփոխանական ժողովի կողմէն: Այժմ Երուսաղէմի միաբանութիւնն է որ կ'ընտրէ իր գահակալը, իսկ Կիլիկիոյ և Աղթամարի կաթողիկոսները՝ իրենց վիճակային ընդհանուր ժողովներէն, կէսը աշխարհական և կէսը եկեղեցական:

Այս ամենէն վերջ կրնանք եզրակացնել թէ բոլոր քրիստոնեայ եկեղեցիներուն մէջ հայ եկեղեցին է որուն ժողովրդական հոգին աւելի լայնօրէն կը փայլի:

Այս ձեւը՝ քրիստոնէական եկեղեցիին մէջ, առաջին դարէն սկսեալ կը տեսնուի:

ՀԱՐՑՈՒՄՆԵՐ. — Հայ եկեղեցին ի՞նչպէս կ'ապահովէ իր հասոյթը: Մատակարարութեան հոգը որո՞նց յանձնուած է: Հաւարուած գումարները ի՞նչ բաներու կը գործածուին: Ինչո՞ւ մատակարարական այս ձեւը ընդունուած է: Եկեղեցականները ի՞նչ տեսակ գործեր կը կատարեն: Եկեղեցականներու ընտրութեան մէջ ժողովուրդը ծայն ունի՞: Կաթողիկոսը, պատրիարքը եւ առաջնորդը որո՞նց կողմէ կ'ընտրուին:



Հայկական կոյնակ

Գ. Շէնքը

Հայ եկեղեցին երկար ու քառակուսի է և մեծ մասամբ խաչաձև է:


Հայ եկեղեցիի մը համար պայման է որ հիմերէն սկսեալ օծեալ ըլլայ: Հիմերուն մէջ տասնը վեց օծեալ քարեր կը զետեղուին՝ 12 առաքեալներու և չորս աւետարանիչներու անուններով: Եւ որովհետեւ Յովհաննէս և Մատթէոս թէ՛ աւետարանիչ և թէ՛ առաքեալ են, իրենց անունները չկրկնելու համար Պօղոս առաքեալով և Ս. Գրիգոր Լուսաւորիչով կը լրացնեն 16 թիւը: Ասոնցմէ հինգը՝ հիւսիսային, հինգը՝ հարաւային, երկուքը՝ արեւմտեան դրանք քովերը իսկ չորսը խորանին չորս անկիւնները կը զետեղուին:

Գլխաւոր կողմերն են՝ մտից դռնէն սկսեալ Գաւիթ, Ատեան և Բեմ: Հայ եկեղեցւոյ խորանը արեւելեան կողմը կը դանուի իսկ մտից դուռը՝ արեւմտեան:

Եկեղեցիները սովորաբար հինգ դուռ կ'ունենան: Աւագ դուռը՝ արեւմտեան, երկրորդը՝ հիւսիսային, երրորդը՝ հարաւային, իսկ չորրորդն ու հինգերորդը պահարաններու դռներն են, որոնք պաշտօնեաններուն ներս մտնելու և դուրս ելլելու կը ծառայեն: Աւագ դուռը կ'օժեն եկեղեցիին նաւակառիքին:

Ասոնցմէ զատ կան նաեւ քանի մը դուռներ որոնք եկեղեցիին զանազան մասերը իրարու հետ յարաբերութեան մէջ պահելու կը ծառայեն:

Մասուռ կը կոչուին այն եկեղեցիները որոնք նախապէս տարբեր շէնքեր եղած են և վերջէն է որ եկեղեցիի վերածուած են:



ՀԱՅԿ. ԵԿԵՂԵՑԻՈՅ ՅԱՏԱԿԱԳԻԾԸ

- 1-16 հիմերու 16 օծեալ քարեր.— 1. Ս. Մասքեոս, 2. Ս. Մարկոս, 3. Ս. Դուկաս, 4. Ս. Յովհաննէս, 5. Ս. Պետրոս, 6. Ս. Անդրեաս, 7. Ս. Փիլիպպոս, 8. Ս. Գր. Լուսաւորիչ, 9. Ս. Բարդուղիմէոս, 10. Ս. Նիմոն Կանանացի, 11. Ս. Մասաթիա, 12. Ս. Թադէոս, 13. Ս. Յակոբոս Ալփետայ, 14. Ս. Թովմաս, 15. Ս. Յակոբոս Ղերբոս, 16. Ս. Պօղոս: 17, 18, 19 եւ 20 Կաթողիկէն կրող չորս սիւներ: 21. Կողակ: 22. Աւագ խորան: 23. Զախակողմեան խորան: 24. Բեմ: 25 Աջակողմեան պահարան: 26. Աւագան: 27. Զախակողմեան պահարան: 28. Դաս: 29. Ասեան: 30, 31. Սիւներ: 32. Աջակողմեան գաւիթ: 33. Զախակողմեան գաւիթ: 34. Անդասակ: 35. Մայր (Արեւմտեան) դուռ: 36. Խոհրդանոց: 37. Աջակողմեան խորան:

Կամարներու փակման տեղը դրուած քարը կը կոչուի կողակ, կողակին վրայ խաչ մը կը քանդակուի:

Գաւիթ.— Եկեղեցին երկու տարբեր մասեր կը պարունակէ գաւիթ և տաճար: Գաւիթը արտաքին մասն է որ տաճարէն պատով և դուռով բաժնուած է: Արեւմտեան դռնէն մտնելէ անմիջապէս ետքը տուէլնիս բացուող մասը կը կոչուի գաւիթ: Հոս՝ հին տաճարները՝ Ս. Սորոբերդի վերաբերումէն առաջ, մեղաւորներն ու չապաշխարողները կը հաւաքուէին:

Գաւիթին մէջ հին տաճարները ժամերգութիւն ալ կը կատարուի եղեր, ատոր համար ժամատուն ալ կ'ըսուի:

Ասեան.— Ժողովուրդին ազօթած տեղն է: Ատեանը ժամանակին այրերու միայն յատուկ էր, իսկ կիները վանդակներով փակուած վերնատունները կը մընային: Այժմ՝ կիներն ալ տաճանը կը կենան՝ ընդհանրապէս գրաւելով անոր աջակողմը:


Եկեղեցական դասը տաճան կուգայ յուղարկաւորութեան, հոգեհանգստեան և եկեղեցական կարգ մը հանդիսութիւններու ստան:

Դաս.— Ատեանէն քանի մը մատ բարձր շինուած և բեմին կցուած մասն է, ուր դպիրներն ու հոգեւորականները դաս առ դաս շարականներ և սաղմոսներ կ'երգեն:

Աւագ խորանին նայած ուղղութեամբ եթէ նայելու ըլլանք աջ կողմերնուս դասը կ'ըլլայ աջակողմեան, իսկ ձախ կողմերնուս՝ ձախակողմեան կամ վարի դաս:

Աջակողմեան դասին մէջ առաջնորդին կամ տեղապահին աթոռը կը գտնուի: Ասոնց բացակայութեանը աւագ երէցը կը կենայ:

Խորան.— Խորան բաւը վրան բաւէն առաջ կուգայ:



Նոր Զուղայի մեջ Հայ Եկեղեցի մը

Այժմ խորան ըսելով սեղանին հետը կը շփոթենք մինչ սեղանը խորան չէ այլ խորանի մէջը գտնուող մասն է: Խորանը բեմի ետեւի մասն է որ կամարով վրայէն գոցուած վրանածեւ տեղ մը կը կազմէ չորս սիւներու մէջ պարփակուած: Այս չորս սիւները չորս աւետարանիչներու անուններուն նուիրուած են:

Սեղանը տափարակ մարմարէ քարէ շինուած է: Խորանին մէջտեղը կը կանգնի քարէ սիւնի մը վրայ և տասներկու տեղէ օծուած: Սեղանին վրայ դէպի ետեւ բարձրացած մասը բազմոց կը կոչուի: Ան չորս կողմէն բաց պէտք է ըլլայ:



Աղքամարի տաճարը



Անիի Մայր Եկեղեցին

Սեղանին վրայ հետեւեալ սպասները կը գտնուին. խաչ մը, աւետարան մը, տէրունական պատկեր մը, մասնատուփը, միւռնը և տասներկու աշտանակներ: Իրական ծաղիկներով զարդարելու է. շինծու ծաղիկներէ զգուշանալու է:

Աւագ սեղանին առջեւ կախուած կանթիղը գիշեր և ցերեկ վառուած կը պահուի ի պատիւ սեղանին վրայ պահուած սրբութեան: Այս կանթիղը մշտավառ կը կոչուի:

Բեմ.— Դասէն եօթը տասիճան դէպի վեր կը բարձրանայ բեմը: Ասոր վրայ կը կատարուին հետեւեալ խորհուրդներն ու արարողութիւնները. կրօնականներու ձեռնադրութիւնն ու օծումը, պատկերներու և


զանազան սրբազան անօթներու օծումը, Ս. Պատարագը, քարոզը և իւզաբերից աւետարանի ընթերցումը և այլն:

Բեմին վրայ կը բարձրանայ սեղանը որ հաստատուած է վէմ քարին վրայ: Սեղանին վրայ պատարագ կը մատուցուի: Ան խորհրդանշանն է Գողգոթայ լեռան:

Բեմին վրայ կախուած է վարագոյրը որով պատարագի միջոցին և ինչ ինչ ատեններ կը ծածկեն սեղանը:



Պուրեօի Հայոց Եկեղեցին



Խնձկոնքի տաճարը

Բեմին վրայ պատկերէն վեր բարձրացող մասը խաչկալ կը կոչուի իր գլուխը խաչ մը ունենալուն համար:

Աւագ խորանին աջ կողմը կը գտնուի աջակողմին խորանը, ուրկէ Ս. Խորհուրդը կը վերաբերեն:

Մեր եկեղեցին մէկ սեղան կ'ունենայ պատարագի համար, որուն վրայ օրը մէկէն աւելի անգամ պատարագ չի մատուցուիր:

Աւագ խորանին աջ ու ձախ կողմերը երբեք տեսնուած սեղանները իբր զարդ և կամ իբր խորհրդանոց գործածուելու համար են: Ասոնք երբեք օծեալ ըլլալով պատարագ ալ կը մատուցուի վրանին:

Ընծայարան.— Սեղանին հիւսիսային պատին մէջ

փորուած խորշ մըն է: Ա. Խորհուրդը այս տեղէն ալ կը վերաբերեն:

Սարկաւագատուն կամ Աւանդատուն. — Եկեղեցին երկու աւանդատուններ ալ կ'ունենայ, որոնք պահարան ալ կը կոչուին: Աջակողմինին մէջ կը գտնուի մկերտաութեան աւագանը, իսկ ձախակողմին մէջ՝ սարկաւագատունը, ուր զգեստներ և սպասներ ալ կը գրանուին:

Մեր եկեղեցիներուն մէջ գանձատուն մըն ալ կը գտնուի, ուր արժէքաւոր սպասներ և զարդեր կը պահուին:

Եկեղեցիէն դուրս կը գտնուի բանկալը՝ ուր մոմ կը ծախեն, թաղական խորհրդարանը, քահանաներու յատուկ և ժամարարին յատուկ սենեակները: Սովորութիւն է նոյն բակին շուրջը շինել նաեւ թաղային վարժարանը:

Եկեղեցին պէտք է գմբէթ ու զանգակատուն ունենայ, իսկ ներսը՝ շատ պարզ պէտք է ըլլայ:

ՀԱՐՅՈՒՄՆԵՐ. — Ի՞նչ ձեւ պէտք է ունենայ հայ եկեղեցին: Ո՞ր տեղերէն սկսեալ օժեպ ըլլալու է: Քանի՞ բարեր կը դրուին հիմերուն մէջ եւ որո՞նց անուևով: Քանի՞ դուռ պէտք է ունենայ: Գլխաւոր կողմերը որո՞նք են: Ո՞ր եկեղեցիներուն մատուռ կ'ըսեն: Բարանը ո՞ր մասն է: Սեղանը ի՞նչպէս պէտք է շինուած ըլլայ: Ի՞նչ սպասներ կը դրուին սեղանին վրայ: Որո՞նք ընծայարան, սարկաւագատուն կ'ըսեն: Եկեղեցիին շրջափակին մէջ ի՞նչ շէնքեր կը գտնուին: Եկեղեցիին ներսը ի՞նչպէս պէտք է ըլլայ:



Ե.

Աւսուածպաշտութեան Զգեստներ

Աւաքեալները՝ երբ եկեղեցական խորհուրդ մը կը կատարէին տարբեր զգեստներ կը հագուէին հաւատացեալներէն զանազանուելու համար: Այդ սովորութիւնը մինչեւ այսօր ալ բոլոր հոգեւորականները կը կիրարկեն:

Վեղար. — Կուսակրօնները՝ արեղաներէ սկսեալ, ամուսնացած քահանաներէն զանազանուելու համար վեղար մը կը կրեն իրենց գլխուն վրայ, որուն ծայրը կաթողիկէի պէս սրածայր է: Իսկ քահանաները՝ ինչպէս նաեւ կուսակրօնները, դուրսը՝ իբր գլխարկ՝ փակեղ կը գործածեն:



Վեղար

Բարձրաստիճան եկեղեցականներու փակեղի վերի մասը մութ մանիչակագոյն կ'ըլլայ:

ՍԲԵԱ. — Կուսակրօնները, ամուսնացած քահանաները և սարկաւագները սքեմ կը հագուին, որուն վերարկու ալ կ'ըսեն:

Փիլոն. — Սովորական ժամերգութեան տան քահանայէն սկսեալ մինչեւ կաթողիկոս փիլոն կ'առնեն իրենց վրայ:

Կաթողիկոսին և եպիսկոպոսին փիլոնները մանի-
չակազոյն կ'ըլլան:

Գաւազան.— Եր-
կու տեսակ գաւազան
կայ, երկգլխեան օ-
ձագլուխ և հովուա-
կան: Առաջինը ծայ-
րագոյն վարդապետը
կը գործածէ իսկ երկ-
րորդը՝ կաթողիկոսն
ու եպիսկոպոսը:


Մասանի.— Հայ-
րապետը՝ իբր հոգեւոր
իշխանութեան նշան,
իր մասանեմատին վը-
րայ կը կրէ զայն, իսկ
եպիսկոպոսը՝ ձկոյթին:

Հողաքափ.— Բո-
լոր եկեղեցականներն
ալ եկեղեցիին մէջ
հողաթափ կը հագուին,
որ նշան է, անուակ
որդիին նոր կօշիկին
և Յիսուսի այն խօս-
քին թէ՛ «անուկոխ ընել թշնամիին զօրութիւնը»:


Շապիկ.— Գպիրէն մինչեւ սարկաւազը եկեղեցիին
մէջ շապիկ կը հագուին որ անբծութեան նշան է:



Վերարկու — Սէնժ



Հողաքափ



Սաղաւարս եւ Խոյր

Սաղաւարս.— Ահարոնեան խոյր ալ կը կոչուի:
Կերպասէ կը պատրաստուի և տսեղնագործ ու մար-
գարտայեռ է: Գագաթը փոքրիկ խաչ մը ունի, իսկ
չորս կողմը տէրուական պատկերներ նկարուած են:
Նշանակ է Քրիստոսի փշէ պսակին և վարչամակին:

Պատարագիչ քահանային զգեստներն են. հողա-
թափ, շապիկ, փորուրար, զօտի, դենջակ, բազպան,
վակաս, շուրջառ և սաղաւարտ կամ թագ:


Եպիսկոպոսը տսնցմէ զատ կ'առնէ թագի տեղ՝
խոյր, արտախորակներ, եմփփորան և հովուական գա-
ւազան:

Իսկ կաթողիկոսը կը գործածէ կոնքեռ, արծուե-
գորգ և ասա:

Փորուրար.— Պարանոցէն վար կուրծքին վրայ կը
կախուի: Կը նշանակէ այն ծանր լուծը զոր քահանան
իր վրայ կ'առնէ կենսագործ անօրէնութիւնը կատարե-
լու համար:



Փորուրար եւ գօտի



Ուրար

Գօտի.— Կայն ժապաւէն մըն է. մէջ տեղը ունի արծաթէ կամ ոսկիէ ակնայեռ կամ մարգարտայեռ գլուխ մը՝ իբր կոճակ: Նշան է հողեւոր իշխանութեան:

Ղեկզակ.— Գօտիին հետ նաեւ ղենջակ կը կրէ, իբր օրինակ Քրիստոսի այն ղենջակին որով աշակերտներուն ոտքերը սրբեց:

Բազպան.— Բահանային չապիկին թեկոսնիքը թեւնոցներով պատած կ'ըլլան: Նշան է Յիսուսի ձեռքի

պօզնու



Եմփորան




Շուրջառ — Նափուրա

կապոնքներուն և բազկի զօրութեան՝ թշնամիին դէմ պատերազմելու համար:

Վակաւ.— Բահանային ուսանոցն է որ կիսաբոլորակ կը պատէ քահանային պարանոցը թիկունքին կողմէ: Փամանակին ասիկա սողաւորաին մաս կը կազմէր: Նշան է մօլորեալ ոչխարին զոր Յիսուս իր վրայ կրեց:

Արսախուրակներ.— Խոյրի ետեւէն կախուած կէս կանգուն երկայնութեամբ զարդարուն կապերն են, որոնք Փամանակին խոյրին մաս կը կազմեն եզեր: Ասոնք հին ուխտի ատեն քահանայապետը կը կրէր:




Վակաս եւ Արսախուրակներ


Եմփիորան.— Լայն և հինգ խաչով զարդարուած ուրար մըն է զոր եպիսկոպոսը կը կրէ շուրջառին վրայ:

Կոնֆեռ.— Խոչածեւ ու եռանկիւն զարդ մըն է, գօտիին մէկ ծայրէն կախուած իբր հովուական մախաղ:

Արծուեգորգ.— Արծիւը բարձրաթուիչ ու սրատես թռչուն մըն է: Եկեղեցական տեսութեամբ մաքուր և ուղիղ վարդապետութեան



Բազպան



Կոնֆեռ

նշան է:

Աստ.— Կաթողիկոսը դուրսը կը կրէ ասան. պատրիարքներ և արքեպիսկոպոսներ ալ կը կրեն զայն:


ՀԱՐՅՈՒՄՆԵՐ.— Առարեալները ե՛րբ տարբեր զգեստներ կը հագուէին: Ի՞նչ է վեղարը, փակեղը, սրեմը եւ փիլոնը: Քանի՞ տեսակ գաւազան կը ծանչնաս: Որո՞նք գաւազան կրելու իշխանութիւն ունին. ինչո՞ւ:

Չատարագիչ քահանային, եպիսկոպոսին եւ կաթողիկոսին զգեստները որո՞նք են: Մասանին որո՞նք կը գործածեն եւ ինչո՞ւ:

2.

Աստուածպաշտութեան Անօթներ եւ Սպասներ

Սկիհ.— Արծաթէ կամ ոսկիէ շինուած և միւռոնով օծուած սրբազան անօթ մըն է, որուն մէջ հացն ու գինին՝ պատարագի միջոցին՝ Ս. Հաղորդութեան կը փոխուի: Նշան է չարչարանքի և վերջին ընթրիքի բաժակին:



Սկիհ, Մասնասուփ եւ Բաժակաման

Մաղզմայ.— Արծաթէ կամ ոսկիէ շինուած բոլորչի անօթ մըն է որ սկիհին բերանը ծածկելու կը գործածուի: Նշանակ է Բրիտանի մսուրին և գերեզմանին:

Մասնասուփ.— Արծաթէ և մէջը ոսկեղօծ տուփ մըն է որուն մէջ հաղորդութիւն կը պահուի՝ շաբթուան ընթացքին պատահելիք ծանր հիւանդները հաղորդելու համար:

Նեխար.— Մաքուր ալիւրէ, անխմոր կլոր բաղարջ մըն է որուն մէկ երեսը խաչի պատկերը տպուած՝ իսկ միւս երեսը նկարով ծածկուած է:

Տիպ.— Նշխարը պատրաստելու համար գործածական փայտէ դործիք մը որուն վրայ տնօրինական պատկեր մը փորագրուած է (*):

Խնկանոց և Բուրվառ.— Խնկանոցը փոքրիկ կրակարանի ձեւն ունի որուն մէջ խուսկ կը ծխէին հին ուխտի տան:

Այժմ բուրվառ կը գործածուի որուն երեք շղթաներէն տասն երկու բոժոժներ կախուած են:

Տապանակ.— Վրան չորս խաչերով զարդարուած է: Ասոր



Խնկանոց

Բուրվառ


(*) Նկատելու յարմար փայտի կտոր մըն է, որուն ծայրը սանհրածել երկաթի թելեր շարուած են, որով նեխարին ետեւի մասը կը ծակծկեն:

մէջ խունկ և կնդրուկ կը պահեն: Քահանաներու համար ժամուց հաւտքելու գործածուած գանձանակին ալ տապանակ կ'ըսեն:

Խաչվառ.— Ասիկա եկեղեցական մեծ հանդէսներուն կը գործածուի թափորին առջեւէն ձողամբարձ: Իր վրայ Խաչելութեան կամ Աստուածածնայ պատկերը նկարուած պէտք է ըլլայ:



Խաչվառ




Քոց

Քոց.— Բոլորչի և բոլորաիքը բոժոժներով զարդարուած է: Երկու երեսներուն վրայ վեցթեւեան սերովըններու պատկերներ քանդակուած են: Քչոցը պատարագի և եկեղեցական կարգ մը հանդէսներու մէջ կը գործածուի:

Հայկական խաչ.— Հայկական խաչը չորս հաւասար թեւերէն զտա անոնց կազմած անկիւններուն մէջ

ճառագայթներ ունի որ՝ սեռականաձեւ ալ կը կոչուի: Չեռքի գործածական խաչերուն վրայ Քրիստոսի խաչելութեան պատկերը պէտք չէ գտնուի, որովհետեւ խաչ ըսելով պարզապէս քառաթեւը կը հասկնանք: Սեղանին վրայ իբր զարդ դրուածները կրնան Քրիստոսի պատկերը կրել:


Խաչին յարգանք կ'ընենք մեր Տէրը վրան խաչուած ըլլալուն համար: Խաչով կ'օրհնեն եկեղեցական բոլոր խորհուրդները: Խաչը կը գործածուի նաեւ թագերու, եկեղեցիներու գլուխները և հաւատացեալներու կուրծքերը զարդարելու համար. կեղեցական զգեստներու վրայ ալ միշտ խաչի նշանը պէտք է գտնուի:



Հայկական խաչ



Միւռոնաման



Աղաւնի

Աղաւնի.— Մէջը Ս. Միւռոնը կը պահուի:



Կոնֆ

Փարջ

Փարջ և կոնֆ.— Պատարագիչ քահանան իր ձեռքերը լուսնայու և սրբուելու համար փարջ, կոնֆ և զենջակ կը գործածէ:

Պատկեր.— Առաքինի և սուրբ մարդոց գործերը յիշեցնելու համար է:

Կերոնը և առանձակը՝ վրանին մոմ վառելու համար կը գործածեն: Իսկ գրակալը՝ կարդացուելիք գրքերը վրան դրուելու համար:

Ամպինովանի.— Բաւական ընդարձակ քառանկիւն կերպասէ պատրաստուած և չորս կողմերը ծոպերով շրջապատուած բարձրաստիճան եկեղեցականներու յատուկ գործածական պատուոյ նշան մըն է, որ չորս ձողերով վեր կը բռնեն կաթողիկոսին թափոր դարձած պահուն՝ անոր գլխուն վերեւ:

Այժմ այս նշանը էջմիածնի և Կիլիկիոյ կաթողիկոսներն ու Երուսաղէմի պատրիարքը կը գործածեն:

Կանթեղ.— Յատնապակիէ, ապակիէ, պղինձէ կամ արծաթէ շինուած ամաններ են որոնց մէջ ձէթ կը վառեն լուսաւորութեան համար:

Բոնիչ.— Բոնիչ կը կոչուին այն դաստառակները որոնք ուետարանը, խաչը, սկիհը և այլն սրբազան անօթներ բռնելու համար կը գործածուին:

Բեխուն.— Ընտիր բեհեզէ, նաշխուն կամ տակ-


նագործ այն դաստառակն է որ երկու դպիրներ հաղորդութեան ատեն սկիհին առջեւը կը բռնեն, որպէսզի հաղորդութիւնը եթէ վար իյնայ պատահմամբ՝ անոր վրայ հանգչի:

Դաստառակ կը կոչուին անկիւնները բանուած այն կտուռի կտորները որոնք սրբուելու և կամ որեւէ սորսս մը ծածկելու կը գործածուին:

Շուսփայ Մաքուր կտու մը զոր սկիհին տակը փակու և կամ զայն մաքրելու կը գործածուի: Սեղանի վրայ գործածուած բոլոր կտաւներուն ալ նոյն անունը կրնայ տրուիլ:

Սկուսեղ Մեատղէ տիսէ մը որ արարողութեանց միջոցին ինչ ինչ տաններ կը գործածուի: Ասոր կարգին կը դասուին այն փոքրիկ շուշփայով ծածկուած պնակները որոնց վրայ խաչեր կը դրուին հանդիսագետին տալու համար:

ՉԱՐՅՈՒՄՆԵՐ.— Ի՞նչ զիտես սկիհի, մաղզմայի, խնկանոցի եւ տարանակի մասին: Հայկական խաչը ի՞նչպէս պէտք է ըլլայ: Ի՞նչ է ամպինովանին եւ որոնք կը գործածեն: Նշխարը ի՞նչպէս կը պատրաստեն: Ի՞նչ է բշխուն, շուշփան, սկուսեղը եւ դաստառակը: Պատկերի մասին ի՞նչ գիտէք:



Շնդայ

Է.

Եկեղեցիին մէջ Գործածուած Գրքեր

Եկեղեցական սրբազան խորհուրդները կատարելու համար հետեւեալ գրքերը կը գործածուին:

Ս. Աւետարան. — Բոլոր քրիստոնէաներուն միակ գիրքն է Աւետարանը, որ Յիսուսի ծնունդէն սկսեալ մինչեւ անոր համբարձումը եղած անօրինական անցքերը կը պատմէ:

Չորս աւետարանիչներ խմբագրած են զայն, Մատթէոս Քրիստոսի համբարձումէն ութը տարի ետքը գրած է, Հրէական լեզուով: Մարկոս տասնըհինգ տարի ետքը՝ Եգիպտական լեզուով. Ղուկաս՝ որ գործք առաքելոցն ալ գրած է, աւետարանը գրած է Ասորերէն լեզուով՝ տասնըեօթը տարի ետքը: Իսկ Յիսուսի սիրելի աշակերտը՝ Յովհաննէս, յիսունը երեք տարի ետքը:



Գրական Աւետարանի ետքը:

Գործք Առաքելոց և Առաքելական Թուղթեր. — Կը պատմեն թէ ինչպէս հիմնուեցաւ եկեղեցին և թէ ինչպէս Ս. Հոգին առաջնորդեց Քրիստոսի առաջին հետեւողները:

Գործք Առաքելոցի պատմութիւնը կը սկսի Քրիստոսի համբառնալէն և կը վերջանայ Ս. Հոգիի գալուստովը: Կը պատմէ նաեւ Պողոս առաքելի դարձը:

Առաքելական թուղթեր և նամակներ. — Նամակի ձևով գրուած քներ են որոնք առաքելները գրած են հաւատացեալները յորդորելու և հրահանգելու համար:

Աւետարանը, Գործք Առաքելոցը, Առաքելական թուղթերը ինչպէս նաեւ Աստուածաշունչը Ն. դարուն թարգմանուեցան Ս. Սահակի և Ս. Մեսրոպի ձեռքով և թարգմանիչներու աջակցութեամբ:

Ժամագիրք. — Ժամագրքին մէջ կը դասուին օրուայ ընթացքին հասարակաց աստուածալաշտութեան վերաբերեալ սոգոթքներ, մաղթանքներ, քարոզներ և երգեր: Երանանործ թարգմանիչները գրած են ժամագիրքը: Վերջէն Գիւտ, Մանդակունի և Ներսէս Շնորհալի կաթողիկոսները կարգաւորած և ձոխացուցած են զայն:

Շարական. — Շարականներու դասաւորումը տեղի կ'ունենայ Ներսէս Շինող կաթողիկոսի օրով Բարսեղ ձօնի ձեռքով: Մինչեւ այդ թուականը հայ եկեղեցիին մէջ շարականները անկանոն կերպով կ'երգուէին:

Շարականները չորս մասի կը բաժնուին, Տէրուանական, Սրբոց, Ապաշխարութեան և Հանգստեան: Ասոնք կ'երգուին ութը ձայն եղանակներով:

Առաջին ձայն	Ա.Ձ	Երրորդ	ձայն Գ.Ձ
Առաջին կողմ	Ա.Կ	Երրորդ-Վառ	ձայն Գ.Կ
Երկրորդ ձայն	Բ.Ձ	Չորրորդ	ձայն Դ.Ձ
Երկրորդ-Աւագ կողմ	Բ.Կ	Չորրորդ-Վերջ	ձայն Դ.Կ

Ութը ձայններ ո՛չ միայն սրբազան երգեցողութեան ութը եղանակները կը խմբաւորեն, այլ նաեւ ժամասացութեան կարգն ալ ձևաւորած է ութը ձայներու համեմատ:

Ձայններու կարգը կը սկսի բուն բարեկենդանով, այդ օրը ձայնը ի՛նչ ալ ըլլայ, պէտք է փոխուի Դ.Կի որպէսզի Չատկի օրը Ա.Ձ ըլլայ:

Աջակողմի դասն է որ կը վարէ ձայները, իսկ ձախակողմինը՝ կողմերը: Այն դասը, որ օրուան ձայնին համեմատ կը վարէ կարգը, կ'ըսուի Աւագերեցու դաս, իսկ միւսը կը կոչուի Աշակերտի դաս: Երկու դասերը կը կոչուին նաեւ Չայնի դաս և Կողման դաս:

Երբ Փրկչի թուականը դար է (զոյգ), ձայները աջակողմեան դասուն կ'իջնան, իսկ եթէ կոճատ է (անզոյգ) ձախակողմեան դասուն:


Շարականները ստնցմէ զատ ունին նաեւ Ստեղի և Չարաուղի՝ այսինքն դարձուած ձայնով շարականներ:

Շարականները կը կրեն նաեւ հետեւեալ անունները Օրհնութիւն, Հարց, Մեծացուցէ, Ողորմեա, Տէր յերկնից, Մանկունք, Ժաշու, Համբարձի և Ստեղի:

Ճաշոց.— Հին և Նոր Կտակարաններէն առնուած քաղուածք մըն է: Որ՝ ըստ պատշաճի, դասաւորուած է հասարակաց աստուածպաշտութեան ատեն կարդացուելու համար:

Վերջէն այս գիրքը ճոխացած է նշանաւոր եկեղեցական հայրերու հոգեբուղիս աղօթքներով:

Խորհրդատե՛ս կամ Պատարագմատոյց.— Ասոր



Գրակալ Եւրոպականի

մէջ նշանակուած ու դասաւորուած են պատարագի ատեն կարդացուելիք աղօթքները: Այս գիրքը ճոխացած է վերջէն, Ս. Սահակի, Ս. Մեսրոպի, Մանդակունիի և Ս. Գրիգոր Նարեկացիի ձեռքով:

Տաղարան.— Այս գիրքը պատարագի միջոցին երգուելիք մեղեդիները, երգերը և քարոզները կը բովանդակէ:

Տօնացոյց.— Հրահանգի գիրք մըն է տօնացոյցը, որ ցոյց կուտայ հայ եկեղեցւոյ տօները և այդ առթիւ երգուելիք շարականները, երգերը, սաղմոսները և ընթերցուածները:

Ս. Սահակ և Ս. Մեսրոպ կազմեցին զայն, որուն հետեւողութեամբ կը պատրաստուի օրացոյցը՝ Վերջին անգամ կարգաւորողը եղաւ Սիմէոն Երեւանցի կաթողիկոսը:

Մատոց.— Ծիսարան ալ կը կոչուի՝ Որուն մէջ գրուած են հայ եկեղեցւոյ աստուածպաշտութեան Ս. Խորհուրդներն ու հոգեւոր ծէսերը կատարելու կարգերն ու կանոնները:

Ս. Մեսրոպ թարգմանած ու կանոնաւորած է զայն. իր անունով Մաշտոց կը կոչուի:

Երեք տեսակ Մաշտոց կայ, Չեռաց Մաշտոց, Մայր Մաշտոց և Հայր Մաշտոց: Առաջինը երկրորդին քաղուածքն է:

Կանոնագիրք.— Այս գրքին մէջ հաւաքուած են առաքելական և երեք տիեզերական ժողովներու կանոնները, ինչպէս նաեւ հայ եկեղեցական ժողովներու կանոնները:

Յայտմաւուրք.— Կը պատմէ փրկչին փրկագործ անօրինութիւնները, սուրբերու օրինակելի վարքն ու բարքը և Ս. Վկաներու նկարագիրը:

Այս գիրքը այժմ միմիայն վանքերու մէջ կը կարգացուի երեկոյեան եկեղեցին սկսելէ առաջ:

Գրիգոր Վկայասէր կաթողիկոսն է որ զայն թարգմանած է Յոյն և Ասորի լեզուներէ: Վերջէն՝ եկեղեցական հայրերը զայն զտած ու դասաւորած են:

Նաբեկ.— Ս. Գրիգոր Նորեկացիին երկասիրութիւնն է: Հայ եկեղեցին և հայ ժողովուրդը գուրգուրանքով կը վերաբերին անոր հետ որովհետեւ ան՝ Աւետարանէն ետքը, ամենէն ներշնչեալ գիրքն է որուն տիրացած է հայ ժողովուրդը:

ՀԱՐՅՈՒՄՆԵՐ.— Ի՞նչ գիտես Աւետարանի եւ Գործք Առաքելոցի մասին: Ասոնք ե՞րբ հայերէնի թարգմանուեցան: Ի՞նչ է ժամագիրքը եւ Շարականը. ո՞վ դասաւորած է զանոնք: Շարականները քանի՞ ծայնով կ'երգուին:

Ի՞նչ գիտես ճաշոցի, Խորհրդատեարի եւ Տօնացոյցի մասին: Մաշտոցը ո՞վ գրած է. քանի՞ տեսակ է: Յայտաւորքի եւ Կանոնագրքի մասին ի՞նչ գիտես:

Նարեկը ո՞վ գրած է:



Ը.

Եօրը Խորհուրդներ

ՄԿՐՏՈՒԹԻՒՆ

Մկրտութեան խորհուրդը Յիսուս հաստատեց անձամբ մկրտուելով Յովհաննէս Մկրտչէն: Յետոյ՝ երբ երկինք պիտի համբառնար, աշակերտներուն ըսաւ. «Գացէք այսուհետեւ աշակերտեցէք բոլոր հեթանոսները և մկրտեցէք զանոնք Հօր, Որդւոյ և Ս. Հոգիին անունով»: Ուրիշ անգամ մըն ալ ըսած է. «Եթէ մէկը ջուրէն և հոգիէն չը ծնի երկնքի արքայութիւնը չի կրնար մտնել»:

Մկրտութեան խորհուրդը քահանայն կը կատարէ երախան երեք անգամ՝ յանուն Երրորդութեան, ջուրին մէջ մխրձելով:



Մեծն Տրդատի մկրտութիւնը

Մեր եկեղեցին մանուկը ութ օրուայ եղած տանը կը մկրտէ սա պարզ պատճառով որ՝ երախային ծնողքը պէտք է իր զաւակին մարմնոյն հետ հոգայ նաեւ անոր բարոյական կեանքը:

Եկեղեցին աղուն բարոյական կեանքին համար կնքանայրն ալ պատասխանատու կը ճանչնայ:

Մկրտուելով քրիստոնեան իր սկզբնական մեղքէն կը սրբուի և Աստուծոյ որդեգիրը կը դառնայ:

ԴՐՈՇՄ

Այս խորհուրդը Ս. Հոգիին շնորհքը կը խորհրդանշէ: Մանուկը սրբալոյս միւսուսով օծելով կ'ընդունինք թէ Ս. Հոգին է որ կ'իջնայ մկրտուածին վրայ, ինչպէս Ան իջաւ Յորդանան գետին մէջ երբ Յիսուս կը մկրտուէր, վերնատան մէջ՝ հրեղէն լեզուներու ձեւով՝ առաքեալներու վրայ:

Առաքեալները նախապէս ձեռքերնին կը դնէին մկրտուածին վրայ, անոնց յաջորդները իւր գործածել սկսան:

Մեր եկեղեցին Ս. Գրիգոր Լուսաւորիչէն սկսեալ Ս. Միւսուսը կը գործածէ:

Մկրտող քահանան Ս. Միւսուսը ափին մէջ կը լեցնէ և կ'սկսի մկրտողին ճակատը, աչքերը, սիրտը, կոնակն ու ոտքերը խաչանիչ կերպով կնքել:

Ս. Միւսուսը Ամենայն Հայոց Հայրապետ կ'օրհնէ. Այս օրհնեալ իւրը պատրաստելու համար քառասուն տեսակ ծաղիկներու հիւթերն ու արմատները ձիթաիւղին հետ կը խառնեն: Ասոնց մէջ գլխաւորն է բալասան ծառին հիւթը որ երբ ձիթաիւղին հետ խառնուի տեսակ մը մակարդ առաջ կը բերէ:

ՀԱՂՈՐԴՈՒԹԻՒՆ

Երբ Յիսուս և իր առաքեալները Պասէքի սեղանին շուրջը բազմած էին խորոված գառնուկը ճաշակելու համար, Յիսուս նախ բաղարջ հացը առաւ օրհնեց, կտրեց աշակերտներուն տուաւ ըսելով. « Առէք



կերէք, այս է իմ մարմինը»: Յետոյ անապակ գինիի բաժակը առնելով գոհացաւ և ըսաւ. «Ամեցէք ասկէ, ամէնքդ ալ, որովհետեւ իմ նոր ուխտի արիւնս է սա, որ շատերու վրայ պիտի թափուի մեղքերու թողութեան համար»:

Այս խորհուրդը պատարագ ալ կը կոչուի որովհետեւ Քրիստոս իր մարմնովն ու արիւնովը Ս. Սեղանին վրայ խորհրդաւոր կերպով կը պատարագուի ինչպէս խաչին վրայ:

Ուրեմն Տիրոջը մարմինն ու արիւնը ճաշակելով Քրիստոսի հետ հաղորդուած, միացած կ'ըլլանք:

Քրիստոս ալ ըսած է. «Ան որ իմ մարմինը կուտէ և արիւնս կ'ըմպէ, այնպիսին յաւիտենական կեանքը պիտի շահի և ես այնպիսին վերջին օրը յարութիւն առնել պիտի տամ որովհետեւ ան իմ մէջս կ'ապրի և ես անորը»:

Հաղորդութեան համար մեր եկեղեցին հետեւեալ նիւթերը կը գործածէ, ցորենէ հաց և զուտ խաղողի գինի: Հացը պէտք է անխմոր ըլլայ իսկ գինին՝ անապակ: Ուրեմն այս ամենէն կը հետեւի թէ այն որ հաղորդութեան խորհուրդին կը մօտենայ՝ պէտք է կատարեալ հաւատք և հաստատ դիտուելով իւր ունենայ Աստուծոյ պատուիրանին հնազանդելու:

Քրիստոնեայ մը ամէն օր կրնայ հաղորդուիլ եթէ ինքզինքը պատրաստ կը գտնայ Տէրը հիւրընկալելու:

Չեն կրնար հաղորդուիլ միմիայն անոնք որ դեռ մկրտուած չեն: Այդպիսիները Ս. խորհուրդին մօտենալու չեն: Արդէն սարկաւազն ալ այդ պահուն կ'երգէ ըսելով. «Այն որ երախայ, թերահաւատ և չապաշխարող է չըլլայ թէ ստտուածային խորհուրդին մօտենայ»:

Այս խորհուրդը սկիզբները շատ պարզ կերպով կը կատարուէր, վերջէն՝ Ս. Ներսէս Շնորհալիի օրով է որ այսօրուան ձեւը ստացաւ:

ԱՊԱՇԽԱՐՈՒԹԻՒՆ

Մենք աւետարանէն զիտենք թէ հրեաները իրենց մեղքերէն ազատուելու համար Յովհաննէս Մկրտչին նախ իրենց մեղքերը կը խոստովանէին և ապա կը մկրտուէին:

Մեր եկեղեցին ալ իր հաւատացեալներէն կը պահանջէ որ անկեղծ կերպով զղջան իրենց յանցանքին համար և միեւնոյն ատեն հաւատան թէ Քրիստոսի ոգորմութեամբը կրնան իրենց մեղքերէն սրբուիլ:



Ապաշխարութեան համար հետեւեալ կանոնները ունի մեր եկեղեցին պահք, աղօթք, հրապարակային զղջում և առաքինական և մարդասիրական զործեր:

Հին ատենները՝ երբ մարդիկ այս պայմանները չէին լրացներ և կամ ծանր յանցանքներու մէջ կը գտնուէին, այնպիսիները՝ ժամանակի մը համար, Ս. Հաղորդութենէն կը զրկուէին:

Մինչեւ այսօր ալ ողջոյնի ատեն սարկաւազը կը ձայնէ. «Այն որ չի կրնար հաղորդուիլ դրան առջեւ ելլէ և աղօթէ»:

ԱՄՈՒՍՆՈՒԹԻՒՆ

Այս խորհուրդը Հին Ուխտին մէջ հաստատուած կը գտնենք: Աստուած դրախտին մէջ մեր նախածնողներուն ըսաւ. «Երկուքդ մէկ մարմին եղէք»: Յետոյ

զանոնք օրհնելով ըսաւ. «Աճեցէք՝ և երկիրը լեցուցէք»:

Յիսուս այս միութիւնը անլուծելի ըրաւ. «Այն որ Աստուած միացուց պէտք չէ որ մարդ բաժնէ» ըսելով:

Եկեղեցիին այս խորհուրդով հարան ու փեսան քահանային օրհնութիւնովը կը պսակուին, ուխտելով իրարու հանդէպ հաւատարիմ մնալ մինչեւ իրենց մահը:

Ամուսնութեան խորհուրդը պսակ ալ կ'ըսուի որովհետեւ ժամանակին ամուսնացողներուն գլխուն պըսակ կամ թագ կը դնեն եղբր: Այժմ նարօտ կը կապեն:

Տէրունի և պահքի գլխաւոր օրերէն դուրս ամէն օր պսակ կ'ըլլայ:

Ամուսնութիւնը կը կրկնուի երբ մէկ կամ միւս կողմը մեռած է և կամ ամուսնալուծումի պարագային կրկին ամուսնանալու արտօնուած է:

Այր և կին, մեր եկեղեցական օրէնքով, մինչեւ երեք անգամ միօյն կրնան ամուսնանալ պայմանաւ որ այրը կամ կինը մեռած ըլլան:

Երբ ամուսինը կամ կինը կորսուի մնացողը պարտաւոր է մինչեւ եօթը տարի սպասել:

Գործեալ երբ ամուսիններէն մէկը հաւատքը փոխէ և կամ անբուժելի հիւանդութիւնով մը տառապի, այդպիսիներուն համար եկեղեցին մասնաւոր կարգադրութիւն մը կ'ընէ:

Երկուքէն մէկը եթէ ամուսնութեան օրէնքին դէմ մեղանչէ՝ ամուսնութիւնը կը լուծուի, և յանցաւոր կողմը այլեւս ամուսնութեան իրաւունքէ կը զրկուի: Այն պարագային եթէ երկու կողմերն ալ յանցաւոր են՝ երկուքն ալ կը դատապարտուին:

Ամուսնութեան այս տեսակ խնդիրներով դատաս-

տանական ժողովը կ'զբաղի և իր եզրակացութիւնները եպիսկոպոսին կը ներկայացնէ:

Ծանր պարագաներու տակ վերջին խօսքը կաթողիկոսին է:

ԿԱՐԳ ԿԱՄ ՁԵՌՆԱԴՐՈՒԹԻՒՆ

Ձեռնադրութեան խորհուրդը Յիսուս հաստատեց համբարձման օրը առաքեալներուն վրայ ձեռք դնելով օրհնելով և անոնց ամէն իշխանութիւն տալով:

Առաքեալներն ալ վերջէն՝ երբ հաւատացեալները շատցան, սկսան արժանաւորներուն վրայ ձեռք դնել և զանոնք եպիսկոպոս կոչել:

Ձեռնադրուելու համար հետեւեալ պայմանները լրացնելու է.

Ա.— Չափահասութիւն ինչպէս նաեւ մարմնի և հոգիի անթերի վիճակ:

Բ.— Հոգեպէս և մտաւորապէս պատրաստուած:

Գ.— Նուիրումի և ծառայութեան ոգի՝ այսինքն բարձր նկարագիր:

Դ.— Յարմարութիւն և արժանաւորութիւն:

Ե.— Ժողովուրդին կողմէ այս ամէնուն համար վկայութիւն:

ՀԻՒԱՆԴՆԵՐՈՒ ՕԾՈՒՄ ԿԱՄ ԱՂՕԹՔ

Յիսուս իր բժշկած հիւանդներէն և ախտաւորներէն կը պահանջէր որ այլեւս չմեղանչեն: Իսկ իր վերջին օրերուն առաքեալներուն իշխանութիւն տուած հիւանդներուն վրայ ձեռք դնելու և մեղքերուն թողութիւն տալու:


Իսկ զալով օծումին, հրէական սովորութիւն մըն

է որը առաքելական շրջանին եկեղեցիին մէջ ալ կրկնուեցաւ:

Այս սովորութիւնը մինչեւ ԺԵ. դարուն սկիզբը մեր մէջ ալ կը կիրարկուէր բայց վերջէն իսպանուած է: Որովհետեւ կարելի չէ գիտնալ թէ մարդ ի՞նչ մահով և կամ ո՞ւր և ինչպէս պիտի մեռնի: Այս պատճառներով վերջին օծումը առաջինին միացուած է:

Մեր եկեղեցին այժմ կը բաւականա՛յն հիւանդին այցելել, աղօթել անոր վրայ, ձեռք դնել և եթէ ծանր է անոր վիճակը՝ խոստովանցնել և Ս. Հաղորդութիւն տալ:

Մեր մէջ վերջին օծումի սովորութիւնը միմիայն կրօնաւորներու համար վերապահուած է:



Թ.

Հայ Եկեղեցւոյ Տօները

ԵԿԵՂԵՑԻՆ ԵՒ ՕՐԵՐԸ

Կրօնական կեանքի զարգացման օժանդակելու համար հայ եկեղեցին տարուան օրերուն կրօնական նկարագիր մը տուած է: Կրնանք ըսել թէ եկեղեցին կրօնականացուցած է տարուան բոլոր օրերը:

Շաբթուան եօթներորդ օրերը տէրունի-կիրակի են, Յիսուսի յարութեան նուիրուած:

Հին ուխտի մէջ ալ եօթներորդ օրը բացարձակ հանգստի օր էր. հետեւաբար կիրակին կրկնակի նուիրական է թէ՛ արարչագործ Աստուծոյ գոհութիւն մատուցանելու և թէ՛ Փրկչին յարութեան յիշատակը փառաբերելու համար:

Մնացած վեց օրերը կամ տօնական և կամ պահոց օրեր են: Տօնականները երկու խումբի կը բաժնուին Տէրունի և Մարտիրոսաց:

Տերունի տօներ. — Ասոնք նուիրուած են Յիսուսի և անոր անօրինութեանց յիշատակներուն, որք են Ծնունդը, Մկրտութիւն, Տեսնընդատաջ, Չատիկ, Համբարձում, Հոգեգալուստ, Վարդավառ, Խաչվերաց:

Մարտիրոսաց տօները սուրբերու յիշատակութիւնն են, իսկ պահոց օրերը ազաշխարութեան նուիրուած են:

Անշարժ տօներ. — Անշարժ կը կոչուին այն տօները որոնք ամսաթիւերու կապուած են՝ որոնք են Ծնունդը Յունվար 6, Անուանակոչութիւնը Յունուար 13, Աւետուածը՝ Ապրիլ եօթը, Ծնունդ Ս. Աստուածածնի Սեպ-

տեմ. 8, Ընծայումը Նոյեմ. 27, Յղութիւն Աստուածածնի Դեկտեմբեր 9:

Անշարժ կը համարուին նաև Աստուածածնի, Խաչի և Յիսնակաց բարեկենդանի օրերը, որովհետեւ մեր եկեղեցին կիրակի օրեր կը տօնէ զանոնք:

Շարժական տօներ. — Ասոնք Չատիկ տօնին կապուած են: Չատիկը Մարտի լրումն լուսնի յաջորդող կիրակին է: Եթէ լրումն լուսնին Մարտ 21էն առաջ հանդիպի այն ատեն Չատիկը Ապրիլի մէջ հանդիպող լրումն լուսնէն անմիջապէս յետոյ կը տօնուի: Իսկ եթէ այս երկու ամիսներուն մէջ լրումն լուսնին պատահի Ուր., Շք., Կիրակի օրերուն, այն ատեն Չատիկը կը տօնուի ճիշդ հետեւեալ կիրակին:

Մարտ ամսոյ լուսինը կը ծնի Մարտ 8ին և կը լրանայ 21ին: Այս լրումը՝ «Աւագ լրումն լուսնի» կ'ըսուի: Իսկ Ապրիլ ամսոյ լուսինը կը ծնի Ապրիլի 5ին և կը լրանայ 18ին, որուն յաջորդող կիրակին Ապրիլ 25էն անդին պէտք չէ անցնի:

Ուրեմն Չատիկը կը տօնուի Մարտ 22էն մինչև Ապրիլ 25, 35 օրերուն մէջ հանդիպող կիրակի մը:

ՎԱՀՈՆ ԳՈՂԹՆԵՅԻ. — Ծնած է 700ին, Գողթն գաւառի մէջ: Հայոց Խոսրով նախարարին որդին էր:

Արաբները իշխանական տուները աւերելէ վերջ մնացածները Դամասկոս գերի տարին: Չորս տարեկան Վահանը անոնց մէջ կը գտնուէր: Ամիրապետը անոր անունը փոխելով Վահապ դրաւ:

Վահապ արաբերէն լեզուին հմտանալով դիւանադպիր և խորհրդական եղաւ: Երբ գերութիւնը վերջ գտաւ, Վահապ ալ արքունի հրովարտակով մը հայրենիքը վերադառնալով կալուածներուն տիրացաւ:

Վահագ Հայաստան վերադարձին իր հայրենի կը-
րօնքին դարձաւ։ Արաբները անոր ուրացու թիւնը լը-
սելով սկսան հալածել։ Վահան հինգ տարի հոս ու հոն



Վահան Գողթնեցի եւ իր Բոյր խոսրովիդուխս

պահուըտելէ վերջ ուղղակի Դամասկոս գնաց։ Այն
տեղի բարեկամները կը յանձնարարէին իրեն որ կամ

փախի և կամ պահուի։ Վահան կարեւորութիւն չտա-
լով անոնց խօսքին ամիրապետին ներկայացաւ։ Վեր-
ջինս ի զուր փորձեց համոզել որ ետ կենայ իր նոր
կրօնքէն։ Վերջապէս զանազան տանջանքներէ վերջ
գլխատել տուաւ 737ին։

Ս. ՈՍԿԵՍՆԻ ԵՒ ՍՈՒՔԻԱՍԵՍՆԻ.— Ասոնք Յու-
նաց կայսրէն՝ Հայոց Սանտարուկ թագաւորին մօտ
ղրկուած ճգնապաններ էին։ Իրենց պետը Խոռուսի, ոսկի
կը կոչուէր։

Ճամբան Թաղէոս առաքեալին հանդիպելով և ա-
նոր գործած հրաշքները տեսնելով քրիստոնեայ կը
մկրտուին։

Առաքեալին մահէն վերջ Եփրատի ափին մօտ՝
Ծաղկէոյ լեռան մօտերը ճգնաւորութիւն կ'ընեն։ Ժա-
մանակ մը վերջ՝ Արտաշէս թագաւորին օրով, իրենց
ճգնութեան վայրէն կ'իջնեն հայոց արքունիքը կ'այ-
ցելին և Սաթենիկ թագուհիին և անոր ազգականնե-
րուն (Ալաններ) քրիստոնէութիւն կը քարոզեն։ Ա-
լանները կը հաւատան Յիսուս Քրիստոսի և կը մկրտը-
ւին։ Իրենց մեծը քահանայ ձեռնադրուելով Սուքիաս
կը կոչուի։

Արտաշէսի մեծ որդին՝ Արտաւազդ, իր եղբայրնե-
րուն հետ Ոսկեանց ճգնարանը երթալով ամէնքն ալ
սպանել կուտայ իր զինուորներուն 107ին։

Սուքիասեանները՝ որոնք 16 հոգի էին, անոնց
տեղը կ'անցնին։

Ալաններու թագաւորը իմանալով, իր զօրապետ-
ներէն մէկը կը զրկէ որպէսզի երկիր դարձնէ զա-
նոնք։ Ասոնց մերժումին վրայ նահատակել կուտայ
131ին։

ԱՏՈՄԵԱՆ ԶՕՐԱՎԱՐՆԵՐ.— Ասոնք Քաջն Վարդան Մամիկոնեանի ընկերներէն էին, անոնցմէ երկու տարի առաջ նահատակուած:

Ատոմ Գնունի և Մանուճի՛ր Ռչտունի իրենց գունդերով՝ Պարսից բանակին հետ օտարներու դէմ կը կռուէին: Պատերազմէն վերջ Յազկերտ այս քաջ զօրավարները իր քով կանչեց և կրակապաշտ ընել ուղեց: Բայց Ատոմեանք արքային միտքը իմանալով Անձեւեանց երկիրը ապաստանեցան:

Յազկերտ երբ անոնց լիախուստը լսեց բանակ մը զրկեց որպէսզի զանոնք կամ դարձի բերեն և կամ սպանեն:

Ատոմ և Ռչտունի զօրավարները՝ իրենց գունդերով նահատակուեցան 449 ին:

ՂԵՒՈՆԴԵԱՆՔ.— Վարդանունց պատերազմէն վերջ պարսիկները քաղաքականութիւնն ին լիախուստ էին Ատորմիզդ պարսիկը Հայաստան զրկելով:

Ատորմիզդ թէպէտ եկեղեցիները բանալ տուաւ և կրօնական հալածանքը դադարեցուց, սակայն Վարդանունց պատերազմի պարագլուխները չմոռցաւ, որոնք ձերբակալելով Տիզրոն զրկեց:

Այդ ձերբակալուածները թիւով ինը կրօնականներ էին, որոնցմէ երեքը եպիսկոպոս, մէկը կաթողիկոս, երկուքը սարկաւազ և չորսը քահանաներ էին:

Յազկերտ իր Քուչանաց դէմ մղած պատերազմին անյաջողութիւնը այս եպիսկոպոսներուն ողջ մնալուն վերագրելով՝ հրամայեց չորսարանքով սպանել զանոնք: Աքսորեալները սակայն մեծ քաջութեամբ կը դիմադրաւն ամէն տեսակ տանջանքները:

Ասոնք 454, Յուլիս 25 ին, Պարսկաստանի Ռիւան,

անձանօթ գիւղին մէջ կը նահատակուին: Ասոնց նըշխարները՝ խուժիկ անուշով գաղտնի քրիստոնէութեան դարձած պարսիկը կը հաւաքէ և Հայաստան բերելով հայերուն մէջ կը ցրուէ:

Ասոնց տօնը Ղեւոնդեանց անուշով ծանօթ է պատմութեան մէջ: Թէպէտ ասոնց մէջ էին Ս. Յովսէփ կաթողիկոսը, երկու եպիսկոպոսներ և երկու սարկաւազներ:

Այս տօնը կը տօնենք բարեկենդանի Գ. օրը:

Երգեմք ձեզ երգս զհրեցակալական զձայնրս, յաւեժս եւ վայելուչս, մտերիմս եւ ներբողեանս. ով սուրբ Ղեւոնդեանք:

Առաւել պարծիմք ձեօք սուրբ հօսապետք Բրիսուսի, յօրինեալք եւ յարդարեալք սահաբ սուրբ, մաքրեալք օրեվանք սերութեան երկնաւոր քաղաւորին. ով սուրբ Ղեւոնդեանք:

Իսկ ի հեղմանե արեան ձերոյ հոս անոյց բուրեաց ի յերկինս, եւ հոսոսեցաւ Տեր ի հոս անուշեց ընդ կամաւոր պատարագս ձեր. ով սուրբ Ղեւոնդեանք:

Որք համբարձայք ի կանառս սերովբից եւ ի դասս քերովբից. բարեխօսեցեք առ Տեր վասն անձանց մերոց. ով սուրբ Ղեւոնդեանք:

ՎԱՐԴԱՆԱՆՑ ՊԱՏԵՐԱԶՄԸ ԵՒ ՀԱԶԱՐ ԵՐԵՍՈՒՆԸ
ՎԵՑ ՎԿՍՆԵՐԸ.— Պարսիկները հայոց մասին երկու
մտադրութիւն ունէին, նախ անոնց քաղաքական
կեանքին վերջ տալ, երկրորդ զանոնք ստիպել որ-
պէսզի քրիստոնէութիւնը թողուն և իրենց հաւատքին
դառնան: Այս երկու նպատակներուն իրագործման հա-
մար ալ ժամանակը յարմար էր, որովհետեւ Յունաց
Թէոդոս Բ. կայսրը պարտուած ըլլալով չպիտի կրնար
քրիստոնեայ հայերուն օգնութեան հասնիլ:

Մրազրին առաջին մասը իրագործած էին Հայոց
Արտաշէս Թագաւորը գահընկեց ընելով, կը մնար երկ-
րորդ մասը: Ասոր համար ալ հայ նախարարները Տիգ-
րան հրաւիրեցին Հոնաց դէմ կռուելու համար: Նախա-
րարները եօթը երկար տարիներ հայրենիքէն հեռու
պատերազմին զայտը մնացին: Այս տարիներու ընթաց-
քին Յազկերտ միշտ աշխատեցաւ հայ նախարարներուն
իւր կրօնքը՝ կրոնապաշտութիւնը, ընդունել տալ: Միւս
կողմէ Դենշապուհ իշխանը Հայաստան զրկեց որպէսզի
հայ ժողովուրդը կրակապաշտ ընէ:

Հայ նախարարները տեսնելով որ երկրէն հեռու
մնալը թէ՛ իրենց և թէ՛ հայրենիքին վտանգաւոր է, ո-
րոշեցին առերես ուրանալ քրիստոնէութիւնը:

Թագաւորը մեծ ուրախութեամբ ընդունեց այս ո-
րոշումը: Մեծամեծ նուէրներով պատուեց զանոնք և
գունդ մը պարսիկ զօրքերու և 700 մոգերու ընկե-
րակցութեամբ Հայաստան վերադարձուց:

Հայ կղերը ազգին ու եկեղեցիին սպառնացող վը-
տանգը տեսնելով Շահապիպանի մէջ ժողով մը գումա-
րեց նախարարներու ներկայութեան, ուր Սաչի և Ա-
ւետարանի վրայ ամէնքը երգում ըրին մոգերը երկրէն
դուրս վանել:

Պարսիկները այս շարժումը պատրուակ բռնելով
մեծ ուժով յարձակեցան Հայաստանի վրայ:



Քաջն Վարդան՝ 66,000 զինուորներով Արտազու-
գաւառին Աւարայր գիւղը՝ Տղմուտ գետին եղերքը,
դիմաւորեց Պարսիկ բանակը:

Բանակին հետ էին Յովսէփ Հողոցմեցի կաթողի-
կոսը և Ղեւոնդ երէցը, որոնք իրենց կրօնաշունչ խոս-
քերով զօրքը կը քաջալերէին:

Վճռական ճակատամարտը տեղի ունեցաւ 451 Յու-
լիս 2ին: Կռիւը բուն եղաւ բայց շատ քիչ տևեց:
Քաջն Վարդան Մամիկոնեան հերոսական կռիւէ մը
վերջ իր սուրբ արիւնովը ներկեց Աւարայրը: Այդ օրը
ինկան նաեւ 1036 մարտիրոսներ:

Հայերը թէպէտ յաղթուեցան այս կռուին մէջ
բայց բարոյապէս յաղթող հանդիսացան, որովհետեւ

պարսիկները այլեւս բացէ ի բաց չհամարձակեցան Հայոց կրօնքին դպչիլ և ոչ ալ կրակապաշտութիւնը կրկին տարածելու փորձեր ընել:

Վարդանի և իրեն հետ նահատակուող ընկերներուն արիւնը հայ եկեղեցին մեծ փորձանքէ մը ազատած էր: Ասոր համար ամէն տարի՝ բարեկենդանի Նշօրը, հայ եկեղեցին հանդիսաւորապէս կը տօնէ այս պաշտելի սուրբերուն յիշատակը:

Նորահրաւ պրսակաւոր եւ զօրագլուխ առաքինեաց, վառեցար զինու հոգւոյն արիաբար ընդդէմ մահու. Վարդան քաջ նահասակ որ վանեցեր ըզբեմամին. վարդազոյն արեամբբդ քով պրսակեցեր զեկեղեցի:

Երկնաւոր քազաւորին զինու յաղթեալ պատերազմին, խոհական իմասուրթեամբ խոհեմացեալ աննառապես, խորէն խորհրդական եւ ծանուցեալ անուն բարի, խաչելոյն վկայ եղեալ հեղմամբ արեան պրսակեցաւ:

Իննական լուսով լցեալ արիացեալըն քաջն Արսակ, քաթաւեալ ի կարմրութիւն բոսորային բղխեալ աղբիւրն, զփրկականն ըմպեալ զբաժակ եւ մրկրթեալ արեամբն իւրով, դասակցեալ ընդ անմարմնոցն Երրորդութեան երգել ըզփառս:

ՏԵՍՈՆԸՆԴՍՌԱԶ. — Իսրայելացիները մանուկը ծնելէ քառասուն օր ետքը Երուսաղէմի տաճարը կը տանէին և Տիրոջը կը ներկայացնէին: Այդ առթիւ երկու զոհեր կը մատուցանէին, առաջինը ծնողքն էր էր որ կ'ընէր սրբուելու համար, իսկ երկրորդը՝ մանուկը տաճարին՝ Աստուծոյ ծառայութեան յանձնելն էր: Այս վերջին ձեւը փոխուեցաւ երբ Ղեւի ցեղը ամբողջութեամբ տաճարի ծառայութեան հրաւիրուեցաւ: Այս անգամ ծնողքը պարտաւոր էր իր անդրանիկ զաւակը տաճարէն ետ առնելու համար նուէր մը ընելու: Հարուստները արջառ՝ իսկ աղքատները զոյգ մը սաստրակ կուտային իբր փրկանք:

Քրիստոսի ծնողքը այդ երկու օրէնքները լրացնելու համար էր որ Յիսուս մանուկը տաճար բերին:

Այդ օրերուն Երուսաղէմի տաճարին մէջ Սիմէոն անունով ծերունի և արդար քահանայ մը կ'սպրէր: Ս. Հոգին յայտնած էր այս բարեպաշտ ծերունիին որ մինչեւ աշխարհի փրկիչը չտեսնէ չպիտի մեռնի: Երբ մանուկը տաճար բերին, Սիմէոն Ս. Հոգիով լեցուած ընդառաջ գնաց Յիսուս Մանուկին, Զայն իր գիրկը առնելով փառք տուաւ Աստուծոյ և ըսաւ. «Տէր, հիմա խօսքիդ համաձայն խաղաղութեամբ արձակէ ծառայ, որովհետեւ աչքերս տեսան Իսրայելի փրկիչը զոր ժողովուրդին համար պատրաստեցիր»: Յետոյ մօրը դառնալով ըսաւ. «Այս Տղուն պատճառով սիրտդ վիշտի սուրէն պիտի խոցուի»:

Հոն կար նաեւ Աննա անունով մարգարէուհի մը: Ասիկա եւս ներկայ ըլլալով արարողութեան, իր տեսածն ու լսածը ամէնուն պատմեց Աստուծոյ փառաբանելով:

Այս տօնը Տեառնընդառաջ կը կոչուի և իբր անշարժ տօն Փետր. 14ին կը կատարուի:

Տեառնընդառաջը մեր մէջ Միհր Աստուծոյն նուիր-

ուած տօնին տեղը բռնած է: Այդ օրը կրակ կը վառեն
և շատեր պար կը բռնեն:

Տեառնընդառաջին բոլոր նորածինները եկեղեցի
կը տարուին:

Մարմնացեալդ ի կուսեն նախայալիսեան
բանդ, այսօր ի սանարն եկիր կասարել զօ-
րենս, վասն փրկութեան հեթանոսաց:

Որ յանարուեստ արքա նրսիս բարեբան-
եալդ ի հեռակաց այսօր ի Սիմեոնի բառ-
նալով, ի զիրկս, որ ընծայեսցես ըզմեզ ի
կեանսրդ յալիսեանից:

Որ արձակիչդ ես կապելոց պարգեւատու
ամենեցուն . այսօր հայցմամբ ձերունդոյն
արձակեա եւ զիս զբազմամեղս ի կապա-
նաց մահու ի կեանսրդ յալիսեանից:

ԲՈՒՆ ԲԱՐԵԿԵՆԴԱՆ.— Բարեկենդան կը կոչուին
չաբաթապահքերը յառաջող վերջին ուտիք օրերը:
Բարեկենդան բառը «բարի» և «կենդանութիւն» բա-
ռերէն կազմուած է ինչ որ կ'երեւի թէ կերակուրնե-
րու ճոխութենէն առնուած է:

Պարզ բարեկենդաններն են Առաջաւորաց, Եղիա-
կան, Լուսաւորչի, Վարդավառի, Ստոռածածնայ, Ուաչ-
վերացի, Վարագայ խաչի, Յիանակաց, Ս. Յակոբայ և
Ծնունդի բարեկենդանները, ընդամէնը տասը: Ասոնց
ամէնքն ալ կիրակի օրեր կը հանդիպին, բացի Ծնունդի
բարեկենդանէն որ շաբթուան մէջ ալ կը հանդիպի:

Բուն բարեկենդանը Մեծ Պահքը կանխող վերջին

ուտիքի կիրակին է: Եօթը չաբաթ կամ քառասուն
ութը օր շարունակաբար պահք է: Զատիկը շարժական
տօն ըլլալով բարեկենդանն ալ Փետր, մէկէն մինչեւ
Մարտ եօթը՝ 35 օր ետ և առաջ կ'երթայ:

Բուն բարեկենդանին նոյնիսկ վանքերու մէջ ապ-
րողներն ալ իրենց խստակեցութիւնը կը թողուն՝ ա-
բեղաթող ընելով:

Մեծ Պահքի առաջին կիրակին մեր նախահայրե-
րուն դրախտի երջանիկ կեանքին յիշատակութիւնն է:

Բակլախորան անունը կը տրուի մեծ պահոց ա-
ռաջին երկուշաբթիին: Վանքերու մէջ՝ կիրակի իրիկ-
ուան վերջին ընթրիքէն յետոյ, հանդիսաւորապէս
բակլայ կը պարպեն կաթսայի մը մէջ, յաջորդ օրը
դայն իտրովելու և բաժնելու համար:

Մեծ Պահքը կ'սկսի բուն բարեկենդանի Բչ. օրէն
և կը տեւէ մինչեւ Աւագ Ծբ.՝ 48 օր շարունակաբար:
Մեծ Պահքին աղուհաց ալ կ'ըսեն:

Այս պահքին քառասուն օրը բուն քառասնորդա-
կան մեծ պահքն է. այդ օրերուն բացի չաբաթ և կի-
րակի օրերէն ծոմ ալ պէտք է պահուի: Ծաբաթ օրերը
սրբոց տօն ալ կը կատարուի:

Երբ մեծ պահոց մէջ Տեառնընդառաջի, Աւետումի
և Ս. Գրիգոր Լուսաւորչի Մուան ի վիրապն տօները
հանդիպին, վարագոյրը կը բացուի և բաց պատարագ
կը մատուցուի:

Մեծ Պահքի յատկանիչներն են վարագոյրը փակ
պահել, Արեւադալի, ձաշու և Ուաղաղականի յատուկ
երգերն ու ժամերգութիւնները:

Միջինի.— Այս անունը կը տրուի Մեծ Պահքի
կէսին՝ որ տօնական նշանակութիւն մը չունի: Միջին-
քը կը հանդիպի չորրորդ չորեքշաբթիին կամ մեծ
պահոց 24 օրը: Միջինքէն սկսեալ՝ Ուաղաղականի մէջ
Ստեղի շարականներ կ'երգուին:

ԾԱՂԿԱԶԱՐԴ.— Զատիկէն շարաթ մը առաջ կատարուող տօնը Ծաղկազարդ կը կոչուի որ յիշատակ է Յիսուսի հանդիսաւորապէս Երուսաղէմ մտնելուն։ Աւետարանին մէջ ծաղիկի յիշատակութիւն չկայ, կ'երեւի թէ իր անունը հայկական հին հեթանոսական շրջանէն մնացած տօնի մը անունն է որ քրիստոնէութեան անցած է ինչպէս Վարդավառը։



ԱԻԱԳ ՇԱՅԱԹ.— Ծաղկազարդէն մինչեւ Զատիկ եղող եօթը օրերը Աւագ օրեր կը կոչուին։ Աւագ Բշը թգենին անիծելուն և տաճարը մաքրելուն, Գշ՝ հրէից հարցումներուն և Քրիստոսի բացատրութեանց և Փարիսեցիներու յանդիմանութեան օրերն են։ Եկեղեցին կը յիշատակէ նաեւ Տասը Կոյսերու առակը, Ջրհեղեղը և մարդոց կրկին սկզբնաւորութիւնը, Դշ՝ օրը՝ կը յիշատակուի Յուդայի մատնութիւնը, Եշ՝ վերջին ընթրիքը, ոտնուայն և հաղորդութեան խորհուրդին հաստատութիւնը, Ուր՝ Քրիստոսի ձերբակալութիւնը, դատապարտուելը, խաչելութիւնը, մահն ու թաղումը, Շբ՝ դարձեալ թաղումը և երեկոյին՝ Քրիստոսի Յարութիւնը։

ՆԱԻԱԿԱՏԻՔ.— Բառական իմաստով «նոր շինել», նոր կերտել կը նշանակէ։ Ընդհանուր սովորութիւն է որ նոր շինուած եկեղեցիի մը բացումը հանդիսաւորապէս կատարուի. այս հանդէսը նաւակատիք կը կոչուի։

Մեր եկեղեցին նաւակատիքները մեծ տօներու

նախընթաց օրերը կը յիշատակէ։ Այդ օրերուն պահքերն ալ մասամբ կը լուծուին։

ՔԱՌԱՍՈՒՆ ՄԱՆՈՒԿՆԵՐ.— Փոքր Հայքի կայսերական գունդի զինուորներէն էին։ Կեսարիոյ Լիւսիոս դուքսը հրաման կը ստանայ բանակի քրիստոնէականները հալածելու, ուստի կը հրամայէ դատել քառասուն մանուկները։

Այս քաջարի զինուորները իրենց հաւատքին վրայ հաստատուն կը մնան և բանա կ'առաջնորդուին։ Լիւսիոս եւս փորձելով անոնց հաւատքը կը հրամայէ քարկոծել զանոնք։ Բայց ամբողջ շփոթած, քարերը իրարու կը նետէր։ Դուքսը եւս կը փորձէ բայց իր քարը դատաւորին կը հանդիպի։

Կրկին քննութենէ մը վերջ Լիւսիոս հրամայեց երկու երկու կապել զանոնք և Սեբաստիոյ լիճը նետել։ Եզանակը ցուրտ ըլլալուն լիճը սառած էր։ Ասոնցմէ մէկը ցուրտին չզիմացաւ փախչելով բողբոջի մը մէջ ապաստանեցաւ։ Կէս զիշերին լճին վրայ լոյս մը ծագեցաւ և ամէնուն գլխուն վերեւ լուսեղէն պսակներ երեւցան։ Պահապաններէն մէկը որ տեսած էր այս հրաշալի երեւոյթը լիճը նետուեցաւ սուրբերուն պսակակից ըլլալու համար։

Յաջորդ օրը անոնց անկենդան մարմինները լիճէն հանեցին և սրունքները խորտակեցին։ Յետոյ սույլերու մէջ լեցնելով մօտակայ գետեզրը տարին ուր այրեցին և սճիւնները ջուրը նետեցին։

Տեղւոյն եպիսկոպոսը անոնց նշխարներէն մաս մը ժողվելով հանդիսաւորապէս թաղեց 316ին։ Այս տօնը կը հանդիպի մեծ պահոց Իէ օրը։

Ս. ՍՍՐԳԻՍ.— Կոստանդիանոսի օրով Կապադովկիոյ մէջ նշանաւոր եղաւ իր քաջագործութիւններու

վը. իբր վարձատրութիւն կայսրէն զօրովարութեան տիրոջս ալ ստացաւ: Այդ օրէն սկսեալ սկսաւ համարձակօրէն քանդել բազիլիսները:

Յուլիանոս Ուրացոյի օրով ստիպուած իր Մարտիրոս զաւկին հետ նախ Հոյաստան և ապա Պարսկաստան ապաստանիլ:

Պարսկաստանի մէջ օր մը տեսնելով որ իր գունդը թշնամիէն կը վախնայ՝ յորդորեց զանոնք որ Յիսուս Բրիստոսի ապաւինին: Զինուորները սիրա առած Մարգիսի խօսքերէն, թշնամիին վրայ յարձակեցան յաղթեցին:


Տիգրան վերագառնալուն Շապուհ հրամայեց կուռքերուն զո՛ն մատուցանել: Իր զաւակը՝ Մարտիրոս, անոնց ոչնչութիւնը ցոյց տալու համար կուռքերէն մէկ քանին տապալեց: Մոգերը կատղած՝ ոտնակոխ ըրին զինքը:

Մարգիս իր զաւկին մահը տեսնելով զոնուակութիւն յայտնեց Աստուծոյ: Բանի մը օր վերջ զինքն ալ գլխատեցին: Իր գունդի զինուորները մարմինը վերցնելով թողեցին: Թագաւորը երբ լսեց զինուորներուն այս արարքը անոնք ալ գլխատել տուաւ 362ին:

Այս տօնը կը կատարենք Առաջաւորաց պահքի Շք. օրը:

Ս. ԳԵՈՐԳ.— Կապաղովկիացի էր, իշխանական տունէ: Գէորգ տեսնելով որ քրիստոնեաները հալածելու համար պատրաստութիւններ կը տեսնեն, կայսերական խորհուրդին կը ներկայանայ և իր քրիստոնեայ ըլլալը կը յայտնէ: Ատենակալներէն մէկը բարկացած ուղեց զեղարդով սպանել զինքը, բայց զէնքը կապարի պէս ծռեցաւ: Ասոր վրայ սկսան զանազան տան-

ջանքներ տալ, բայց ամէն անգամին ալ հրաշքով ազատեցաւ:



պօղոս

Ս. ԳԵՈՐԳ

վերջապէս 303ին գլխատեցին: Այս տօնը կը տօնենք Վարագայ խաչի Շք. օրը:

Ս. ՍՏԵՓԱՆՆՈՍ ՈՒՂՆԵՑԻ.— Ուղնեցի Զէյթունի մօտ՝ Կոկիտոն քաղաքէն պոտանի մըն էր: Իր ուսուցչին՝ Կոստանդին քահանային մահէն վերջ ինք սկսաւ հաւատացեալները առաջնորդել:

Յուլիանոս Կեսարիա եկած ըլլալով, Սոկրատ զատաւորը կը շրկէ որպէսզի այն տեղի քրիստոնեաներն ալ հալածէ:

Ստեփաննոս իր փոքրիկ հօտը առնելով՝ որոնք 33 հոգի էին, կը հեռանայ քաղաքէն: Ճամբան հայրը կը

մեռնի, ստիպուած ժամանակ մը լեռներու մէջ կը պահու-
ուին: Հովիւ մը կը մատնէ զիրենք: Զինուորներէ պա-
շարուելով Փռնուզի մօտ Կանչի բերդը կը տարուին: Ստեփաննոս համարձակօրէն դատաւորին կը ներկայա-
նայ և ամէնուն կողմէ ինք խօսք կ'առնէ: Դատաւորը
իր մայրը և եօթը կոյսերը բանտարկելէ վերջ զանա-
զան տանջանքներով կը նահատակէ զինքը: Յետոյ կոյսերը
ատեան կը կանչէ և կը ստիպէ որ հաւատքնին ուրա-
նան, և երբ կը մերժեն գլխատել կուտայ:

Ասոնց նահատակութիւնը տեղի կ'ունենայ 362 ին: Այդ օրէն իվեր ամբողջ գաւառը Ուլնիա կը կոչուի:

ՅԱԿՈՒՄ ՄԾԲՆԱՅ ՀԱՅՐԱՊԵՏ. — Ըստ ազգային ա-
ւանդութեան Ս. Յակոբ Անակի քրոջ որդին էր: Մծբին
մեծցած ըլլալուն Մծբնացի ալ կը կոչուէր:

Մանածիւնը Ռչտունի իրեն ութը սարկաւազները
գերի տարած էր: Ս. Յակոբ կը խնդրէ որ անոնք ի-
րեն յանձնուին բայց իր խնդրանքը կը մերժուի, ուս-
տի կ'անիծէ Ռչտունեաց երկիրը: Սովն ու համաձարա-
կը տարիներով անպակաս կ'ըլլան անկէ: Այս նեղու-
թիւններէն կ'ազատին այն ատեն երբ Մծբնացիի ձկոյ-
թը Ռչտունեաց երկիրը կը բերուի:

Մծբնացի կը փափաքի նաեւ Նոյի տապանը Արա-
րատի գագաթէն իջեցնել բայց չի յաջողիր:

Պաշտպան սուրբ մը կը նկատուի մինչեւ այսօր
համաձարակ հիւանդութիւններու դէմ:

Այս ատեն կը տօնենք Յիսնակաց Դ. Կիրակիի Շք-
օրը:

Ժ.

Հայ Եկեղեցոյ Նշանաւոր Վարդապետներ

Ս. ՄԵՍՐՈՊ

Ս. Սահակ անբաժան գործակից մը ունէր յանձին
Ս. Մեսրոպի: Ս. Մեսրոպ բնիկ Տարօնի Հացեկաց գիւ-



Ս. Սահակ եւ Ս. Մեսրոպ

ղէն էր: Մանկութեանը սորված էր Յունարէն, Ասոր-
բերէն և Պարսկերէն: Աշակերտած էր նաեւ Մեծն Ներ-
սէսի: Ժամանակ մը հայոց արքունիքին մէջ քարտու-
ղարի պաշտօն ալ վարած է: Բայց իր մէջ կրօնական
կոչում՝ զգալով կը թողու զինուորական պաշտօնը և
կրօնական կարգ կ'ստանայ: Ս. Մեսրոպ առաջին օրէն

իսկ աշակերտներ ժողովելով կ'սկսի ուսուցանել և քարոզել:

Ս. Մեսրոպ թէ՛ ընթերցող և թէ թարգմանիչ ըլլալով միանգամայն՝ մեծ դժուարութիւններու կը բաղխի, որովհետեւ օտար լեզուով կարդացուած Ս. Գիրքը անհասկնալի ըլլալով ժողովուրդին, ստիպուած էր նախ կարդալ զայն և սպա թարգմանել, ինչ որ ձանձրութի և ուժացումի տեղի կուտար:

Այս դժուարութիւնները հայ գրեր գտնելու հնարաւորութեան մասին խորհիլ տուին իրեն: Երկար մտածելէ վերջ այս ուղղութեամբ՝ վերջապէս Ս. Սահակին յայտնեց իր միտքը: Ս. Սահակ՝ Ս. Մեսրոպի այգալիսի դժուարին գործի մը լծուելու պատրաստուկամութիւնը տեսնելով, ինքն ալ կ'ոգեւորի և ինչդիրը Վառձապուն թագաւորին կը պարզէ:

Վառձապուն այս ձեռնարկին մեծութիւնն ու օգտակարութիւնը զգալով, իր կարգին ինքն ալ հարկ եղած նիւթական ու բարոյական աջակցութիւնը կը բերէ:

Ս. Մեսրոպ գանազան վայրեր՝ շատ մը գիտնականներու դիմելէ ետք յոգնաբեկ իր յոյսը Աստուծոյ վրայ կը դնէ: Օր մը երբ այս խորհուրդով առգորուած կ'աղօթէր տեսիլք մը ունեցաւ: «Աջ» մը իր փափաքած գրերը լուսեղէն տառերով իրեն կը յայտնէր քարէ տախտակի մը վրայ:

Ս. Մեսրոպ այս գրերով՝ իբր փորձ, «Առակաց» գիրքը կը թարգմանէ: Ասկէ վերջ՝ իր յոյսերուն պըսակումը տեսնելով, մեծ խնդութեամբ Հայաստան կը դառնայ:

Ս. Սահակ և Ս. Մեսրոպ անմիջապէս աշակերտներ ժողովելով կ'սկսին մէկ կողմէ գրերը սորվեցնել անոնց, իսկ միւս կողմէ Ս. Գիրքը թարգմանել:

Այս առթիւ կը բացուին շատ մը դպրոցներ: Ասոնց մէջ առաջին տեղը կը գրաւէր Վաղարշապատի


դպրոցը ուր կրթուեցան մեր առաջին թարգմանիչները և որոնք անմիջական գործակիցները եղան սուրբերուն: Յետոյ՝ իրենց կարգին, իբր ուսուցիչներ շրջուեցան զանազան վայրեր հոն իրենց վարդապետներէն սորվածները աւանդելու համար: Յիշենք ասոնցմէ գլխաւորները: Յովսէփ Վայոց Ձորէն, Աւետիգ Երէց, Եզնիկ Կողբացի, Կորիւն եւն: Ասոնցմէ զատ կազմուեցաւ նաեւ կրտսեր աշակերտներու խումբ մը որոնք են. Եղիշէ, Սորենացի, Փարպեցի և այլն: Որոնք իրենց ուսումը Անտիոքի, Աղեքսանդրիոյ և Կ. Պոլսոյ մէջ կատարելագործելէ վերջ Հայաստան վերադարձան և իրենց ուսուցիչներուն գործը աւելի ընդարձակել ջանացին:

Աստուածաշունչի և եկեղեցական գրքերու թարգմանութենէն վերջ ժամասացութիւնը հայերէն լեզուով կատարուելի սկսաւ: Այս եղաւ գլխաւոր պատճառը որպէսզի հայ ժողովուրդը չուտով ընտելանայ քրիստոնէութեան և հայ եկեղեցին ալ իր ազգային նկարագիրը ստանայ:

Երկրորդ պարագան՝ փոխանակ ստորի կամ յոյն կրօնականներ պաշտօնավարելու հայ եկեղեցիին մէջ՝ սուրբերուն շունչովը հասակ առած աշակերտներն են որ կրօնական կարգ կ'ստանային: Ասոնք սուրբերուն բարեփոխած ժամասացութիւնը և յօրինած շարականները կը գործածէին:

Ս. Սահակ և Ս. Մեսրոպ որոշեցին նաեւ թէ տարուան զանազան ամիսներուն մէջ ինչ սօներ և անոնց համար ինչ աղօթքներ ու շարականներ պիտի երգուին:

ՀԱՐՑՈՒՄՆԵՐ. — Ով է Ս. Մեսրոպ: Նախապէս ի՞նչ պաշտօններ վարած է: Ինչո՞ւ կրօնաւոր եղաւ: Քարոզելու ատեն ի՞նչ դժուարութիւններու հանդիպեցաւ: Այս դժուարութիւն ի՞նչ բանի մասին մտածել տուին: Որո՞նք եղան իր գործակիցները: Բանի մասին մտածել տուին: Որո՞նք եղան իր գործակիցները: Ի՞նչպէս Գրքը գտնելու համար ո՞ր երկիրները պտտեցաւ: Ի՞նչպէս գտաւ գիրքը: Գրի գիւտէն վերջ Ս. Սահակ եւ Ս. Մեսրոպ ի՞նչեր ըրին: Այս գիւտը ի՞նչ օգտակարութիւն ունեցաւ.



Ս. ԳՐԻԳՈՐ ՆԱՐԵԿԱՑԻ

Խոսքով Անձեւացի եպիսկոպոսին որդին էր: Ծնած է 951ին: Աշակերտած է Նարեկաց վանքին վանահայր՝ Անանիա վարդապետին:

Ս. Գրիգոր իր սրբակրօն կեանքով մեծ համբաւ ստացած էր: Բայց այս համբաւը շատ շուտ իրեն դէմ կը հանէ տգէտներն ու ինքնահաւանները: Նարեկացի սակայն անայլայլ կը շարունակէ իր կեանքը, ինքզինքը տալով ներանձնական կեանքի:

Կը մեռնի 60 տարեկան հասակին մէջ և կը թաղուի իր ուսած և ապրած վանքին մէջ:

Վասպուրականի Սենեքերիմ թագաւորը երբ 1016

ին իր երկիրը Սեբաստիոյ հետ փոխանակելով հոն հաստատուելու կը մեկնէր, Նարեկաց վանքին վանականներէն շատերը իրեն ընկերացան: Չմոռցան իրենց հետ տանիլ նաեւ Ս. Գրիգորի նշխարները՝ զոր ամփոփեցին Ակնի մօտ իրենց կառուցած վանքին մէջ:

Նարեկացիի գլխաւոր երկասիրութիւններն են. Ապարանից Խաչիմ Պատմութիւնը, Ներքող մը Ս. Կոյսին նուիրուած, ձառեր և ուրիշ երկեր: Բայց այս ամէնուն մէջ ամենէն աւելի սիրուածն ու փնտռուածն է Նարեկ անունով ծանօթ աղօթագիրքը որ կը կոչուի նաեւ ողբերգութիւն:

Հայ եկեղեցին կրնայ պարծիլ յանձին Նարեկացիի քրիստոնէութեան հզօր երգիչ մը տուած ըլլալու փառքով:

Ս. ՆԵՐՍԷՍ ԼԱՄԲՐՈՆԱՑԻ

Ծնած է 1154ին բարեպաշտ և ազնուական ծնողքէ մը: Հայրը՝ Օշին, Լամբրոն բերդին իշխանն էր: Իսկ մայրը՝ Ծահանդուխա, Ներսէս Ծնորհալիի եղբոր աղջիկն էր: Ասոնք ուխտ ըրած էին որ եթէ արու զուլակ մը ունենան Աստուծոյ պիտի նուիրեն: Աստուած լսեց իրենց խնդրանքը և մօնչ զաւակ մը պարգեւեց, որուն անունը Սմբատ դրին:

Սմբատ իր մոնկութեանը ամէնուն ուշադրութիւնը գրուած էր իր աշխատութեամբն ու յառաջդիմութեամբը: Ան ինքզինքը ուսման տուած էր:

Իրեն շատ մը մեծամեծ խոստումներ եղան բայց սն ամէնն ալ մերժեց և Սկեւոյ վանքը քաշուեցաւ: Հօն աստուածային գիտութեան հետ քիչ ժամանակի մը մէջ յունարէն և լատինարէն լեզուներն ալ սորվեցաւ:



Ս. Ներսէս Լամբրոնացի

Հակառակ հօրը կտակին՝ որ զինքը Սկեւոսյ վանքին վանահայր կը կարգէր, Ներսէս Շնորհալիի ստիպումին վրայ է որ իր տամբեօթը տարեկան հասակին մէջ քահանայ կը ձեռնադրուի:

Լամբրոնացի քսանը երեք տարեկանին Տարսոն քաղաքին վրայ եպիսկոպոս կը ձեռնադրուի: Այսպէս իր համբաւին հետ հեռզհեռէ իր գիրքն ալ կը բարձրանայ: Բայց իր հակառակորդներն ալ կը շատնան որոնք իր եռանդին մէջ ազգային եկեղեցիին անկումը՝ և իրաւունքներուն բռնարարումը կը տեսնէին: Բայց Ներսէս բնա՛ւ չվախցաւ, Լեւոն թագաւորին ուղղուած գեղեցիկ գրուած թիւնով մը ինքզինքը կ'արդարացնէ:

Լամբրոնացի քառասունը վեց տարեկանին վախճանեցաւ:

Ան իր տամբեօթը տարեկան հասակէն սկսեալ մինչեւ իր մահը շարունակ գրեց:

Իր երկասիրութիւններն են. Ասեմաբանութիւն մը, Մեկնութիւն Պատարագի մը որուն մէջ գեղեցիկ կերպով կը մեկնէ պատարագին խորհուրդը: Զգած է նաեւ ճառեր և ուրիշ գրութիւններ:

Իր ժամանակակիցները այսպէս կը գրեն իր մասին. «Ան մինչեւ մոմերուն հատնիլը կը գրէր և յետոյ կեցած տեղը քիչ մը կը քննար, և ապա ընդօստ արթննալով եկեղեցի կ'երթար»:

ՄԵԿՆՈՒԹԻՒՆ Ս. ՊԱՏԱՐԱԳԻ
ՔԱՂՈՒԱԾ Ս. Ն. ԼԱՄԲՐՈՆԱՅԻՆ

Պատարագով մենք կը հաւատանք թէ բոլոր անոնք՝ որոնք Աստուծոյ կը հաւատան, այնպիսիներուն համար Քրիստոս միշտ բարեխօս է:

Եւ որովհետեւ քրիստոնեաներս կ'ընդունինք թէ մարդս իր ազար բնութեամբ միշտ մեղանշական է, անոր համար հացն ու գինին սեղանին վրայ կը դնենք՝ իբր միջնորդ, որպէսզի երբ զայն ուտենք կամ ըմպենք միշտ Տիրոջ մահը յիշենք որով զմեզ Հօր Աստուծոյ հետ հաշտեցուց:

Կը հաւատանք նաեւ թէ, Աստուած պիտի յիշէ իր Միածին Որդւոյն մահը և Սուրբ Հոգին պիտի զրկէ որպէսզի անոնք որ Ս. Հաղորդութեան կը մօտենան մաքրէ, ինչպէս աւետարանիչն ալ ըսած է. «Քրիստոսի տրիւնը մեր բոլոր մեղքերէն պիտի մաքրէ զմեզ»:

Ինչո՞ւ կը զգեսաւորուի պատարագիչ փահանան

Ինչպէս որ որեւէ իշխան մը չի կրնար թագաւորին ներկայանալ առանց պատշաճ զգեստի, այնպէս ալ քահանան՝ իբր հոգեւոր իշխան մը, պէտք է որ Հօր

Աստուծոյ ներկայանայ ներկայանալի զգեստով մը՝ Սա տարբերութեամբ որ քահանային զգեստին արտաքին շքեղ երեւոյթը պէտք է ներքին՝ մաքուր հոգիին պատկերը ըլլայ, եթէ ոչ պատարագը դատապարտութիւն մը կ'ըլլայ իրեն համար։

Ս. Խորհուրդը Սեղան գալի առաջ ինչո՞ւ պատարագիչ քահանան իր զգեստներէն մաս մը կը հանէ

Պատարագիչ քահանան իր զգեստներով, նախ Քրիստոսը կը խորհրդանշէ։ Բայց երբ Քրիստոսի արիւնն ու մարմինը Սեղան կը բերուի ինք անոր սպասաւորը կը դառնայ։ Ատոր համար է որ նախ քան խորհուրդին գալը՝ կը մերկանայ իր զարդերէն։

Մինչեւ այդ խորհրդաւոր պահը քահանան իր աղօթքները Որդիին կ'ուղղէ. Ս. Խորհուրդին գալէն վերջ Հօր Աստուծոյ կ'ուղղէ զանոնք։

Հին Ուխտին մէջ ալ Աստուած կը հրամայէ Ահարոնին խորանին առջեւ պնդնաւոր զգեստ հագուել, իսկ երբ սրբութիւն սրբոցը մտնէ՝ հանէ իր զգեստները և պարզ մաքուր կտաւէ զգեստ մը հագուի։

Ինչո՞ւ Սարկաւագը զգրուցն զգրուցն կ'երգէ

Մենք եկեղեցիին մէջ համակամ խորհուրդ մը կատարելու համար հաւաքուած ենք։ Հետեւաբար անոնք՝ որոնք մեր միութեան մաս չեն կազմեր, այնպիսիները պէտք չէ Ս. Խորհուրդին մասնակցին։

Դուռ բառը հոս փոխաբերաբար գործածուած է։ Այստեղ սարկաւագը ըսել կ'ուզէ մեզ, զգոյշ եղէք ձեր մարմնի դռներէն, այսինքն աչքերէն, ակոնջներէն, բերանէն և շօշափելիքներէն. անոնք զգուշութեամբ և ամուր գոցեցէք որպէսզի չար խորհուրդներ ներս չմտնեն և ձեր միտքը չխանդարեն և դուք իմանալի խորհուրդէն չզրկուիք։

Ինչո՞ւ մի ոք յերախայից կ'երգէ Սարկաւագը

Առաքելական շրջանին երախաներ չկային քրիստոնէութեան մէջ, վերջէն է որ շատցան։ Այսպիսիներուն համար Բարսեղ և Գրիգոր աստուածաբան հայրապետները ինչպէս նաև Դիոնիսիոս հայրապետը սովորութիւն մը հաստատեցին ըստ որում՝ անոնք որոնք դեռ երախայ կամ թերահաւատ են, այնպիսիները սարկաւագը դուրսից ժողովէ նախ քան Ս. Խորհուրդին Սեղան գալը, որպէսզի հոն ամենան իրենց անարժանութեանը համար։

Ինչո՞ւ ողջոյն կուսանի

Եկեղեցական արտաքին բոլոր ձեւակերպութիւնները ներքին՝ հոգեւոր իմաստ մը ունին։ Ողջոյն տալով ցոյց կուտանք թէ մենք եւս վերնատան մէջ Ս. Հոգին ստացողներուն պէս մէկ սիրտ և մէկ հոգի ենք և միաբան և սիրով կը հետեւինք Ս. Խորհուրդին։

Ինչո՞ւ քահանան պատարագէն վերջ դարձեալ եմիփորոն եւ այլ զարդեր կ'առնէ իր վրայ

Քահանան պատարագի միջոցին Փրկչին երկրի վրայ անցուցած կեանքը պատկերացուց իր պատարագովը, նախ իբր քահանայապետ և ապա սպասաւոր Ս. Խորհուրդին։ Պատարագէն վերջ ան դարձեալ իր ըզգեստները կը հագնի մեզ յիշեցնելու համար թէ Քրիստոս երկրորդ անգամ աշխարհ պիտի գայ։

Քահանան ժողովուրդին խնդրանքները Աստուծոյ ներկայացնելէ վերջ Աստուծոյ քովէն կը մեկնի Անոր օրհնութիւնները ժողովուրդին տալու համար։

ՅՈՎՀԱՆՆԷՍ ՈՐՈՏՆԵՑԻ

ԺԴ. դարուն մէջ, Երնջակ գաւառին Ապրակունեաց վանքին մէջ Յովհաննէս Որոտնեցի անուշով վարդապետ մը կ'ապրէր որ Կախիկ ալ կը կոչուէր: Որոտն կը կոչուի սրովհետեւ Որոտն գաւառի Վաղանգն գիւղէն էր:

Իւանէ կոչուած իշխանին որդին էր, բայց իշխանութիւնը արհամարհելով Տաթեւի վանքը առանձնացաւ Որովհետեւ Եսայի Նշեցիին համբաւուոր աշակերտներէն էր, շատերը իրեն աշակերտելու եկան:

Որոտնեցի խոհական վարդապետ մը եղած է: Աշխատած է միաբանասէրներու անստնձ եռանդը չափաւորել:

Այս ուսումնասէր և ջանասէր վարդապետին երկասիրութիւններն են. Յովհաննու Աւետարանին և Պօղոս առաքեալի 14 թուղթերուն համառօտ մեկնութիւնները և քանի մը քարոզներ:

Մեծօրոցին այսպէս կը գրէ իր մասին. «Շատ իմաստուն վարդապետ մըն էր, Հին և Նոր Կտակարաններուն քոջ ծանօթ: Ազգին լուսամիտ վարդապետներ և քահանաներ առաւ:

ԳՐԻԳՈՐ ՏԱԹԵՒԱՑԻ

Որոտնեցիի մահէն վերջ իր տեղը կ'անցնի Գրիգոր Տաթեւացի: Ծնած է 1310ին Վայոց Ձորին մէջ: Տաթեւացի կոչուած է իր ուսումը Տաթեւի վանքը առած ըլլալուն համար:

Եղած է Ապրակունեաց վանքին վանահայր և միեւնոյն ատեն վարած է վարդապետ-ուսուցիչի պաշտօնը Տաթեւի վանքին մէջ:

Ինքն եւս միաբանասէրներու հետ վէճի բռնուած է: Տաթեւացի ազգին ընծայած է երեք հարիւր աշակերտներ:

Ասկէ զատ գրական բեղուն կեանք մըն ալ ունե-



Տաթեւի վանքը

ցած է: Իր երկասիրութիւններն են. Հարցմանց Գիրք, Ոսկեփորիկ աստուածաբանական գրուածք մը, Փոքր կոչուած հարցմանց գիրք մը, Ինչպէս նաեւ Քարոզագիրք մը, Լուծմունք մը և ուրիշ գրութիւններ: Վախճանած է 1411ին:

ԵՐՐՈՐԴ ՄԱՍ

Քրիստոնեութեան Բարոյականը

Ա.

ՏԱՍԸ ՊԱՏՈՒԻՐԱՆՆԵՐ

Ա.— Ես եմ Տեր Աստուած քո, մի եղիցիմ քեզ ալ Աստուածք, բայց յիցեն:

Այս պատուիրանով Աստուած կը հրամայէ որ մի միայն Ձինքը իբր ճշմարիտ Աստուած ճանչնանք. կ'արգիլէ կուռքերուն կամ ուրիշ աստուածներուն յարգանք ընծայելը:

Բ.— Մի' արացես, դու քեզ կուռս ամենայն նրամանութեան, մի' երկրպագանիցես նոցա եւ մի' պատիւ քեզ զնոսա:

Այս պատուիրանով կը հրամայէ որ մենք որեւէ առարկայ կուռք չչինենք եւ անոր Աստուածային պատիւ չընծայենք, այսինքն զայն չպաշտենք եւ կամ անոր վրայ յոյս չդնենք:

Գ.— Մի' առնուցու զանուն Աստուծոյ քո ի վերայ սնոսեաց:

Իր անունը պարագայ տեղը պէտք չէ բերաննիս առնենք եւ ոչ ալ սուրբ տեղերը: Մենք իբր ճշմարիտ մարդիկ մէկ խօսք պէտք է ունենանք, մեր «այո»ն «այո» եւ «ոչ»ը «ոչ» պէտք է ըլլայ: Իսկ եթէ պատահի որ երդում ընենք պէտք է զայն պահենք:

Դ.— Յիշեա՛ սրբել զօր քաբարու, զվեց օր գոր-

ծիցես եւ արացես զամենայն գործս քո, իսկ զեօրնեռող օրն՝ քաբար նուիրես՝ ս Տեառն քում:

Աստուած կը հրամայէ շաբթուան վեց օրերը գործել իսկ եօթներորդ օրը Աստուծոյ նուիրել, այսինքն Տիրոջ հաճելի գործեր գործել. օրինակ, եկեղեցի երթալ, Ս. Գիրք կարդալ, բարեգործութիւններ ընել, հիւանդներուն այցելել եւն. եւն. Բարեգործութիւն է նաեւ հրդեհէ եւ հեղեղէ մարդիկ ազատելը եւ հիւանդներ հոգալը:

Ե.— Պատուեա՛ զհայր քո եւ զմայր, զի բարի լինիցի քեզ եւ երկայնակեաց լիցիս ի վերայ երկրի:

Պարտաւոր ենք մեր ծնողքը պատուել ոչ միայն իրենց ձերութեան եւ կամ դժբախտութեան օրերուն այլ եւ ամբողջ մեր եւ անոնց կեանքի տեւողութեան, նոյնիսկ յետ մահու: Որովհետեւ անոնց մեզ ըրած բարիքները ուրիշ ոչ մէկ կերպով կրնանք փոխարինել: Աստուած պիտի վարձատրէ զմեզ, երկրի վրայ երկար կեանք պարգեւելով:

Զ.— Մի' սպաններ:

Աստուած կը հրամայէ ոչ միայն մարդուս կեանքը չփճացնել եւ այլ անոր բարոյական կանքն ալ չանպատուել: Մարդը բարոյապէս եւ նիւթապէս սպաննելը ոճիր մըն է ոչ միայն մարդոց առջեւ այլ եւ անոր ըստեղծիչին՝ Աստուծոյն:

Է.— Մի' շնար:

Պէտք է սրտով մաքուր ըլլանք, չար մտածումներէ, անպարկեշտ խորհուրդներէ, գէշ ընկերակցութիւններէ եւ խօսակցութիւններէ հեռու ապրինք:

Ը.— Մի' գողանար:

Ինչ որ մերը չէ պէտք չէ որ առնենք: Գողութիւն է նաեւ ուրիշներուն իրաւունքը յափշտակելը, աշխատ-

տաւորին վարձքը չվճարելը, մեր քով ի պահ դրուած աւանդներ չվերադարձնելը:


Փողութիւն է նաեւ ուրիշին բարի անունը արատաւորելը և կամ իրեն վերագրելը:

Թ.— Մի՛ սուտ վկայեր զընկերէ Բուսմէ:

Սուտ վկայութիւն պէտք չէ ընենք դատարանին և կամ հասարակութեան առջեւ, այլ ճշմարտախօս ըլլալու ենք: Պէտք չէ զրպարտենք, բամբասենք, խեղաթիւրենք և ոչ ալ արժանաւորները անուանարկենք:

Ժ.— Մի՛ ցանկար ցան ընկերի Բո, մի ամենայնի որ ինչ նորա իցէ:


Պէտք չէ որ նախանձինք մեր ընկերոջ ունեցածին վրայ: Ոչ ալ անոր բախտաւորութեանը, յաջողութեանը և յառաջդիմութեանը վրայ: Պէտք է մաքուր սիրտ ունենանք և զո՞ն ըլլանք մեր ունեցածէն:



Բ.

ԼԵՐԱՆ ՔԱՐՈՉԸ

Յիսուսի կազմած աշակերտութիւնը ուսումի, դիրքի, հարստութեան տեսակէտով ոչ մէկ արժէք կը ներկայացնէր: Առհասարակ այնպէս կը կարծուէր թէ այս երեւոյթը Քրիստոսի ձեռնարկած գործին՝ ներկային և ապագային համար, փայլուն վիճակ մը պիտի չապահովէ: Բայց Քրիստոս ոչ միայն չի վնասիր այս



երեւոյթէն այլ՝ աշակերտութիւնն ալ կը սրտապնդէ ըսելով թէ ինք ներքին առաւելութեան արժէք կուտայ, որովհետեւ իր գործին յաջողութիւնը անկէ միայն կախում ունի:

Որպէսզի առաքեալներուն տարակոյսը փարատի՛

վայ կը կարգայ բոլոր անոնց որոնք զուրկ են ներքին տուաւելու թիւններէ, իսկ երանի այն բոլորին՝ որոնք անկէ ունին, զայն կը քարոզեն և անոնց համար նոյն իսկ իրենց կեանքը կը վստահեն:

Վայի արժանացողները հետեւեալներն են. անոնք որոնք իրենց հարստութեանը կը վստահին, անիրաւութեամբ յաջողած են, ցաւերէ և վիշտերէ կը խուսափին և այն քրիստոնեաները որոնք իրենց հանգիստը կը փնտռեն:

Իսկ երանելիներն են. հովուով աղքատները, այսինքն անոնք որոնք գիտակից են իրենց հոգւոյն աղքատութեանը, սգաւորները, հեղբրը, ողորմածները, արդարութիւնը սիրողները և խաղաղութիւն ընողները:

Ասոնք ամէնքն ալ բարոյական՝ ներքին տուաւելութիւններ են, ասոնցմով է որ աւետարանի քարոզութիւնը պիտի յաջողէր:

Բ. ՄԱՍ

Քրիստոս լերան քարոզի երկրորդ մասին մէջ հին և նոր օրէնքներու բաղդատութիւնը կ'ընէ: Բայց՝ որպէսզի շփոթութիւն առաջ չգայ, անմիջապէս կ'աւելցընէ թէ ինք հին օրէնքին դէմ չէ, այլ հետամուտ է զայն լրացնելու: Որպէսզի սխալ չհասկցուի կ'աւելցընէ. «Դիւրին է երկինքն ու երկիրը ջնջել քան թէ Մովսէսի և միւս մարգարէներու հաստատած օրէնքներէն կէտ մը իսկ ջնջելը»:

Մի՛ սպաններ:

Հին օրէնքի վարդապետները սպանութիւն մի՛ ընեն եր ըսելով մարդ չսպանելը կը հասկնային: Իսկ նոր օրէնքը ոչ միայն սպանութիւնը կ'արգիլէ այլ և կ'ըսէ. Ընկերդ անարգար տեղն ալ մի՛ անարգեր: Եթէ առթիւ պահուն յիշես թէ ընկերդ վշտացուցեր ես,

ձգէ աղօթքդ և զնա՝ անոր սիրտը առ, թէ ոչ դժոխքի կը դատապարտուիս:

Սուս երգում մի՛ ընեք.— Հին օրէնքի վարդապետները կը կարծէին որ եթէ Աստուծոյ, երկնքի և Երուսաղէմի վրայ երգում չընեն, երգումնին ներուած կ'ըլլայ: Բայց Քրիստոս կ'ըսէ. Ճշմարիտ մարդուն այո՛ն՝ այո, և ոչը՝ ոչ պէտք է ըլլայ:

Ակն ընդ ալկան.— Երբ մէկը աչքդ հանէ դուն ալ իրենը հանէ: Այսպէս կը մեկնէին դպիրները: Իսկ Քրիստոս կ'ըսէ. «Մի՛ կալ հակառակ չարին»: որովհետեւ եթէ դուն ալ նոյնը ընես պարզապէս չարիքը քաջալերած պիտի ըլլաս:

Ընկերդ սիրէ.— Հիները բարեկամները սիրել իսկ թշնամին ատել կը սորվեցնէին: Նոր օրէնքը կ'ըսէ. Թշնամիդ ալ սիրէ որովհետեւ երկնաւոր Հայրդ խրատութիւն չի դնել իր արարածներուն միջեւ: Բարիքները հաւասարապէս ամէնուն կը բաշխէ:

Գ. ՄԱՍ

ՈՂՈՐՄՈՒԹԻՒՆ

Քրիստոս կ'ըսէ. Ողորմութիւն տուած ատեննիդ ցուցամոլութենէ խուսափեցէք, հակառակ պարագային ձեր վարձքը միայն մարդոց գովասանքը կ'ըլլայ: Ողորմութիւն ըսելով պէտք է բոլոր բարեգործութիւններն ալ հասկնալ, օրինակ ազէտին՝ ուսում, անօթիին՝ հաց, բանտարկեալին՝ այցելութիւն, պանդուխտին օթեւան տալը եւն. եւն.:

Ողորմութիւն տուած ատեննիս որչափ որ ալ խուսափինք ցուցամոլութենէ բայց և այնպէս չենք կրնար ստիպել ստացողը որպէսզի չարտայայտուի: Ասոր համար է որ եկեղեցիներու մէջ արտօնուած է բարերարներու անունները հանդիսաւորապէս յիշատակել:

25 12

444

Ողորմութիւնը մարդուս ունեցածին հետ յարաբե-
րական է, շատ ունեցողը՝ շատ, քիչ ունեցողը՝ քիչ
կուտայ:

Աղօթք.— Աղօթելու համար եւս հիներու ցուցա-
մոլութենէն պէտք է խուսափիր: Աղօթքին նպատակը
պէտք է ըլլայ խնդրուածքը Աստուծոյ լսելի ընել: Ա-
սոր համար աղօթքի արտաքին ձեւը կարեւորութիւն
չունի այլ՝ Աստուծոյ հետ ներքին միաւորութիւնը:

Աղօթքին մէջ պէտք չէ շատախօս լըլլալ,
պէտք է մեր խնդրանքին մէջ սիրտ, հոգի և միտք
ղնենք:


Քրիստոս աղօթքի բանաձեւը ինք տուած է որ է
տէրունական աղօթքը՝ Հայր մերը, որ ամէն քրիստոն-
եայ պարտաւոր է գիտնալ:

Քրիստոս որպէսզի աղօթքին ուժը ցուցնէ հետեւ-
եալ առակը կը պատմէ. «Կէս գիշերին մէկուն քով
հիւր մը կուգայ: Տան տէրը հիւրը պատուելու
համար կը փափաքի ընթրիք տալ բայց հացը կը
պակսի: Կը ստիպուի դրացին արթնցնել և անկէ փոխ
հաց ուղել: Բայց դրացին զանազան պատճառաբանու-
թիւններով կը դժկամակի պրտկած տեղէն ելլել: Բայց
տան տէրը շարունակ դուռը կը բողբէ և իր խնդ-
րանքը կը կրկնէ: Վերջապէս՝ ճարահատ, դրացին
պրտկած տեղէն ելլելով խնդրած հացը կուտայ:

Այս առակէն վերջ Քրիստոս կ'աւելցնէ. Եթէ
մարդիկ մեր ազանքներուն առջեւ տեղի կուտան,
ապա ուրեմն նոյնքան անկեղծութեամբ և սրտով եթէ
մեր երկնաւոր Հօրը դիմելու ըլլանք, ա'լ աւելին՝ շատ
դիւրութեամբ պիտի ստանանք:

Դ. ՄԱՍ

Այս մասին մէջ Յիսուս մեր ուրիշին հետ ունեցած
յարաբերութիւնը կը ճշդէ. Մարդիկ կան, կ'ըսէ, ո-



« Ազգային գրադարան



NL0145984

